



Library

University of Pittsburgh

*Darlington Memorial Library*

Class.....<sup>Dar</sup>  
1570

Book.....I88523



110

3/10/11

on

m

de

net

195

the


One of the earliest  
books on the  
history of the  
country of  
Alfred




This beautiful new Edition contains the whole of his Pastoral Works. Vogt, speaking of his "Lamentatio de Morte Christi", says, "Omnes operum Sannasarii Editiones antiquiores non solum in Italia excussa, verum etiam in Gallia a Rob. Stephano precipue et Joh. Grypho typis mandata, variorum libris sunt adnumeranda."

His Portrait on Wood and various poems upon him, (cum Elogiis variis, lat.) will be found in "Resurrexi & conati".

The first of these is the  
 fact that the British  
 Government has been  
 in the habit of  
 sending out large  
 numbers of troops  
 to the various  
 parts of the world  
 for the purpose  
 of maintaining  
 the peace and  
 order of the  
 world. This has  
 been done for  
 many years and  
 has been the  
 result of the  
 British Empire  
 which has been  
 the greatest  
 power in the  
 world for many  
 years.





*Mergillina procul quâ Tethyos inspicit vndas,  
Audit ab Actiacâ munera blanda domo:  
Arrectusq; diu modulamine carminis hæsit:  
Inde sacro tales fundit ab ore sonos:  
Huc ades ô genitrix, illasi virgo pudoris:  
Arte pius vates dum tua facta nouat:  
Anne iterum arcano compleri viscera motu,  
Concepitumq; polo reddere credis onus?  
Certè ego mî videor primis irrepere cunis;  
Rursus & horrifera mortis obire vicem.  
Dum mea sæpe tamẽ sic mors cantetur, & ortus:  
Nec graue sit nasci, nec mihi sæpe mori.*

BASILII ZANCHII.

*Has nassas, hæc lina tibi Syncere sepulto,  
Piscator tenui dedicat arte Mycen.  
Hos calamos, myrtumq; tibi, viridemq; coronam  
Arcadiâ pastor ponit ab arte Lycon.  
Has lacrymas, vulsamq; à vertice Mergillina  
Cæsariem, & vicias spargit & ammineum.  
Parthenope patria ipsa tibi de marmore bustum  
Condit, & extentis funera temporibus.*

PETRI BEMBI.

*Quid moror? aeterni te suspicit vmbra Maronis,  
Et tibi vicinum donat habere locum.*

---

IOAN.

T V M V L V S.

DA SACRO CINERI FLORES: HIC ILLE  
MARONI:

SINCERVS, MVSA PROXIMVS, VT TV-  
MVLO.

---

M. ANT. FLAMINII.

*Quantum Virgilio debebit sylua Maroni,  
Et pastor, donec Musa Maronis erit:  
Tantum penè tibi debent piscator, & acta,  
ACTI, diuino proxime Virgilio.*

ANT. TIBALDEI.

*Virginis intactæ partum, partumq; videbis,  
Actia quem docto pectore Musa dedit.  
Admirandi ambo: humanæ fuit ille saluti  
Vtilis; humanis hic fuit ingenijs.*

PETRI GRAVINAE.

*Qui diuina legis Synceri carmina vatis;  
Magnaq; virginiei sacra puerperij:  
Non hæc humano credas procedere sensu:  
Auctori mentem mouit, & ora Deus.  
Hunc sibi delegit, quo non cœlestia quisquam  
Grandius, aut pleno cultius ore sonet.*

N. NIC. GRVDII.

*Nuper ad Oenotrias aciem cùm flecteret arces  
Christus, & Euboicæ mœnia Parthenopes.*

---

IACOBVS SANNAZARIVS EQVE-  
STRIS ordinis Poeta:

NEAPOLI natus, atque edu-  
catus:

Ob præclarum fœcundi atque felicitis ingenij spe-  
cimen, repudiato auito gentilitioq; no-  
mine, ACTIVS SYNCERVS  
appellatus:

FERDINANDI Aragonum Regis Aulæ  
familiaris & assiduus:

Quem ipse constanti studio, atque integrâ fide,  
exulem Regno pulsum in vltorio-  
rem Galliam secutus  
est:

Latini æquè ac Hetrusci carminis  
princeps:

Pari lepore saleque Musis vtrinque  
aridentibus:

Sed in primis tamen graui & sacro Poëmate, de  
partu Virginis xx. annorum limâ  
perpolito cele-  
bratus:

Obiit annum agens

LXXII.

Sepultus cum suâ CASSANDRA, summæ virtutis  
& eruditionis muliere, iuxta villam Mer-  
gillinam, in templo Deiparæ  
Virgini ab se de-  
dicato.



IACOBVS SANNAZARIVS  
EQVES & POETA.



*Aemula suspexit magnum mea Musa Maronem:  
Proxima nunc cineres umbra Maronis amat.*




IACOBI SANNAZARII

OPERA OMNIA,

LATINE SCRIPTA.



EX BIBLIOTHECA ALDINA.  
VENETIIS. M. D. LXX.



## DILECTO FILIO

## ACTIO SYNCERO

## SANNAZARIO.

## LEO PAPA DECIMVS.

ILECTE fili salutem & Apostolicam benedictionem. Cum forte de claris ingeniis ætatis nostræ apud nos uerba fierent, affuere qui cum te, tum opus tuum de partu Virginis diuinis propè laudibus cum admiratione attollerent, atque prædicarent. Quæ res expectata quidem diu nobis (nihil enim non excultum, non elaboratum, non singulari tuo ingenio dignum proficisci à te posse arbitramur) uerum eo nunc carior & iucundior uisa est, tū quod quæ futura expectabamus, accepimus iam facta esse, & quæ superent omnem expectationem, tū quod & si nullo non tempore fuissent acceptissima, hac præcipue tēpestare erunt longe gratiora. Qua quidem, quo doctiores uideantur, ecclesiam stilo iniquo petant, qui exactissima eruditione cōmendent, non desiderentur. dici non potest, cum hæc audiremus, quantū uoluptatis acceperimus, & cum ipsi legemus, accepturi simus: quod persuasimus, diuina factum prouidentia, ut diuina sponsa tot impiis oppugnatorib. laceratoribusq; lacesita talem, tantumq; nacta sit propugnatorē,

& cum illi impia facundia abusi frangant in rem  
sacram genuinum, tu unus opus edideris, quo re  
sacram omnibus (ut dici solet) nervis attollendâ,  
excolendamq; procuraueris sancto consilio, euē-  
tu feliciore, cum dictitent, qui legere, si rem quæ  
ramus, nihil nisi Christū, atque eius Sponsam so-  
nare, si pietatem, undique religionis enitere stu-  
dium, si iudicium nihil ungue signandum relin-  
quere, si figuras artisq; conatus, ueterum uatum  
nulli cedere, multos anteire. gratulamur itaque  
tibi, quod tantum unus præstes, quantum antea  
nemo, ecclesiæ, quod cum uexetur lancineturq;  
ab aliis, à te uno in cælū efferatur, nostro sæculo,  
quod fiet tui carminis luce celeberrimum, nobis  
denique ipsis, quibus imminēte hinc Goliade ar-  
mato, hinc Saule a furiis agitato, affuerit pius Da-  
uid illum funda à temeritate, hunc lyra à furore  
compescens. Hortamur itaque te, iam opus edas,  
ut qui dolent, cū illa legunt, quæ aduersus pieta-  
tem uenena ficti Christiani euomere, ad tua cō-  
ferant se se, quæ ueluti præsens antidotum sint op-  
posituri. Tu ita tibi persuadeas uolumus, nos te &  
tua omnia perinde ac nostra complexuros esse,  
nec nos, nec hanc sanctam sedem unquam tui uel  
affectus uel operæ immemores futuros. Datum  
Romæ apud Sanctum Petrum sub annulo Pisca-  
toris Die VI. Augusti. M. D. XXI. Pontifi-  
catus nostri Anno nono.

B E M B V S.

Per Fauonium De mandato.

3

DILECTO FILIO

ACTIO SYNCERO

SANNAZARIO.

CLEMENS PAPA VII.

ILECTE fili salutem & Apostolicam benedictionem . Acce-

**D**epimus librum gratisimo munere, quem tu ad nos de Dei, & domini nostri Iesu Christi reb. scri-

ptum misisti, cuius argumentum præclarum, atque nobile cum in te parem ostendat animi pietatem, atque ingenii gloriam, sitq; in eo nomē quoque nostrum ad memoriā eorū qui lecturi sunt, qui quidem innumerabiles futuri sunt in lōga posteritate, immortalitati quasi commendatū, muneris tui magnitudinē hoc magis sentimus, quod quomodo parem referamus gratiam, habere nos non arbitramur. Si enim immortalitas optata, & grata est omnib. qui præsertim animo uegetiore atq; erectiore sint, permagnæ sunt illius partes, nobis à te tributæ. Quāquā. n. ea est appetēda maxime, illiq; elaborandum præcipue, quæ post discessum ex hac uita, in illa altera uita felici & sempiterna nos cum Deo ipso collocat, Tamē ne hæc quidem nō libenter adsciscenda, quæ producit ad posteros nostri nominis perpetuitatem. pro qua; qui illā cælestem & diuinam immortalitatē non

planè cognouerunt, maximis sæpe tamen contentionibus, & acerbissimis discriminibus uitã, & caput suum obiecere. quod profecto non fecissent, nisi à natura ipsa admoniti, summum quidam bonum existera coniectati fuissent, cuius in imagine, & simulacro tam multas partes experirentur esse delectationis, & gloriæ. Est enim profecto hæc famæ & laudis ad commemorationem hominum celebritas, imago illius ueræ immortalitatis, quæ eximio dono omnipotētis Dei, uni christiano generi, per dominum nostrum Iesum Christum proposita est, ad quam potissimum aspirare debemus, hanc uero ita charã, iucundamq; ducere, si proborum & prudentium testimonium nobis deferatur, quod quidem in te nobis egregie contigit. Non enim ingenio solum tuo honorati, illustratiq; sumus, sed (quod nobis etiam gratius est) iuditio comprobati, & si enim ingenii gloria concedis nemini, uel omnibus potius præstas, qui in hoc scribendi genere cum laude uersati sunt, tamen cum ipso scriptionis argumento ostendas, qua sis pietate, sapientia, religione præditus, iucundius etiam accepimus testimonium optimi, & religiosissimi uiri, quàm studium doctissimi. Quapropter maxime uirtute, tu quidem, id enim es consecutus: quo nullum maius homini bonum in hac uita existere posse uideatur. maximorum enim donorum, quibus te affecerat Deus, gratia illi (quo ad mortali homini licuit) relata, illud iam summum, & incom-

parabile ueræ immortalitatis donum es promeritus, cui deinde iam gratia nulla esse par potest. qui talentum acceptum multiplicatis mercedibus, eidem domino reddidisti à quo acceperas. Ex quo cum fructum quoque non mediocrem tui libri dicatione, ad nominis nostri laudem, ac memoriam redundare uolueris, tantam tibi habemus gratiam, quantam capere grati, & memoris Pontificis tanto deuincta officio mens potest, sicut & re ipsa tibi ostendere parati sumus, & ut experiare etiam adhortamur. Datum Romæ apud Sanctum Petrum sub annulo Piscatoris Die V. Augusti. M. D. XXVII. Pontificatus nostri anno tertio.

IA. SADOLETVS.

A iiii

ÆGIDIUS TIT. S.

MATTHÆI S. R. E.

PRESBYTER CARDINALIS

ACTIO SYNCERO

SANNAZARIO S.

IVINVM de Partu Virginis

poema mihi tuo nomine redditū

D cum legissem, uelut attonitus ac

lucis impatiens, statim ad te ne-

scio quid, sed quale ab iis, qui lo-

lio (ut aiunt) uictitant, proficisci potest. Neque

enim de eo posse arbitror quenquam iudicare,

præter eum, qui ad eruditionem tuam proxime

accedat, quiq; (quod fieri uix pōsset) tui sit quàm

maxime similis. Verum cum absurda quædam

& ἀμύσῃα scripserim, meæ tamen litteræ (quæ tua

est humanitas) undiq; expetitæ, lectæ, exscriptæ

istic à plerisque omnibus sunt. Cumq; (ut audie-

bam) earum literarum exemplum in tuorum fe-

rè omnium ciuium manibus esset, ecce à te mihi

litteræ redduntur, demissa cælo Ancyliæ mihi uisæ

sunt, nullum enim ornandi me locum prætermi-

tis. Nam dum mea probas Neapoli cum admira-

tione legor, & item Romæ, dum rescribis, quo

munere beasti me Syncere, diis hominibusq; in-

uidentibus. Sed ut ad poema redeam, diuina qui-

dem illa omnia, uerum hæcenus ita omni orna-



tu caruerunt, ut humanis inferiora, nunc à te ita omnium musarum muneribus exulta, ut diuinis, (si dicere fas sit) uel portiora esse uideantur. Nam cum à præscripta linea digrederis uelut liberum dicendi genus nactus ita ingenii uires explicas, ut antiquorum nemini sit tibi concedendum. rursus cum ea narras, unde ne transuersum quidem ungem, quod aiunt, quæq; maiores nostri diuinarum rerum scriptores Latinis literis ornari haud posse arbitrabantur, ita oratione illustras, ut omnium argumenta, cum Græcorum, tum Latinorum Poetarum, longo post se interuallo relinquunt. Quid enim immortalis Deus (ut ordiar ab initio) inuocatione elegantius? quid conceptu altius? quid cælo, terra, inferis rei nouitate obstupescientibus mirabilius? quid læto Simeone iucundius? quid infantum internitione fæuius? quid deo moriente horribilius? quid ab Orco redeunte gratius? quid spolia referente beatius? quid agente in cælum triumpho te canente felicius? Adde alterius libri Musas certatim diuina carmina modulantes, adde pictum Orbem, adde Specum. De partu uero quid ipse loquar? cum ea de re deinceps uel tacendum, uel tuis duntaxat uerbis loquendum sit. Prætereo qua oratione Heros ille tuus è somno excitus, diuinaq; adflatus aura Deum natum adoret. Nec referam è tertio illustrata puerperia, non diuorum cantus, non carmina, non pastorum uaticinia, non felices

fluuii oracula, non urnā, non columbæ alas argen-  
teas, non deniq; Protei uatis miracula recēsebo.

*- Non si mihi ferrea centum*

*Ora sonent, totidemq; ærato è gutture lingua*

*Carminis Aëtiaci laudes percurrere possem.*

Verum cum tu solum pietate, non humanarum  
laudum cupiditate accensus, tantum studii, labo-  
ris, diligentix ad scribendum contuleris, ea tibi  
summa laus censeatur, quæ uno omnium ore præ-  
dicabitur, tātum esse laudum tuarum cumulum,  
ut ne ipsi quidem eloquentix, qua mirabiliter ex-  
celsis, locus ad te laudandum relinquatur. Nam  
de laboris præmio, ad nos idest mortales, nihil ad-  
tinet cogitare. Quid enim tibi tribuere homines  
possent, & si omnia simul congefserint, quo tuū  
meritum expleretur? Deus ille Deus, cuius nu-  
mine adflatus, tam doctum, tam sanctum, tam  
pium carmen cecinisti, te digno munere remune-  
rabitur. Non quidem Elysiorum aut piorum cam-  
pis, insulis ue fortunatorum, quas Lino, Or-  
pheo, Musæo, ceterisq; deorum filiis sedes anti-  
quitas falso statuit, sed cælo, digna quidem tanta-  
rum uigiliarum mercede. Reliquum est, ut tibi  
gratias agam, quod Augustini personam inserue-  
ris, quæ reliquis tam apte, tantaq; harmonia co-  
hæret, quanta Philosophi aiunt in cælo sidera.  
proinde recte ad te pertinet Homericum illud.

Ο Δ' ὀλβιος δ' ἔτινα μοῦσαι φίλονται.

Γλυκερὴ οἱ ἀπὸ σώματος εἶναι αὐδὴν.

# PETRVS GRAVINA.

**ON** sine prouidentia deligunt si  
 bi immortales quandoq; ex morta  
**N** libus nōnullos, quorum opera, ad  
 uenerandam diuinam dignitatem,  
 decentius utantur. hinc nostra  
 Christiana ueritas, tot sanctorum uirorum, san-  
 ctarumq; uirginum testimonia, ac ministeria in  
 sui gloriam agnoscit. an fortuito igitur euenisse  
 existimabimus, ut temporibus nostris, nascentis  
 diuini celestisq; operis de partu Virginis impri-  
 mendi, ac promulgandi curam, Virgo ipsa Dei-  
 para, quasi ex destinatu, primariæ feminæ Cas-  
 sandræ Marchesiæ, nobilitate, facundia, pudici-  
 tia insigni demandauerit: quæ quidem alumna tã  
 tum sibi placet docta Neapolis, ut cum Gratiis  
 Gratiam, cum Musis Musam esse affirmet. Hac  
 itaque ueluti quadam honestissima obstetrice cu-  
 rante, diuinus hic noui carminis partus ueterem  
 nostram salutem, ac lucem, tanquam renascen-  
 tem nobis expectantibus repræsentauit.

# ACTII SYNCERI

SANNAZARII

## QUADAM EPIGRAMMATA.

**Trahebatur clypeum Marti placitura Dionæ :**

Sæuaq; feminea sumpserat arma manu .

**Pone Dea exclamat petulanti uoce priapus :**

Pone : decent istas hæc magis arma manus .

Eiusdem

**Dum Venus armatum complectitur obuia Martem :**

Distrinxit teneram fibula aduncæ manu .

Sensit , & ante Iouem ridens ait amula Pallas ,

Bella iterum gessit cum Diomede soror .

Eiusdem

**Viderat Adriacæ medijs Neptunus in undis**

Stare urbem , & toto ponere iura mari .

**Nunc mihi tarpeias quantumuis Iuppiter arces**

Obijce , & illa tui mœnia Martis : ait .

**Si pelago tybrim præfers : urbem aspice utranq; :**

Illam homines dices , hanc posuisse deos .

Eiusdem

**Flebat adhuc marens ceruo Cyparissus adempto :**

Cum sua conspexit cortice membra regi .

**Delius exclamat , quid nostro silua dolore**

Crescis ? tu Daphnem , tu Cyparissos habes .

Eiusdem

**Iuppiter infractos iactat dum sæpe gigantas :**

Et sibi seruati dat decus omne poli :

Sic est inquit Amor , namq; hoc mugire solebas

**Tunc quoq; : cum torua fronte iuuenus eras .**

*Eiusdem*

**De Veneris nato quæta est Dycinna Tonanti :**

**Quod nimis ille puer promptus ad arma foret :**

**Tum pater adciio , ostendens graue fulmen amori :**

**Hoc tibi sæue puer spicula frangat : ait .**

**Cui lasciuus Amor motis hæc reddidit alis .**

**Quid si iterum posito fulmine cycnus eris ?**

*Eiusdem*

**Spreuerat hirsutas pascentem Pana capellas :**

**Candida nocturnis quæ Dea fertur equis .**

**At postquam niuæ conspexit munera lanæ :**

**Post habuit furuas Endimionis opes .**

**Ille autem tristi demittens lumina somno :**

**More hæc : mors : inquit : non mihi sonus erit .**

*Eiusdem*

**Effudit longas Tegæa in rupe querelas**

**Pancaptus forma candida Luna tua :**

**Cumq; breui calamos cera coniungeret , inquit .**

**Prædata es sensus tu quoq; canna meos .**

*Eiusdem .*

**Excitat obstrictas tumulis Summontius umbras :**

**Impleat ut sanctæ munus amicitiae .**

**Vtq; prius uiuos : sic & post fata sodales**

**Observat : tristes & sedet ante rogos .**

**Nec tantum uiolas cineri : ac bene olentia ponit**

**Serta : sed & lacrymis irrigat ossa pijs .**

**Parua loquor . culti reparat monumenta libellis :**

**Cum possint longam saxa timere diem .**

**At tu uinaci quæ fulcis nomina fama :**

**P**oscenti gratas Musa repende uices :  
**V**t quoniam dulces optat sic uiuere amicos :  
**V**inæ : & in libris sit sacer ille meis .

Eiusdem

**P**arthenope mihi culta uale : blandissima Syren :

Atque horti ualeant : Hesperidesq; tuæ .

**M**ergillina uale nostri memor : & mea flentis

Serta cape : heu : domini munera auara tui .

**M**aternæ saluete umbræ : saluete paternæ :

Accipite & uestris thurea dona focis .

**N**e ue nega optatos uirgo Sebethias amnis .

Absentiq; tuas det mihi somnus aquas :

**D**ei fesso æstiuas umbras sopor : & leuis aura :

Fluminaq; ipsa suo lene sonent strepitu .

**E**xilium nam sponse sequor . Fors ipsa fauebit :

Fortibus hæc solita est sæpe & adesse uiris :

**E**t mihi sunt comites . Musæ : sunt numina uatum :

Et mens læta suis gaudet ab auspicijs .

**B**landiturq; animi constans sententia : quamuis

Exilij meritum sit satis ipsa fides .

CLEMENTI SEPTIMO  
PONTIFICI MAXIMO  
ACTIVS SYNCERVS.

Magne parens, custosq; hominum, cui ius datur uni  
Claudere celestes, & reserare fores.

Occurrent si qua nostris male firma libellis  
Deleat errores æqua litura meos.

Imperijs uenerande tuis submittimus illos,  
Nam sine te recta non licet ire uia.

Ipsè manu, sacrisq; potens Podalyrius herbis  
Vlcera Pæonia nostra leuabis ope.

Quippe mihi toto nullus te præter in orbe  
Triste salutifera leniet arte malum.

Rarus honor, summo se præside posse tueri,  
Rarior à summo præside posse legi.

# ACTII SYNCERI

SANNAZARII, NEAPOLITA-

NI, VIRI PATRICII,

DE PARTU VIRGINIS

LIBER PRIMVS.

IRGINEI partus, magnôq; æ-  
quæua parenti

V Progenies, superas celi quæmissa per  
auras

Antiquâ generis labē mortalibus ægris

Abluit, obstructiq; uiam pate fecit olympi,  
Sit mihi Calicolæ primus labor: Hoc mihi primum  
Surgat opus. Vos auditas ab origine causas,  
Et tanti seriem (si fas) euoluite facti.

Nec minus ò musæ uatum decus; hic ego uestros  
Optarim fontes, uestras nemora ardua rupes:  
Quando quidem genus è cælo deducitis: & uos  
Virginitas, sanctæq; iuuat reuerentia famæ.  
Vos igitur, seu cura poli, seu uirginis huius  
Tangit honos: monstrate uiam, qua nubila uincam:  
Et mecum immensi portas recludite cæli.

Magna quidem, magna Aonides, sed debita posco,  
Nec uobis ignota: etenim potuistis & antrum  
Adspicere, & choreas: nec uos orientia cælo  
Signa, nec Eoos Reges latuisse putandum est.

Tuq; adeo spes fida hominum, spes fida deorum  
Alma parens, quam mille acies, quæq; ætheris alti  
Militia



Militia est, totidem currus, tot signa, tubæq;  
 Tot litui comitantur, ouantiq; agmina gyro  
 Adglomerant: niues tibi si solennia templis  
 Sertæ damus: si mansuras tibi ponimus aras  
 Exciso in scopulo, fluctus unde aurea canos  
 Despicens, celfo se culmine Mergilline  
 Adtollit, nautisq; procul uenientibus offert:  
 Si laudes de more tuas, si sacra, diemq;  
 Ac cœtus late insignes, ritusq; dicamus,  
 Annua felix colimus dum gaudia partus:  
 Tu uatem ignarumq; uia, insuetumq; labori  
 Diua mone, & pavidis iam læta adlabere cœptis.

Viderat ætherea superum regnator ab arce,  
 Vndiq; collectas uectari in tartara prædas:  
 Tisiphonemq; imo conantem cuncta profundo  
 Vertere, & immanes stimulantem ad dira sorores;  
 Nec iam homini prodesse, alto quod semina cælo  
 Duceret, aut uarios animum excoluisset ad usus:  
 Tantum lethifera poterant contagia culpa.  
 Tum pectus pater æterno succensus amore,  
 Sic secum. Ecquis erit finis? tantis ne parentum  
 Prisca luent pœnis seri commissa nepotes?  
 Ut quos uicturos semper, superisq; crearam  
 Penè pares, tristi patiar succumbere letho,  
 Informesq; domos, obscuraq; regna subire?  
 Non ita: sed diuum potius reuocentur ad oras,  
 Ut decet, & manuum poscunt opera alta mearum;  
 Desertosq; foros, uacuiq; sedilia cæli  
 Actutum complere parent: legio unde, nefandis  
 Acta odijs, trepidas ruit exturbata per auras.

- „ Quumq; caput fuerit, tantorumq; una malorum  
 „ Femina principium, lacrymasq;, & funera terris  
 „ Intulerit: nunc auxilium ferat ipsa, modumq;  
 „ (Quà licet) afflictis imponat femina rebus.  
 Hæc ait: & celerem stellata in ueste ministrum,  
 Qui castæ diuina ferat mandata puellæ,  
 Ad loquitur, facie insignem, & fulgentibus alis.  
 „ Te, quem certa uocant magnarum exordia rerum,  
 „ Fide uigil, pars militiæ fortissima nostræ,  
 „ Te decet ire, nouumq; in sæcula iungere fœdus:  
 „ Nunc animû huc aduerte: atq; hæc sub pectore serua.  
 „ Est urbes Phœnicum inter, lateq; fluentem  
 „ Iordanem, regio nostris sat cognita sacris,  
 „ Iudæam appellant, armisq;, & lege potentem.  
 „ Hic claris exorta ataus, uatumq; ducumq;  
 „ Amiquum genus, & dignis licet aucta hymenais,  
 „ Pectoris inlæsum Virgo mihi casta pudorem  
 „ Seruat adhuc, nullos non seruatura per annos:  
 „ (Mirus amor) seniumq; sui uenerata mariti  
 „ Exiguus degit thalamis, & paupere tecto,  
 „ Digna polo regnare, alioq; effulgere diuum  
 „ Concilio, & nostros æternum habitare penates.  
 „ Hanc mihi uirginibus iam pridem ex omnibus unam  
 „ Delegi, prudensq; animo interiore locau:  
 „ Ut foret, intacta sanctum quæ numen in aluo  
 „ Conciperet, ferretq; pios sine semine partus.  
 „ Ergo age, nubiuagos molire per aera gressus:  
 „ Deueniensq; locum, castas hæc iussus ad aures  
 „ Effare: & pulchris cunctantem hortatibus imple:  
 „ Quando quidem genus è Stygijs mortale tenebris

12 Eripere est animus, sæuosq; arcere labores.

Dixerat: Ille altum zephyris per inane uocatis  
Carpit iter, scindit nebulas, atque aera tranat

Ima petens: pronusq; leues uix commouet alas.

Qualis, ubi ex alto notis Mæandria ripis

Prospexit uada, seu placidi stagna ampla Caystri.

Præcipitem sese candenti corpore cygnus

Mittit agens: iamq; implumis: segnisq; uidetur

Ipse sibi: donec tandem potiatur amatis

Victor aquis: sic ille auras, nubesq; secabat.

Ast ubi palmiferae tractu stetit altus Idumes:

Reginam haud humiles uoluentem pectore curas

Adspicit: Atq; illi ueteres de more Sibyllæ

In manibus: tum si qua æuo referanda nepotum

Fatidici casto cecinerunt pectore uates.

Ipsam autem securam animi lætamq; uideres

Auctorem sperare suum: Namq; adfore tempus,

Quo sacer æthereis delapsus spiritus astris

Incorrupta piæ compleret uiscera matris,

Audierat. Proh quanta alti reuerentia cæli

Virgineo in uultu est. oculos deiecta modestos

Suspirat: matremq; Dei uenientis adorat:

Felicemq; illam, humana nec lege creatam

Sæpe uocat: nec dum ipsa suos iam sentit honores:

Cum subito ex alto iuuenis demissus olympo,

Purpureos reteggit uultus: numenq; professus

Incessuq; habituq; ingentes explicat alas:

Ac testis late insuetum diffundit odorem.

Mox prior hæc. Oculis salue lux debita nostris,

Iam pridem notum cælo iubar, optima Virgo:

Cui se se tot dona tot explicuere merenti  
 Diuitiæ superum : quidquid rectiq; , probiq;  
 Aeterna de mente fluit : purissima quidquid  
 Ad terras summo ueniens sapientia calo  
 Fert secum , & plenis exundans gratia riuus .  
 Te genitor stabili firmam sibi lege sacrauit ,  
 Perpetuos genitor cursus qui dirigit astris :  
 Mansuramq; tuo fixit sub pectore sedem .  
 Idcirco coetus inter ueneranda pudicos  
 Vna es , quam laeis cali in regionibus olim  
 Tot diuum celebrent uoces . proh gaudia terris  
 Quanta dabis ? quantis hominum succurrere uotis  
 Incipies ? Stupuit confestim exterrita Virgo :  
 Demisitq; oculos : totosq; expalluit artus .  
 Non secus , ac conchis si quando intenta legendis  
 Seu Micone parua , scopulis seu forte Seriphi  
 Nuda pedem Virgo , lætæ noua gloria matris ,  
 Veliferam aduertit uicina ad litora puppim  
 Aduentare , timet : nec iam subducere uestem  
 Audet , nec tuto ad socios se reddere cursu :  
 Sed trepidans silet , obtutuq; immobilis hæret .  
 Illa Arabum merces , & fortunata Canopi  
 Dona ferens , nullis bellum mortalibus infert :  
 Sed pelago innocuis arcum nitet armamenti .

Tum rutilus cali alipotens , cui lactea fandi  
 Copia , diuiniqu; fluunt è pectore rores  
 Ambrosiæ , quibus ille acres mulcere procellas  
 Possit , & iratos pelago depellere uentos .

Exue Dia metus animo , paritura uerendum  
 Caluibus numen , sperataq; gaudia terris ,

Aeternamq; datura uenis per secula pacem.  
 Hæc ego sydereæ missus tibi nuncius arce;  
 Sublimis celeres uexit quem penna per auras,  
 Vaticinor, non insidias, non neſtere fraudes  
 Edoctus: longe à noſtris fraus exulat oris.  
 Quippe tui magnum magna incrementa per orbem  
 Ipſa olim parius Virgo, ſobolisq; beatæ  
 Adſpicias. uincet proauos: proauitaq; longo  
 Extendit iura imperio: populisq; uocatis  
 Ad ſolium, late ingentes moderabitur urbes:  
 Nec ſceperi iam finis erit, nec terminus æui.  
 Quin iuſtis paulatim animis pulcherrima ſurget  
 Relligio. Non monſtra pijs, ſed numina templis  
 Placabunt caſtæ diris ſine cædibus aræ.

Dixerat: illa animum ſedato pectore firmans,  
 Subſiit, & placido breuiter ſic ore locuta eſt.  
 Conceptus ne mihi tandem, pariusq; futuros  
 Sancte refers? me ne attractus perferre uiriles  
 Poſſe putas? cui uel nitenſi matris ab alio  
 Protinus inconcuſſum, & ineluctabile uotum  
 Virginitas fuit una: nec eſt, cur ſoluere amata  
 Iura pudicitie cupiam, aut hæc fœdera rumpam.  
 Immo iſtas; quod tu minime iam rere, per aures.  
 Excipit interpres, ſecundam ſpiritus alium  
 Inſluet, implebitq; potenti uiſcera partu,  
 Flammiſero ueniens cælo, atq; micantibus aſtris.  
 At tu uirgineum mirata tu meſcere uentrem,  
 Hærebis pauitans: denum formidine pulſa  
 Gaudia ſeruati capies inopina pudoris.  
 Ne hæc uanâ putes; dictis aut territa noſtris

Indubites : feræ dudum concessa senectæ  
 Dona oculos pone ante tuos : Nam sanguine auito  
 Iuncta tibi mulier (sterilis licet illa, graviorq;  
 Pressa ævo) haud quaquā speratū hoc tempore pignus  
 Fert utero, & felix sexto sub mense laborat.  
 Vsq; adeo magno nil non superabile cælo est.

His dictis, Regina oculos ad sydera tollens,  
 Cælestiumq; domos superas, atque aurea tecta,  
 Admit, & tales emisit pectore voces.  
 Iam iam vince fides, vince obsequiosa voluntas:  
 En adsum: accipio uenerans tua iussa, tuumq;  
 Dulce sacrum pater omnipotens: nec fallere uestrū est  
 Calicola. nosco crines, nosco ora, manusq;  
 Verbaq; & aligerum cæli haud uariantis alūnum.  
 Tantum effata, repente noua micuisse penates  
 Luce uidet: nitor ecce domum complerat: ibi illa,  
 Ardendum haud paciens radiorum, ignisq; corusci,  
 Extimuit magis. At uenter (mirabile dictū)  
 (Non ignota cano) sine ui, sine labe pudoris,  
 Arcano intumuit uerbo. Vigor actus ab alto  
 Irradians, Vigor omnipotens, Vigor omnia complens  
 Descendit, Deus ille, Deus: totosq; per artus  
 Dat se se, miscetq; utero. quo tacta repente  
 Viscera contremuere: silet natura, pauetq;  
 Adtonitæ similis confusaq; turbine rerum  
 Insolito occultas conatur quærere causas.  
 Sed longe uires alias, maioraq; sentit  
 Numina. succutitur tellus: laeuumq; sereno  
 Intonuit cælo rerum cui summa potestas,  
 Aduentum nati genitor testatus: ut omnes

Audirent late populi, quos maximus ambit  
Oceanus, Tethysq; , & raucifona Amphitrite .

Hos inter medios celi, terræq; fragores  
Aequatis properans uolucer pulcherrimus alis  
(Omnia dum trepidant) discesserat: altaq; nabat  
Per loca: cum Virgo celsis in nubibus illum  
Alternantem humeros uidet, aîq; immensa secantem  
Ventorum spatia, & iam uersicolore per auras  
Fulgentem pluma, ac cali conuexa petentem .

Quem denuum tali adspectans sermone secuta est .  
Magne ales, celsi decus ætheris, inuia rerum  
Qui penetras, longeq; & nubila linqvis, & euros  
Anteuolans, læto seu te felicia tractu.

Sidera . quæq; suos uoluuntur signa per orbes  
Expectant redeuntem: alii seu certa reposcis  
Crystalli domus, & uitrei plaga lucida regni:  
Seu propiora uocant supremo te cæta tonanti,

Qua patet in summum regio flammantis olympi,  
Teq; amor, & liquidis flagrans alit ignibus aura:  
I precor, i nostrum testis defende pudorem .

Nec plura his: Tum uero acie defleclit, & omnes,  
Haud mora, sollicito percurrit lumine montes:  
Agnatamq; animo, conceptaq; pignora uersat,  
Multa putans: serumq; uteri miratur honorem .

Interea manes descendit fama sub imos:  
Pallentesq; domos ueris rumoribus implet:  
Optatum aduentare diem, quo tristia linqwant  
Tartara, & euictis fugiant Acheronta tenebris,  
Immanemq; ululatum, & non lætabile murmur  
Tergemini canis? aduerso qui carceris antro

Excubat in somnis semper, rictusq; trifauci  
 Horrendum, stimulantem famem, sub nocte profunda  
 Personat, & morsu uenientes adpetit umbras.  
 Tum uero Heroes lætati, animæq; piorum  
 Ad calum erectas cœperunt tendere palmas  
 Atq; hic insignis funda, citharaq; decorus,  
 Insignis scepro senior, per opaca locorum  
 Dum graditur, neſcitq; sacros diademate crines:  
 Dum legit effœtos Lethæo in gramine flores,  
 Quæ tacite labuntur aquæ, muſæq; uolucres  
 Ducunt per ſteriles æterna ſilentia ramos:  
 Adtonita ſubitos concepit mente furores,  
 Diuinamq; animam: & conſueto numine plenus,  
 Intorquens oculos, uenientia fata recenſet.

Nascere magne puer: noſtros quem ſoluere nexus,  
 Et tantos genitor uoluit perferre labores.  
 Magne puer, cui ſe hæc tandem ſpolianda reſeruant  
 Regna, tot heu miſeris hominum ditata ruinis:  
 Nascere, uenturum ſi te mortalibus olim  
 Pectore ueridico promiſimus: igneus ut nos  
 Viribus adflatos cœleſtibus ardor agebat  
 Inſinuans: ſi ſacra pereginus, & tua late  
 Iuſſa per immenſum fama uulgauiſſus orbem.  
 En ridet pax alma tibi: ſimul ecce potentes  
 Impulſi cælo, diuſq; autoribus acti,  
 Orbe alio properant Reges. Saluete beati  
 Aethiopes, hominum ſanctum genus, aſtra ſecuti:  
 Scilicet huc ueſtris adfertis munera regnis.  
 Accipe dona puer: tuq; ò ſanctiſſima mater  
 Summe animos: iam te populiq; ducẽsq; frequentant.



Litore ab extremo, & odoriferis Nabathæis.  
Ille autem aurata fulgens in ueste sacerdos  
Iam canus, iam maturo uenerabilis æuo,  
Quid sibi uult? sacras puerum qui sistit ad aras,  
Sic uenerans? latoq; inspectans æthera uultu?  
Seq; dehinc facili clausurum lumina fatis,  
Exclamat: quod speratum per sæcula munus,  
Promissamq; diu pacem, certamq; salutem  
Terrarum, exorta liceat sibi luce tueri  
Optanti, seniumq; ideo, parcasq; trahenti.  
Sed quid ego heu dira conspersos cade penates  
Infantum, & subito currentes sanguine riuos  
Adspicio? tristiq; meas uagitus ad aures  
Feriur? io scelus est, partus iugulare recentes.  
Crudelis; quid agis? nihil hi meruere: neq; illum,  
Quem petis, insano dabitur tibi perdere ferro.  
Nunc nunc o matres scelerata abscedite terra,  
Dum licet, inq; sinu pueros adcondite uestros:  
Nam ferus hostis adest. propera iam regia uirgo,  
Inq; Paretonias transfer tua pignora terras:  
Admouet hoc magnum genitor qui temperat orbem.  
Tuta domus, tutiq; illic tibi Dia recessus.  
Verum ubi bis senas hyemes, bis senaq; nati  
Solstitia, & tantos superaueris anxia casus:  
Ingentes imo duces de pectore questus,  
Aureaq; assiduis pulsabis sydera uotis.  
Nam puerum, quamuis per compita sæpe uocatum,  
Sæpe expectatum consuetæ ad gaudia mensæ,  
Perquires nequicquam amens: nec cara petentem  
Oscula; nec sera redeuntem nocte uidebis.

Tresq; illum totos merenti pectore soles,  
 Et totidem trepidas somni sine munere noctes  
 Omnia lustrantes, questu omnia confundentes  
 Flebitis indigno perculsi corda dolore  
 Tuq; , senexq; tuus. Quarto sed lucifer oritur  
 Purpureos tremulo cum tollet ab æquore uultus  
 Inuentum dabit, & quærentibus offeret ultro.  
 O quas tunc lacrymas, o quæ tunc oscula mater,  
 Quot dabis amplexus, misto inter gaudia fletu?  
 Cum natum ante aras patris, & delubra sedentem,  
 Mulcentemq; senes dictis, animosq; trahentem  
 Ad spicies gauisa, ipso admirante senatu  
 Primitias pueri ingentes, nec inane sagacis  
 Pectoris indicium, nataq; ad grandia mentis.  
 Tu uero quid in arma ruis scelerata inuentus?  
 Quid galeas, ensesq; uirum & fulgentia cerno  
 Agrina? scutatasq; procul sub nocte cohortes  
 Obscura, & crebris radiantes ignibus hastas?  
 Tot ne unum telis petitur caput? heu furor, heu mens  
 Cæca hominum, semperq; odijs adcincta nefandis.  
 Iamq; oleas, montemq; sacrum, circumq; supraq;  
 Cinxere, & longa lucum obsedere corona.  
 Quò feror? ecce trahunt manibus post terga reuinctis  
 Infontem; modo quem latas mira illa per urbes  
 Edentem, patrisq; palam præcepta docentem  
 Attoniti stupuere, illum regemq; Deumq;  
 Humanæq; ducem uitæ, fontemq; salutis.  
 Haud ueriti populo circum plaudente fateri.  
 Heu facinus: mortem ne etiam, & crudele minantur  
 Supplicium? sæuos stringunt in uulnera fasces,

Horrentesq; parant paliuro intexere dumos,  
Tormenti genus: & capiti premere inde coronam  
Vulnificam; Viden, alternos ut arundinis ictus  
Incutiunt? geminantq; truci conuicia lingua?  
Parte alia ingentes uideo de stirpibus imis  
Euerti palmas, altas ad sidera palmas,  
Infelix opus: unde hominum lux illa, decorq;  
Pendeat: Ah trepidis dirum, & miserabile terris,  
Cum patri æthereo moriens liuentia pandet  
Brachia, turpatosq; atra de morte capillos,  
Oraq;, demissosq; oculos, frontemq; cruore  
Iam madidam, & lato patefactum pectus hiatu.  
At mater, non iam mater, sed flentis, & orbe  
Infelix simulacrum, ægra, ac sine uiribus umbra,  
Ante crucem demissa genas, effusa capillum  
Stat lacrymans, tristiq; irrorat pectora fletu.  
Ac si iam comperta mihi licet ore profari  
Omnia: defessi spectans morientia nati  
Lumina, crudeles terras, crudelia dicit  
Sidera: crudelem se se quod talia cernat  
Vulnera, sæpe uocat, tum luctifono ululatu  
Cuncta replens, singultanti sic incipit ore  
Incipit, & duro figit simul oscula ligno  
Exclamans. Quis me miseram, quis culmine tanto  
Deiectam subitus inuoluit Nate procellis?  
Nate patris uires, sanguis meus, unde repente  
Hæc fera tempestas? quis te mihi fluctus ademit  
Quæ manus indignos fœdauit sanguine uultus?  
Cui tantum in superos licuit? bella impia celo  
Quis parat? hunc ego te post tot male tuta labores

Postq; tot infelix elapsa incommoda uita  
 Adspicio? tu ne illa tuæ lux unica matris?  
 Tu ne animæ pax, & requies, spesq; ultima nostræ  
 Sic raperis? sic me solam, exanimemq; relinquis?  
 O' dolor: extincto iam te pro fratre sorores.  
 Pro natis toties exorauere parentes:  
 Ast ego pro nato, pro te dominoq; deoq;  
 Quem misera exorem? quo tristia pectora uertam?  
 Cui querar? o tandem dira me perdit dextra:  
 Me potius (si qua est pietas) immanibus armis  
 Obruite; in me omnes effundite pectoris iras,  
 Vel tu (si tanti est hominum genus) eripe matrem,  
 Quæ rogat, & Stygias tecum duc nate sub umbras.  
 Ipsa ego te per dura locorum, inamœnaq; uiuis  
 Regna sequar: liceat rumpentem cernere portas  
 Aeratas: liceat pulchro sudore madentem  
 Euersorem Erebi materna abstergere dextra.  
 Hos illa, plures fundet de pectore questus:  
 Quod scelus Eois ut primum cernet ab undis  
 Sol: indignantes retro conuertere currus  
 Optabit, frustra q; suis luctatus habenis,  
 Quod poterit tandem, auratos ferrugine crines  
 Inficiet, mœstamq; diu sine lumine frontem  
 Ostendet terris: ut qui iam ploret ademptum  
 Authorem, regemq; suum: quin ipsa nigranti  
 Fratri ab ore timens, & tanto concita casu  
 Cynthia, carulco uultus obnubet amictu,  
 Auertetq; oculos, lacrymasq; effundet inanes!  
 At contra horrissono tellus concussa tremore,  
 Cum gemitu fremet: & ruptis exata sepulchris

Emittet simulacra. Quid, o, quid abire paratis  
Illustres animæ? non omnibus hæc data rerum  
Conditio: paucis remeare ad lumina vitæ  
Concessum. Sed tempus erit, cum Martia rauco  
Mugitu cælum quatiet turba: cumq; repente  
Corpora per terras omnes late omnia surgent.  
Nunc autem sat Tartarei si claustra tyranni  
Effringat Rex ille: & caligantia pandat  
Atria: diffugiant immisso lumine diræ  
Eumenidum facies iactis in terga colubris.  
Quas atro uix in limo Phlegethontis adustum  
Accipiat nemus, & fumanti condant in ulua:  
Tum variæ pestes, & monstra horrenda Ditis  
Ima petant: trepidant Briareia turba, Cerastræ,  
Semiferumq; genus Centauri, & Gorgones atræ,  
Scyllæq;, Sphingesq;, ardentisq; ora Chimæræ.  
Atq; Hydræ, atq; Canes, & terribiles Harpyiæ.  
Ipse catenato fessus per tartara collo  
Ducetur \* Pluton: tristi quem murmure circum  
Inferni fractis mærebant cornibus amnes.  
At nos uirginea præcincti tempora lauru,  
Signa per extentos, cæli uictricia campos  
Tollemus, latoq; ducem clamore sequemur.  
Victor io, bellator io, tu regna profunda,  
Tu manes, Erebumq;, potestatesq; coerces  
Aerias, lethumq; tuo sub numine torques.  
Ille alto temone sedens, lenibusq; quadrigis  
Lora dabit, uolucresq; reget placido ore iugales,  
Non iam cornipedum ductos de semine equorum,  
Nec qui consuetas carpant præsepibus herbas.

## DE PARTV VIRG.

Primus enim ualido subnixus eburnea collo  
 Fert iuga formosi pecoris custodia Taurus;  
 Stellatus minio Taurus: cui cornua fronti  
 Aurea, & auratis horrent palearia setis:  
 Perq; pedes bifida radiant noua sydera gemmae.  
 Torua boui facies; sed qua non altera calo  
 Dignior, imbriferum quæ cornibus inchoet annum,  
 Nec quæ tam clavis mugitibus astra laceffat.

Et iuxta nemorum terror, rexq; ipse ferarum  
 Magnanimus nitet ore Leo: quem fusa per armos  
 Conuestit iuba: pectoribus generosa superbit  
 Maiestas: non iam ut cædes, aut prælia seuus  
 Adpetat (innocuis armantur dentibus ora:  
 Grataq; tranquillo rideat clementia uultu)  
 Sed calo ut spatietur, & alta ad sydera tendat.  
 Hos post insequitur pulchros pennata per artus  
 Alituum Regina: sacra cui uertice plumæ  
 Adsurgunt: flauoq; caput diademate fulges.  
 Ipsa, ingens alis, ingentis fulminis instar  
 Supra hominum tecta, ac montes, supraq; uolucres  
 Fertur: & obstantes cursu petit obuia nubes.

Vltimus humana sociat ceruicæ laborem  
 Alatus tergo Iuuenis: cui lutea leuo  
 Ex humero chlamys Eois inspersa lapillis  
 Pendet: eam uariant centum longo ordine reges,  
 Antiquum genus, & Solymæ primordia gentis,  
 Ostro intertexti: ueros cognoscere uultus  
 Est illic: ueros montes, & flumina credas:  
 Et uera extremo babylon nitet aurea limbo  
 Tali sidereas curru subuectus in auras

Indutos referens spolijs pallentibus axes,  
Perueniet: recto qua panditur orbita tractu  
Lactea, & ad sedes ducit candentis olympi,  
Illic aurata muros mirabimur urbis,  
Auratasq; domos, & gemmea tecta, uiasq;  
Stelliferas, uitreosq; altis cum montibus amnes.  
Atque ibi, seu magni celsum penetrare tonantis,  
Siue alios habitare lares, ac tecta minorum  
Cælicolum dabitur, stellæ numerare licebit:  
Surgentemq; diem pariter, pariterq; cadentem  
Sub pedibus spectare, & longos ducere soles:  
Longaq; uenturis protendere nomina seclis.

Hæc ubi dicta: patres plausu excepere frequentes  
Fatidicum uatem; sublatumq; aggere ripæ  
Attollunt humeris, lætumq; per auia ducunt.  
Intremuere Erebi sedes, obscuraq; Ditis  
Limina. suspirans imo de corde Megæra  
Dat gemitum, & toruas spectat sine mente sorores.  
Tum caudâ exululans sub uentre recondidit atram  
Cerberus, & fontes latratu terruit umbras:  
Commotisq; niger Cocytus inhorruit antris:  
Et uaga sisyphijs hæserunt saxa lacertis.

# LIBER SECVNDVS.

EGINA ut subitos imo sub pectore  
motus

R Sensit, & adflatu diuini numinis au-  
cta est:

Haud mora, digressu uolucris suspen-  
sa ministri,

Exurgit; montesq; procul contendit in altos  
Festiuans ea cura animo uel prima recursat:  
Matronam defessam æuo, cui nulla fuissent  
Dona uteri (mirum dictu) iam segnibus annis  
Fœcundam, sextiq; grauem sub pondere mensis  
Protinus adfari, uocemq; audire loquentis,  
Et spectare oculis sterili data pignora matri.  
Ergo adcinctæ uia, nullos studiosa paratus  
Induitur, nullo disponit pectora cultu:  
Tantum albo crines iniectu uestis inumbrans,  
Qualis stella nitet, tardam quæ circuit Arcton  
Hyberna sub nocte: aut matutina resurgens  
Aurora: aut ubi iam Oceano Sol aureus exit.  
Quiq; pedes mouet, hac casiam terra alma ministrat,  
Pubentesq; rosas, nec iam mœstos hiacynthos,  
Narcissumq;, crocumq;, & quidquid purpureū uer  
Spirat hians, quidquid florum per gramina passim  
Subgerit, immiscens uarios natura colores.  
Parte alia celeres sistunt uaga flumina cursus:  
Exultant uallesq; caue, collesq; supini:  
Et circumstantes submitunt culmina pinus:  
Crebraq; palmiferis erumpunt germina siluis.

Omnia



**O**mnia lætatur . cessant Eurique , Notique :  
Cessat atrox Boreas . tantum per florea rura  
Regna tenent Zephyri : cælumq; tepentibus auris  
Mulcent , quaq; datur , gradientem uoce saluant .  
Ut uentum ad se des , uultu longæua uerendo  
Obcurrit coniux iusti senis : atq; repente  
Plena deo , subitoq; uteri concussa tumultu ,  
Excipit amplexu uenientem , ac talibus infit .

O decus , ò laudis mulier dux præuia nostræ ,  
Calitibus sola humanum quæ digna reperta es  
Conciliare genus , cœtusq; ad tollere ad astra  
Femineos : gremium cuius diuinus obumbrat  
Palmes , inexhaustis terras qui compleat unis :  
Quis me , quis tanto superum dignatur honore ?  
Tu ne procul uisura humiles Regina penates  
Venisti ? tu ne illa mei pulcherrima regis  
Mater ades ? uiden , ut nostra puer excitus aluo ,  
Cum mihi uix primas uocis sonus ambiat aures ,  
Iam salit , & dominum ceu præcursurus adorat .  
Felix Virgo animi , felix , cui tanta mereri  
Credulitas dedit una . in te nam plena uidebis  
Omnia , quæ magni uerax tibi dixit olympi  
Aliger , arcano delapsus ab æthere cursu .

Illam sub hæc . Miranda alii quis facta Tonantis  
O mater , meritas cælo quæ tollere laudes  
Vox queat ? exultant dulci mea pectora motu  
Auctori tantorum operum : qui me ima tenentem ,  
Indignamq; humilemq; suis respexit ab astris .  
Munere quo gentes felix ecce una per omne  
Iam dicar nec uana fides : ingentia quando

Ipse mihi ingenti cumulant munera dextra  
 Omnipotens, sanctumq; eius per sæcula nomen,  
 Et quæ per magnas clementia didita terras  
 Exundat; qua passim omnes sua iussa uerentes  
 Vsq; fouens, nullo neglectos deserit æuo.  
 Tum forem exertans humerum, dextramq; coruscū,  
 Insanos longe fastus, mentesq; superbas  
 Dissulit, afflixitq; super: solioq; potentes.  
 Deturbans dedit in præcep̃s, & ad ima repressit:  
 Extollensq; humiles, aliena in sede locauit:  
 Pauperiemq; famemq; fugans, impleuit egenos  
 Diuitijs: uacuos contra, nudosq; reliquit,  
 Qui nullas opibus metas posuere parandis.  
 Postremo sobolem (neq; enim dare maius habebat)  
 Aeternam genitor sobolem, sæclisq; priorem  
 Omnibus, æqualemq; sibi, de sanguine fidi  
 Suscepit pueri (tantis quod honoribus unum  
 Deerat adhuc) non ille animi, morumq; suorum  
 Oblitus. quippe id meditans promiserat olim  
 Sacrificis proauorum atauis, stirpiq; nepotum.

Hæc uirgo. At senior, nullus cui uocis ademptæ  
 Vsus erat, supplex nunc gressum obseruat euntis,  
 Virgineosq; pedes, tactaq; dat oscula terræ:  
 Nunc lætus tollit duplices ad sydera palmas:  
 Quoq; potest, solo testatur gaudia nutu:  
 Ostenditq; manu uatam tot scripta priorum:  
 Quæ quis agente deo, quodam, dum uita manebat,  
 Edidit, & populis liquit celebranda futuris:  
 Scilicet effusum tacitis de nubibus imbrem  
 Lanigerum in tergo: germenq; è stirpe uelustæ

Arboris exurgens : incombustumq; sonoro  
Igne rubum : & priscus stellam de patribus ortam.  
Quæ dum cuncta graui uenturi haud inscia uisu  
Percurrit regens : alto cum corde uoluat  
Conceptus uirgo insolitos , & ab æthere lapsam  
Progeniem , pluuiæ in morem , quæ uellere molli  
Excepta , haud ullos sonitus , nec murmura reddit .  
Seq; Rubum , Virgamq; alto se deniq; missam  
Sidus grande mari prorsum agno scitq; , uidetq; .  
Non tamen ausa loqui , tanto aut se dicere dignam  
Munere : sed tacito affectu tibi maxime diuum  
Grates rector agit , mentemq; ad sidera tolli .

Etiam luna cauum ter luce repleuerat orbem ,  
Ter solitas de more intrarat cæca latebras :  
Cum Virgo in patriam reditum parat , omnia quando  
Certa uidet , subeunt dilectæ grata parentis  
Adloquia : adsuetaq; pijs sermonibus ædes :  
Quæq; salutantis uoces , ac uerba ministri  
Audiit , & primos excepit cella uolatus :  
Cella choris superum lustrata , & cognita celo .  
Ergo iter inceptum caris digressa propinquis  
Adcelerat : relegitq; uiam per nota locorum .  
Nec mora , nec requies usquam : nec lumina flectit,  
Cælicolum quamuis sacro circumdata cœtu ,  
Donec ad optatum peruenit sedula limen .  
Atq; ibi , cum consueta suo cum pectore uersat  
Gaudia , paulatim maturi tempora uentris  
Aduentare uidet . scires iam numen in illa  
Grande regi : nullos adeo sentire dolores  
Dat superum genitor , nullaq; ex parte grauari .

# DE PARTU VIRG.

Interea terra parta iam pace, mariq;  
 Augustus pater ætatis bella impia portis  
 Clauserat, & validis arctarat uincta catenis:  
 Dumq; suas regnator opes, uiresq; potentis  
 Imperij, exhaustasq; armis civilibus urbes  
 Nosse cupit; magnum censei iusserat orbem,  
 Describi populos late, numerumq; referri  
 Cunctorum ad se se capitum, quæ maxima tellus  
 Sustinet, & rapido complectitur æquore Nereus.  
 Ergo omnes lex una mouet. sua nomina mittunt.  
 Qui montes Aurora tuos, regna illa feracis  
 Armeniæ, qui conualles, atque alta Niphata  
 Saxa tenent, longe pictis gens nota pharetris,  
 Gens fines lustrare suos non segnis, & arcu,  
 Quà uagus Euphrates, quà denius exit Araxes,  
 Felices tractus, & late munere diuùm  
 Concessos defendere agros bene olentis amomi.  
 Censetur Tauri passim, censetur Amani  
 Incola: prædatorq; Cilix: & Isaurica quisquis  
 Rura domat: quicunq; tuas Pamphyliis siluas:  
 Quiq; Lycaoniam, felicia iugera: quiq;  
 Flauentem curuis Liciam perrumpit aratris.  
 Iam clari bello Leleges, populiq; propinqui  
 Iussa obeunt: gens quæq; suo dat nomina ritu.  
 Qui Ceramò, bimaremque Gnidon: quiq; alta tinentur  
 Mœnia, dispositis ubi circum septa columnis  
 Tollit se niuei moles operosa sepulchri,  
 Barbara quam rapto posuit regina marito.  
 Et quos Mæandri toties ludente recursum  
 Vnda rigat, rigat ipse suo mox amne Cayster,

Herboſo niueos dum margine paſcit olores .  
 Quosq; metalliferis ueniens Pactolus ab antris  
 Circuit : & ruſila non parciſor Hermus arena .  
 Miſorum manus omnis : Apollineaq; Celenæ :  
 Idaq; , Rhœtæaq; arces , celebrataq; muſis  
 Pergama , Sigæumq; iugum , Priameia quondam  
 Regna armis, ducibusq; , ducum nunc nota ſepulchris .  
 Quæ nauta , anguſtum dum præterit Hellespontum ,  
 Oſtendens ſocijs : hoc inquit litore flentes  
 Nereides ſteterant , paſſis cum mœſta capillis .  
 Ipſa ſuum de more Thetis clamaret Achillem .  
 His & Bythinæ claſſes , & Pontica late  
 Ad cedit regio . paret ſcopuloſa Carambis :  
 Parendi ſtudio feruet ſimul alta Sinope :  
 Feruet Halys : quiq; immenſis procul amnibus auētus  
 Cappadocum medios populos diſcriminat Iris :  
 Thermoodonq; ; Halibesq; : ad tritaq; ſaxa Prome-  
 Præterea quæ ſe Thracum Mauortia tellus (theo.  
 Pandit , & algentem Rhodope procurrat in Aemum :  
 Quæ Macedum per ſaxa ruit torrentibus undis  
 Axius , umbroſaq; tegunt Halyachmona ripæ :  
 Quæq; iacet diris omen Pharſalia bellis ,  
 Et bis Romana feraleſ clade Philippi ,  
 Conueniunt populi certatim , & iuſſa faceſſunt .  
 Vos etiam ueſtros his adiunxiſtis alumnos  
 Vicinæ paſſim uacuis iam mœnibus urbes ,  
 Antiquæ Graiorum urbes , gens optima morum  
 Formatrix , clara ingenijs , & fortibus auſis :  
 Seu quæ litoreos tractus , montesq; tenetis :  
 Seu quæ per medias diſperſæ exurgitis undas .

Tum latus Epiri, qua formidabile nautis  
 Adtollunt summo caput Acroceraunia cælo,  
 Urget opus iamq; Alcinoi dat Regia censum:  
 Illyricæq; manus: impacatiq; Liburni:  
 Litoraq; Ionio passim pulsata profundo.  
 Nec tu, cui late imperium terræq;, marisq;  
 Bellatrix peperit uirtus, & martius ardor,  
 Non populo, non ipsa tuas terra inclyta gentes  
 Describis, terra una armis, & foeta triumphis,  
 Vna uiris longe pollens, atque æmula cælo:  
 Nubiferæ quam præruptis anfractibus alpes  
 Præcingunt, mediamq; pater secat Apenninus,  
 Et geminunt rapido fluctu circumtonat æquor.  
 Descripsere suos (quamuis non axe sub uno)  
 Hinc Renuis pater indigenas, hinc latior undis  
 Danubius: qui siluarum per uastat uoluitus,  
 Pascere non populos, non lambere desinit urbes,  
 Donec ad optatam rapido uenit agmine Peucen.  
 Quin & proceras scrutatur Gallia siluas,  
 Gallia Cæsareis Latio dignata triumphis:  
 Quã Rhodanus, quã findit Arar, quã permeat ingens  
 Sequana, piscosq; interluit amne Garumna.  
 Tum quas piniferis gentes prærupta Pyrene  
 Rupibus, Herculeas prospectat ad usq; columnas,  
 Cogit Anas, cogit ripa formosus utraque  
 Duria, & albenti Bætis præcinctus oliua,  
 Auratamq; Tagus uoluens sub gurgite arenam,  
 Quiq; suo terras insignit nomine Iberus.  
 Parte alia uastas circumuocat Africa uires:  
 Getuli, Mauriq; duces rimantur opaci

Atlantis nemora, & dispersa mapalia siluis.  
Scribitur & uacuis ut quisq; inuentus arenis  
Seu pastor, seu subcinctis uenator in armis  
Observans saeuos latebrosa ad resquam leones.  
Massylum quicumq; domos, quicumq; repostos  
Hesperidum lucos, munitaq; montibus arua  
Incolit, ramis natium decutit aurum:  
Et qui uertentes immania saxa iuuenkos  
Flectit arans; quâ deuictæ Carthaginis arces  
Procubuerunt, iacentq; in fausto in litore turres  
Euerse. Quantum illa metus, quantum illa laborum  
Vrbs dedit insultans Latio, & Laurentibus aruis?  
Nunc passim uix relliquias, uix nomina seruans,  
Obruitur proprijs non agnoscenda ruinis.  
Et querimur genus infelix humana labare  
Membra æuo cum regna palam moriantur, & urbes.  
Iamq; Macas idem ardor habet; uenere uolentes  
Barcæi: uenere suis Nasamones ab aruis:  
Nauifragas qui per Syrtes, infidaq; circum  
Litora, mœrentum spolijs onerantur, & altos  
Insiliunt nudi cumulos extantis arenæ,  
Inq; suas uertunt aliena pericula prædas.  
Postremo Psili, Garamanticaq; arua tenentes:  
Quiq; Cyrenæas suspendunt uomere glebas,  
Laudatasq; legunt succis præstantibus herbas.  
Quiq; Iouis palmeta, Hasbytarumq; recessus:  
Marmaricas qui late oras: qui pascua seruant  
Aegypti, Meroesq; sacer quos Nilus inundat,  
Nilus ab æthereo ducens cunabula cælo.

Nec minus & casta senior cum Virgine custos

Ibat, ut in patria nomen de more, genusq;  
 Ederet, & iussu non segnis penderet aurum.  
 Ille domum antiquam, & regnata parentibus arua  
 Inuisens, secum proauos ex ordine reges,  
 Claraq; facta ducum, pulchramq; ab origine gentem  
 Mente recensabat tacita. numerumq; suorum,  
 Quamuis tunc pauper, quamuis incognitus ipsis  
 Agnatis, longe adueniens explere parabat.  
 Iam fines Galilæa tuos emensus, & imas  
 Carmeli ualles, quæq; altus uertice opacat.  
 Rura Thabor, sparsamq; iugis Samaritida terram  
 Palmiferis; Solymas à læua liquerat arces:  
 Cum simul è tumulo muros, ac tecta domorum  
 Prospexit, patriæq; agnouit mœnia terræ.  
 Continuo lacrymis urbem ueneratur obortis:  
 Intenditq; manus, & ab imo pectore fatur.  
 Bethlemia turres, & non obscura meorum  
 Regna patrum, magniq; olim saluete penates:  
 Tuq; o terra parens regum, uisuraq; regem,  
 Cui sol, & gemini famulantur cardinis axes,  
 Salue iterum. te uana Iouis cunabula Crete  
 Horrescet, ponetq; suos temeraria fastus:  
 Mœnia te Dircea tremant: ipsamq; pudebit  
 Ortygiam geminos Latonæ extollere paruos.  
 Parua loquor: prono ueniet diademate supplex  
 Illa potens rerum, terrarumq; inclyta Roma:  
 Et septemgeminos submittet ad oscula montes.  
 Dixit, & extrema mouit uestigia uoce:  
 Maturatq; uiam senior: tardumq; fatigat  
 Vectorem: & uisas gressum molitur ad oras.



Et iam prona dies fluctus urgebat Iberos,  
Purpureas pelago nubes aurumq; relinquens.  
Ecce autem magnis plenam conuentibus urbem  
Protinus, ut uenere, extremo è limine portæ  
Adspiciunt. Mistum confluxerat undiq; uulgus,  
Turba ingens. Credas longinquo ex æquore uectas  
Ad merces properasse: aut deuastantibus arua  
Hostibus, in tutum trepidos fugisse colonos.  
Cernere erat, perq; anfractus, perq; acta uiarum,  
Cuncta repleffe uiros, confusoq; ordine matres:  
Permistos pecori agricolas: hos iungere plaustra:  
Hos intendere uela: alios discumbere apertis  
Porticibus: resonare compleri cuncta tumultu:  
Accensus uarijs lucere in partibus ignes.  
Quæ pater admirans, tacito dum singula uisu  
Percurrit, circumq; domos, & limina lustrat,  
Nec superesse locum tecto uidet: ibimus, inquit,  
Quò deus, & quò sancta uocant oracula patrum.  
Est specus haud ingens parue sub mœnibus urbis,  
Incertum, manibus ne hominum, genio ne potentis  
Naturæ formatus, ut hæc spectacula terris  
Præberet, tantosq; diu seruatus in usus,  
Hospitio calum acciperet, cui plurima dorso  
Incumbit rupes pendentibus undique, saxis  
Aspera: & exesæ cingunt latera ardua cantes:  
Defunctis operum domus haud ingrata colonis.  
Huc heros tandem superata ambage uiarum  
Sic monitus, ducente deo. cum contuge sancta  
Deuenit, multaq; senex se nocte recepit.  
Ac primum siccis ramalibus excitat ignem:

Stramineoq; toro comitem locat: ægra cubantis  
Membra super uestem inuoluens: mox adligat ipsos  
Permulcens, iam non duros, iam sponte sequentes  
Quadrupedes: ut forte aderat fœnile saligna  
Subfultum crate, & palmarum uimine textum.

Nunc age, Castalijs quæ nūquam audita sub antris,  
Musarum ue choris celebrata, aut cognita Phœbo,  
Expeditam: uos secretos per deuia calles  
Calicolæ, uos (si merui) monstrate recessus  
Intactos: uentum ad cunas, & gaudia celi,  
Mirandosq; ortus, & tecta sonantia sacro  
Vagitu: stat ferre pedem. quæ nulla priorum  
Obuia sint oculis uatum uestigia. nostris.

Tempus erat, quo nox tardis inuecta quadrigis  
Nondum stelliferi mediam peruenit olympi  
Ad metam, & tacito scintillant sidera motu:  
Cum siluæq; , urbesq; silent: cum fessa labore  
Accipiunt placidos mortalia pectora somnos:  
Non fera, non uolucris, non picto corpore serpens  
Dat sonitum. iamq; in cineres confederat ignis  
Ultimus: & sera perfusus membra quiete  
Scruposo senior caput adclinauerat antro.  
Ecce autem nitor ex alto nouus emicat, omnemq;  
Exuperat ueniens atræ caliginis umbram:  
Auditq; chori superum, & caelestia curuas  
Agmina pulsantum citharas, ac uoce canentum.  
Agnouit sonitum, partusq; instare propinquos  
Haud dubijs Virgo sensit latissima signis.  
Protinus erigitur stratis, caloq; nitentes  
Adtollit uenerans oculos, ac talia fatur.

Omnipotens genitor, magno qui sidera natus  
Aeriosq; regis tractus, terrasq; fretumq;  
Ecquid adest tempus, quo se sine labe serenam  
Efferat in lucem soboles tua? quo mihi tellus  
Rideat, & teneris depingat floribus arua?  
En tibi maturos fructus, en reddimus ingens  
Depositum: tu nequa pio iactura pudori  
Obrepat, summo defende, & consule Caelo.  
Ergo ego te gremio reptantem, & nota petentem  
Vbera care puer, molli studiosa fovebo  
Amplexu: tu blanda tuæ dabis oscula matri  
Adridens: colloq; manum, & puerilia neçtes  
Brachia: & optatam capies per membra quietem.

Sic memorat, fruiturq; deo, comitumq; micanti  
Agmine diuinisq; animum concentibus explet.  
Atque olli interea reuoluto sidere felix  
Hora propinquabat. Quis me rapit? accipe uatem  
Diua tuum, rege diua tuum. feror arduus altas  
In nubes: uideo totum descendere calum  
Spectandi excitum studio. Da pandere factum  
Mirum, indictum, insuetum, ingens. absistite curæ  
Degeneres, dum sacra cano. Iam lata laborum,  
Iam non tacta metu, sæcli regina futuri  
Stabat adhuc, nihil ipsa suo cum corde caducum,  
Nil mortale putans. illam natusq; paterq;  
Quiq; prius quàm Sol caelo, quàm Luna niteret,  
Spiritus obscuras ibat super igneus undas,  
Stant circum & magnis permulcent pectora curis.  
Præterea redeunt animo quæcunq; uerendus  
Dixerat interpres: acti sine pondere menses,

Seruatusq; pudor: clausa cum protinus aluo  
 (O noctem superis letam, & mortalibus agris)  
 Sicut erat folijs, stipulaq; innixa regenti,  
 Diuinum spectante polo, spectantibus astris  
 Edit onus. Qualis rorem cum uere repenti  
 Per tacitum matutinus desudat Eous:  
 Et passim teretes lucent per gramina guttae:  
 Terra madet: madet adpersa sub ueste uiator  
 Horridus, & pluuiæ uim non sensisse cadentis  
 Admirans, gelidas udo pede proterit herbas.  
 Mira fides, puer æthereas iam lucis in auras  
 Prodierat: sænoq; latus male fultus agresti,  
 Impulerat primis resonum uagitiibus antrum.  
 Alma parens nullos inera præcordia motus,  
 Aut incurstantes deuexi ponderis ictus  
 Senferat: hærebant immotis uiscera claustris.  
 Haud aliter, quàm cum purum specularia Solem  
 Admittunt: lux ipsa quidem pertransit, & omnes  
 Irrumpens laxat tenebras, & discutit umbras:  
 Illa manent illæsa, haud ulli peruia uento,  
 Non hyemi, radijs sed tantum obnoxia Phœbi.

Tunc puerum tepido genitrix inuoluit amictu,  
 Exceptumq; sinu, blandeq; ad pectora pressum.  
 Detulit in præsepe. Hic illum mitia anhelos  
 Ore fouent iumenta. O rerum occulta potestas.  
 Protinus agnoscet dominum procumbit humi Bos  
 Cernuus: & mora nulla, simul procumbit Asellus  
 Submittens caput, & trepidanti poplite adorat,  
 Fortunati ambo: non uos aut fabula Creta  
 Polluet, antiqui referens mendacia furti,

Sidoniam mare per medium uexisse puellam.  
Aut sua dum madidus celebrat portenta Citharon,  
Infames inter thyasos, uinosaq; sacra  
Arguet obsequio senis insudasse profani.  
Solis quippe deum uobis, & pignora celi  
Nosse datum, solis cunabula tanta tueri.  
Ergo dum refugo stabit circumdata fluctu  
Terra parens; dum præcipiti uertigine calum  
Voluatur; Romana pius dum templa Sacerdos:  
Rite colet: uestri semper referentur honores:  
Semper uestra fides nostris celebrabitur aris.

Quis tibi tunc animus, quæ sancto in corde uolu-  
O genitrix, cum muta tuis famulantiæ cunis, (ptas  
Ac circum de more sacros referentia ritus  
Adspiceres domino genua inclinare potenti,  
Et sua commotum trahere adspectacula calum?  
Magne pater, quæ tanta rudes prudentia sensus  
Lenijt? infirmi tantos quis pectore motus  
Exciuit calor, & pecudum in præcordia uenit?  
Vt quem non reges, non acceperet tot urbes,  
Non populi, quibus una aras, & sacra tueri  
Cura fuit: iam Bos torpens, iam segnis Asellus  
Auctorem late, possessoremq; saluent?

Vocibus interea sensim puerilibus heros  
Excitus, somnum expulerat, noctemq; fugarat  
Ex oculis: iamq; infantem uidet, & uidet ipsam  
Maiorem adpectu, maiori & lumine matrem  
Fulgentem, nec quoquam oculos. aut ora mouentem,  
Sublimemq; solo, superum cingente caterua  
Aligera. Qualis, nostrum cum tendit in orbem,

**Purpureis** rutilat pennis nitidissima Phoenix :  
 Quam uarie circum uolucres comitantur euntem.  
 Illa uolans , Solem natiuo prouocat auro  
 Fulua caput , caudam & roseis interlita punctis  
 Cæruleam . stupet ipsa cohors : plausuq; sonoro  
 Per sudum strepit innumeris exercitus alis .  
 Miratur lucem in solitam : miratur ouantes  
 Calicolum canus senior . tum uictus ; & amens ,  
 Adtonitusq; animi , tantisq; ardoribus impar  
 Corruit , & geminas uultum demisit in ulnas :  
 Adfususq; diu telluri , immobilis hæsit .  
 Hic illum superi iuxta uidere iacentem ,  
 Vidit dia parens : nec longum passa seniles  
 Obduci tenebris oculos : dat surgere , & ægrum  
 Sustentare genu , tremulisq; insistere plantis ,  
 Diuinosq; pati uultus , superiq; nitorem  
 Ignis , & æthereas uibrantia lumina flammæ .  
 Ille ubi paulatim uires , animumq; resumpsit :  
 Nudo so incumbens baculo , modulantia primum  
 Agmina , reginamq; deum de more salutat .  
 Mox ipsum adcedens præsepe , uluaq; palustri  
 Impositum spectans dominum terræq; marisq; ,  
 ( O timor , o mentis pietas ) puerilia membra  
 Non ausus tractare manu , cunctatur . ibi auram ,  
 Insperatam auram diuino efflantis ab ore  
 Ore trahens , subito correptus numinis haustu ,  
 Adflatusq; deo , sic tandem uoce quietæ  
 Incipit , & lacrymis oculos subfundit abortis .  
 Sancte puer , non te Pharijs operosa columnis  
 Atria , non uariata Phrygum uelamina textis

Excepere ( iaces nullo spectabilis auro )  
Angustum sed uix stabulum , male commoda sedes ,  
Et fragiles calami , lectæq; paludibus herbae  
Fortuitum dant ecce torum . laqueata tyrannos  
Tecta , & regifico capiant aulae parati .  
Te pater æterno superum ditauit honore  
Illustrans : tibi fiderei domus aurea cæli  
Plaudit , inextinctosq; parat natura triumphos .  
Et tamen hanc sedem reges , hæc undiq; magni  
Antra petent populi : longe quos cæcursa Calpe  
Litore ab occiduo , nigrisq; impellet ab Indis  
Sol oriens : quos & Boreas , & feruidus Auster  
Diuerso inter se certantes cardine mittent .  
Tu pastor , tu dispersas reuocare per agros  
Missus oues late : pectusq; obferre periclis ,  
Prodigus ab nimium uitæ , per tela , per hostes  
Obscurum nemus irrumpeus , rabida ora luporum  
Compesces , saturumq; gregem sub tecta reduces .  
O' mihi certa fides superum , decus addite terris ,  
Nate deo , deus ipse , æterno è lumine lumen  
Te te ego , te circum genitrix , lætiq; ministri  
Concinimus , primi q; tuos celebramus honores ,  
Longa q; perpetuis indicimus orgia fastis .

# LIBER TERTIVS.

**V R A T V M** interea culmen bipa-  
rentis olympi

**A** Conscendit genitor, rerum inuiolata  
potestas,  
Lata fouens tacito sub pectore: mox  
iubet omnes

Ad sese acciri superos: quique acria longe  
Observant, quique arcanis penetralibus adstant:  
Præterea quos Eos Aurora per ortus,  
Et quos occidua propior uidet Hesperus ora.  
Namque ferunt olim leges cum conderet æquas  
Rex superum, & ualido mundum suspenderet axe,  
Diuerſas ſtatuiſſe domos, diuerſaque diuis  
Hospitia, & dignos meritis tribuiſſe penates  
Ordine cuique ſuos. Illi data teſta frequentant:  
Armaque, & æratis adfigunt nomina ualuis.  
Haud mora ſit. celerant iuſſi: uolat æthere toto  
Cælicolum glomerata manus: pars igne coruſco  
Tota rubens, pars ſtelliſeris innexa coronis.  
Ipſe ſedens, humeris chlamydem fulgentibus aptat  
Ingentem, & calum pariter, terrasque regentem.  
Quã quondam (ut perhibent) uigilans noctesque, diesque  
Ipſa ſuo nexit rerum natura Tonanti:  
Adiecitque ſacræ decus admirabile telæ,  
Per medium, perque extremas ſub tegminis oras  
Immortale aurum intexens, grandesque ſmaragdos.  
Illic nam uaria mundum diſtinxerat arte  
Gnara operum mater, certisque elementa figuris,



Et rerum species, animasq; , & quidquid ab alta  
Fundit mente pater. Generis primordia nostri,  
Cernere erat limum informem. iam præpete penna  
Deferri uolucres liquidum per mane uideres;  
Iam siluis errare feras, pontumq; natari  
Piscibus, & uero credas spumescere fluctu.  
Hic postquam aligeros geminata sedilia cætus  
Accepere: pater solio sic infit ab alto.

Aetherei proceres (neq; enim ignoratis & ausus  
Infandos, dirumq; acies super astra frementes)  
Si mecum iuuat, antiquos ab origine motus  
Inspicere, & ueterum pariter meminisse laborum:  
Quandoquidem hæc uobis peperit uictoria laudem:  
Huc animos, huc pacatas aduerite mentes.

Vos, cum omne arderet cælum seruilibus armis,  
Arcetumq; furor pertenderet impius axem  
Scandere, & ingelidos regnum transferre Triones:  
Fida manus mecum mansistis; & ultima tandem  
Experti, calo uictricia signa tulistis:

Aeternumq; alta fixistis in arce trophæum.  
Quos ego pro meritis insigni munere palmæ  
Donavi: regniq; in pariem, operumq; recepi:  
Præcipuosq; habui, lectosq; ad iussu ministros:  
Vsq; adeo fixa antiqui stat gratia facti.

Nec minus & nostras audistis sæpe querelas:  
Vidistisq; graues flammæ pectoris æstus:  
Tunc cum prima nouas egit dementia gentes  
Arboris auricomæ cælestia carpere poma:

Poma graui seros gustu læsura nepotes.

Munere quin superum indignas spoliastis, & umbra

DE PARTU VIRG.

Sacrorum late nemorum adſiduôq; labore  
 Multaſtis miſeras, uita, & breuioribus annis.  
 Quid repetam ueteri ſumptas decrimine penas?  
 Exiliumq; informe Erebi, tenebrasq; repoſtas?  
 Quæ tacito mecum ſpectaëtis lumine: & iſdem  
 Terrarum ſortem maſti indoluïſtis acerbam.  
 Aut etiam ut noſtri longo poſt tempore tandem  
 Pectoris indomitas clementia uicerit iras?  
 Viſq; arcana leues ſenſim demiffa per auras  
 Fœcundam intacta complerit Virginis aluum?  
 An temere hoc, nullaq; actum ratione putatis?  
 Quippe ita manſuras decuit me ponere leges:  
 Quo terræq;, polusq;, homines diuiq; uiciſſim  
 Fœderibus ſtarent certis, & pignore tanto  
 Seruarent memorem cognata ſtirpis amorem.  
 Quare agite, & iam nunc humana capeſſite fata:  
 Ac primum duris parui ſub cautibus antri  
 Gramineos luſtrate toros: luſtrate beatam  
 Pauperibus ſedem calamis: cunëtisq; recentes  
 Submiſſi cunas adcedite, dum pia mater  
 Complexu in molli natum fouet, ubera pernox  
 Indulgens teneris pueri rorantia labris:  
 Nec procul in ſtipula demiffô pectore mutum  
 Procumbit pecus: & dominis ueſtigia lambens  
 Pernigilat, longos fundit dum tibia cantus.  
 Hic fauſtos ortus pueri, noctemq; uerendam  
 Diſcurſu per inane leui, paſſimq; canoris  
 Laudibus excipite, & plaufu celebrate fauentea  
 Omnia felicem uentura in ſecula pacem,  
 Certumq; renaſcentis cunabula mundi,

Victum anguem, uictumq; anguis furiale uenenum.  
Sic placitum, sic auersos coniungere terris  
Calicolas: sic ferre homines ad sidera cœrum est.

Hæc ubi dicta: nouum superis inspirat amorem;  
Quo subito ueteres deponant pectoris iras,  
Obliti scelerum; patrisq; exempla secuti,  
Terrarum flagrent studio, & mortalia curent.  
Nec mora: lætitiæ choreis tum forte uacantem  
Aduocat: hæc magni motusq;, animosq; Tonantis  
Temperat, & uultum discussa nube serenat.  
Lætitiæ, quæ calicolum per limina semper  
Discursat, raroq; imas petit hospita terras:  
Curarumq; expers, lacrymasq; exosa uirago,  
Exultat, totoq; abigie suspiria cœlo.  
Vt stetit ante patrem, terrasq; adcedere iussa est:  
Mobilibus pietas humeris ad commodat alas:  
Lenimenq; uia comites uocat. Ilicet adsunt  
Iucunda uisu facies Cantusq;, Choriq;,  
Gaudiaq; Plaususq;, & honestis ignibus ardens  
Rectus Amor: quem nuda Fides, Spesq; inscia luctus  
Vadentem, mira unanimes pietate sorores  
Observant. Sequitur mox inculcata Voluptas,  
Gratiæq;, & niueam suadens concordia pacem.  
Cumq; propinquasset portæ, quæ maxima cœlo  
Dicitur, æternumq; micat radiata coruscis  
Astrorum signis: quando mortalibus ægris  
Dant, nimbo alie, & damnant caligine terras:  
Subcincte occurrunt Horæ properantibus alis:  
Insomnes Horæ: nanque his fulgentia diuum  
Limina, & ingenuis custodia credita cœli.

# DE PARTU VIRG.

Protinus æratos impulsos cardine postes  
 Cum sonitu, megnōq; polos quassante fragore  
 Præpandunt obnixæ humeris. Volat illa per auras  
 Obscura sub nocte nitens. gratantur eunti  
 Sidera: iam festas meditatatur Luna choreas.  
 Exultant Hyades: gaudet mutata Bootes  
 Plaustra auro, totosq; auro fulgere iuuenos.  
 Tunc primum uisa est, miseri post fata parentis,  
 Risisse Erigone, & longum posuisse dolorem:  
 Armatoq; ensis subducitur Orioni.

Vt uero umbrosis posuit uestigia siluis:  
 Culmina conscendit pastorum; atque omnia late  
 Perlustrans tacitis oculis loca, concutit alas  
 Adplaudens: pîctosq; sinus sub nocte coruscans,  
 Subrisit latum, puraq; in luce refulsit.  
 Primi illam sensere canes: sensere iacentes  
 Hædorum passim per dura cubilia matres:  
 Balatq; ouium ualles sonuere propinqua,  
 Saxaq;, & adtoniti caput erexere magistri.

Tunc ait. O' parui uigiles gregis, o' bona pubes  
 Siluarum, superis gratum genus, ite beati  
 Pastores, ite antra nouis intendite feris:  
 Reginam ad cunas, positumq; in stramine regem  
 (Certa fides) alii iam iam moderator olympi  
 Cernere dat. properate: nouiq; tepentia lactis  
 Munera, cumq; suo date condita subere mella;  
 Insuetum & siluis stipula deducite carmen.  
 Nec plura effata, in nubes taciturna recessit;  
 Et penitus nigra noctis se condidit umbra,  
 Olli inter sese uario sermone uoluant,

Quid superum mandata uelint, quas quærere cunas,  
 Quod iubeant reges, quæ cingere frondibus antra.  
 Continuo uariæ innectunt tempora ramis:  
 Nectitur & lentiscus, opacæq; arbutus umbræ,  
 Rosq; maris, buxusq;, & densa comas terebinthus:  
 Cunctaq; frondenti redimitur turba corona.  
 Mox siluam exquirunt omnem: saltusq; repostos  
 Flammiferis lustrant tedis. Ardere putares  
 Arua procul, totumq; incendi lumine montem.  
 Tandem inter dumos fessi, sub rupe cauata  
 Speluncam adspiciunt: uocemq; rudeniis Aselli  
 Auribus acceperè. Vident ipsumq;, bouemq;,  
 Longæuumq; senem, stantemq; ad lumina marrem  
 Insomnem, & pressis resouentem pignus in ulnis.  
 Ergo insperata gauisi munere sortis,  
 Ocyus ingentem procero stipite laurum,  
 Auulsamq; solo palmam ab radicibus imis  
 Adtollunt humeri, perq; interualla canentes  
 Cum plausu, choreisq;, & multifono modulatu  
 Vestibuli ante aditum statuunt: omnemq; coronant  
 Fronde locum: grandes oleas; cedrosq; comantes  
 Adfigunt: longisq; aduelant limina fertis:  
 Et late Idaliam spargunt cum baccare myrtum.  
 Quos bonus ex antro dictis adgressus amicis  
 Compellat senior: placidaq; hæc uoce profatur.

Dicite pastores (neq; enim sine numine, credo,  
 Tam certum tenuistis iter) cui tanta paratis  
 Munera? cui uirides ramis frondentibus umbras  
 Textitis? an ne aliquis superum patre missus ab alto  
 Has docuit sedes, locaq; hæc adcedere iussit?

DE PARTU VIRG.

Sic memorans, sese laetum uenientibus obferre.  
 Illi autem. Noua per tenebras, noua lucis imago  
 O genitor, media uisa est modo lumina silua  
 Spargere, & in nostras diffundere gaudia mentes?  
 Sine deus caelo ueniens, seu forte deorum  
 Nuntius, in dubio est: nos uultum, habitumq; loquentem  
 Vidimus: & moras per noctem audiuimus alas.  
 Sic fati, iungunt dexteras: mox ordine longo  
 Antrum introgressi, calathis siluestria plenis  
 Dona ferunt: matrem & lato sinu ore salutant.  
 Tum puero adstantes Lycidas, & maximus Aegon.  
 Aegon, Getulis centum cui pascua campis,  
 Centeni per rura greges Massylae uagantur:  
 Ipse caput late, quae Bagraa, quae uagus errat  
 Triton, Cinyphiae quae deuoluuntur arena,  
 Ingens agricolis, ingens pastribus Aegon.  
 At Lycidas uix urbe sua, uix colle propinquo  
 Cognitus, aquoreas carmen, deflexit ad undas:  
 Et tamen hi non uoce pares, non uiribus aequis,  
 Inter adorantum choreas, plaususq; deorum  
 Rustica septena modulantur carmina canna.  
 Hoc erat alme puer, per aruis quod noster in antris  
 Tityrus ad Erica speruit ridere carmen auena,  
 Et cercinit dignas Roma, quo Consule siluas.  
 Vltima Cumaei uenit iam carminis aetas:  
 Magna per exactos renouantur secula cursus.  
 Scilicet haec Virgo est, haec sunt Saturnia regna:  
 Haec noua progenies caelo descendit ab alto,  
 Progenies, per quam et gens aurea mundo  
 Surget, & in medijs patet florescitur arista.

Qua duce, si qua manent sceleris uestigia nostri,  
Irrita perpetua soluent formidine terras:

Et uetitum magni pandetur limen olympi:

Occidet & serpens, miseros quæ prima parentes  
Elusit, portentificis imbuta uenenis.

Tu ne deum uitam accipies? diuisq; uidebis  
Permistos heroas, & ipse uideberis illis?

Pacatumq; reges patrijs uirtutibus orbem?

Adspice felici diffusum lumine cælum,  
Camposq; , fluuiosq; , ipsasq; in montibus herbas.

Adspice, uenturo latentur ut omnia sæclo.

Ipsæ lacte domum referent distenta capellæ  
Vbera: nec magnos metuent armenta leones:

Agnaq; per gladios ibit secunda nocentes:  
Bisq; super fusos seruabit tincta rubores.

Interea tibi parue puer munuscula prima  
Contingent ederaq; , intermissiq; corymbi.

Ipsa tibi blandos sudent cunabula flores:  
Et dura quercus subducunt roscida mella:

Mella dabunt quercus: omnis feret omnia tellus.

At postquam firmata uirum te fecerit ætas,  
Et tua iam totum notescent facta per orbem:  
Aliet erit cum Tiphys, & altera quæ uehat Argo  
Delectos Heroas: erunt etiam altera bella:

Atque ingens Strygias ibis prædator ad undas.

Incipe parue puer risu conoscere matrem,  
Chara dei soboles, magnum cæli incrementum.

Talia dum referunt pastores: auia longe

Responsant nemora: & uoces ad sidera iactant

Inconsi mentis: ipse per confraga rupes,

# DE PARTV VIRG.

*Ipsa sonant arbuta : deus , deus ille Menalca .*

*Hic subito magnum uisi per inane uolatus  
Cælestum , cursusq; alacres , alacresq; recursus :*

*Auditaq; procul uoces , sonitusq; rotarum .*

*Scilicet innocuis per sudum exercitus armis*

*Ibat ouans : diuisæ acies , terna agmina ternis*

*Instructa ordinibus belli simulacra ciebant .*

*Ter clypeis iam cedentes inuadere nubes*

*Adspiceres : uacuas ter mittere tela per auras :*

*Ter clamare ducem : mox dissipta cogere signa :*

*Atque unam latæ faciem præferre phalangis :*

*Rursus & aerios percurrere milite campos :*

*Semotoq; alios constanti incedere passu*

*Nubili per , latasq; uias : & iungere nexu*

*Brachia , perpetuis quatientes motibus alas ,*

*Gestantesq; manu nostræ argumenta salutis ,*

*Spinasq; , clauosq; , horrenti & ui mine fasces ,*

*Hæsuramq; hastam lateri , medicataq; felle*

*Pocula , sublimemq; crucem , immanemq; columnam .*

*Ibant , & dulci mulcebant æthera cantu .*

*Innumeras alij laudes , & magna parentis*

*Facta canunt : Vt prima noui fundauerit orbis*

*Mœnia telluremq; uagis disciuserit undis :*

*Vt passim uarios cælo suspenderit ignes ,*

*Lunamq; , stellasq; : Vt magni lumina Solis ,*

*Iam latæ extremo tenebris Oriente fugatis ,*

*Protulerit . Tu belligeras metuende cohortes*

*Deijcis , exturbasq; polo : tu fulmine quassas*

*Cum duce signa suo , nigroq; inuolui Aueruo ,*

*Cocytumq; iubes , tristesq; habitare lacunas .*



Te gemini cecinere axes , te maxima tellus  
 Victorem cecinit uastis cum fluctibus æquor .  
 Nec te hominum fraudes , non auertere nefanda  
 Crimina : sed lato spectas mortalia uultu :  
 Dignatasq; tuo solaris numine terras .  
 Salue magne opifex cæli , rex maxime diuum ,  
 Terrarumq; , hominumq; salus : quem sidera , quem Sol ,  
 Quem meruunt reges tenebrarū , & Tartarus ingens :  
 Cui late humanum seruit genus : omnia solas  
 Qui regis : omnia amas pariter . tibi nomina mille ,  
 Mille potestatum , regnorum insignia mille .  
 Salue auctor : salue immensi dominator olympi :  
 Et nobis felix , terrisq; libantibus adsis .  
 Ingeminant plausum nubes : lateq; per auras  
 DiscurSAT uox : & cæli conuexa resulant .

Herboso tum forte toro , undisonisq; sub antris  
 Venturas tacito uoluebat pectore sortes  
 Cæruleus Rex , humentum generator aquarum  
 Iordanes . quem iuxta hilari famulantiâ uultu  
 Agmina densentur natæ , pulcherrima Glauce ,  
 Doroq; Protoq; Galenaq; Lamprotheoq;  
 Nuda humero , nudis discincta ueste papillis :  
 Callyroe , Byroq; Pherusaq; Dinameneq; ,  
 Asphaltisq; adsucta leues fluicare per undas :  
 Ipsaq; odoratis perfusa liquoribus Anthis :  
 Anthis , qua non ulla novos miscere colores  
 Doctior , aut pictis caput exornare coronis .  
 Mox Hyale , atq; Thoe , & uultu nitidissima Crene ,  
 Gongisteq; , Rhoeq; & candida Limnoria ,  
 Et Dryope , & uirides Bozane resoluta capillos ,

Ore omnes formosæ, albis in uestibus omnes,  
 Omnes punices eumētæ crura cothurnus.  
 Ipse antro medius, pronaq; adclivis in urna  
 Fundit aquas. Nixit urna novis variata figuris  
 Crystallo ex alba, & puro perlucida vitro,  
 Egregium decus, & superum mirabile donum.  
 Umbrosis hic silva comis, densiq; uirebat  
 Arboribus. Cerui passim, capreaq; fugaces  
 Aestivum viridi captabant frigus in umbra.  
 In medio, auratis effulgens fluctibus amnis  
 Errabat campo, & cursu læta aurua secabat.  
 Hic iuuenis fulvis uelatus corpora setis  
 Stans celsò in scopulo, regem, dominumq; decorum  
 Vorticibus rapidis, medioq; in fonte lauabat.  
 At viridi in ripa lecti de more ministri  
 Subcincti expectant: pronisq; in flumina palmis  
 Protendunt niueas celsisq; lineæ uestes.  
 Ipse pater cæla late manifesta sereno  
 Signa dabat, natoq; leuem per inane columbam  
 Insignem radijs mittebat, & igne corusco.  
 Adtonitæ circum uenerantur numina nympha:  
 Et fluuius refugas ad fontem conuocat undas.  
 Talia cælata genitor dum spectat in urna  
 Fatorum ignarus, oculosq; ad singula uoluit  
 Admirans: Videt in solitos erumpere fontes:  
 Ingentemq; undare domum: cauaq; antra repleri  
 Fluctibus, atq; nouum latice sumpsisse saporem.  
 Dumq; hæret, pauitatq; simul, dum subleuat undis  
 Muscosum caput, & taurino cornua uuln:  
 Adspicit insuetas late florescere ripas,

Claraq; per densas discurrere lumina sylvas  
 Pastorum ludo : & lætos ad sidera cantus ,  
 Diuinash; audit uoces , & numina passim  
 Aduenisse deum testantia . protinus ambas  
 Ad cælum palmas hilaris cum uoce terendit .  
 O' maris , o' terræ , diuumq; hominumq; repertor ,  
 Quis tua uel magno decreta incognita calo  
 Detulit huc audax , medijsq; abscondit in undis ?  
 Ipse mihi hæc quodam ( memini ) dum talia mecum  
 Sape agitat , repetitq; uolens , narrare solebat  
 Cæruleus Proteus : mendax si cætera Proteus ,  
 Non tamen hoc uanas effudit carmine uoces .  
 Adueniet tibi Iordanes properantibus annis ,  
 Adueniet , mihi crede , inquit : certissima cælum  
 Signa dedit : nec me delusum oracula fallunt :  
 Qui te olim Nili supra setemplicis ortus ,  
 Supra Indum ? & Gangem , fontemq; binominis Istrî  
 Adtollet fama : qui te Tyberiq; , Padoq;  
 Praferet , atq; tuos astris æquabit honores .  
 Cuius in aduentu tristes discedere morbi  
 Corporibus passim incipient . Iam uicta repente  
 Cessabit , turpes squamas . maculasq; remittet  
 Diræ lues ; lacerosq; Elephas effusus in artus ,  
 Vlcera sanguineo sistet manantia tabo .

Quin & lethales ( dictu mirabile ) febres  
 Diffugent iussa , possessaq; membra relinquens :  
 Cedet & infestæ uiolentior ira Diana :  
 Ira nocens , quæ fulminea uelut icta ruina ,  
 Corpora cum gemitu ad terram prosternit , & ignâ  
 Interdum , nunc perdere aqua ( miserabile uisu )

Festinat. Stygio nimirum armata ueneno  
Exuperat uis, & spumas agit ore tumentes.

Nec iam ultra longo uires minuente ueterno.  
Tabificus per operta impugne uagabitur hydrops  
Exitio obrepens miserorum: atque omnia late  
Viscera per uarios perdet tumefacta dolores.

Non alias uinctæ tam crebra silentia linguae  
Arumpent: noctem aut toties, tenebrasq; priores  
Excitent oculi, qui nunquam sidera, nunquam  
Ardentem magni uiderunt lampada Solis.

Multa quidem maiora fide, sed uera; sed ipsos  
Quæ teneant spectantem oculos, possum ore referre:  
Sed propero: uentura tamen mirabitur ætas.

Cernere erit, claudos passim genua ægre trahentes  
Firmato subitos extendere poplite gressus.

Tum nervis labefacta, diuq; trementia membra  
(Quis credat, nisi certa meus mihi cantet Apollo?)  
Restringi, & ualidas cum robore sumere uires.

Atque alius raptu iussus consurgere lecto,  
Haud mora, prosiliet: passuq; in templa citato  
Contendens, onus ipse humeris portabit. Ibi ingens  
Clamor, & innumera circum donaria uoces  
Spectantis populi, & rerum nouitate pauentis.

Parte alia extinctam penitus, sensuq; carentem  
Ad sua iam cernes reuocari munera dextram.

Nec minus & tacta compesci ueste cruorem  
Femineum: Exanguesq; artus, pallentiaq; ora  
Ilicet obstructis calefacta rubescere uenis.

Ipsas quin etiam furias sub Tartara pelli,  
Immanes Erebi furias: tum fessa lenari

Pectora, nexatosq; malis cruciatibus arctus:  
 Hinc uacuas late impleri stridoribus auras  
 Dirarum frustra clamantium, ac sæua trementum  
 Verbera, perq; cauas conantum euadere nubes.

Iam deploratis uitam post funera reddi  
 Corporibus uideo: iam mæstam incedere pompam:  
 Feralemq; anteire tubam: mox gaudia matrum  
 Insperata, patrumq; hilares uerso ordine fletus,  
 Et circumfusam populis latantibus urbem.

Huic tu nutantes quoties adsurgere montes,  
 Et (mirum) insueltas curuare cacumina siluas  
 Adspicies? Quoties humenti in gramine ripæ  
 Aut solantem æstus, aut lenes pectore somnos  
 Carpentem, tenui adsuesces mulcere susurro?  
 Macæ tuis merito ripis, macæ omnibus undis.

Ad te deposito properabunt numina fastu:  
 Nudabuntq; sacros artus, & carmina dicent  
 Ad numerum: cum tu felix iam flumine sancto  
 Auctorem rerum, diuumq;, hominumq; parentem  
 (Tantus honos, laus tanta tuo Rex maximee fonti)

Exutum ueste accipies: atque hospite tanto  
 Adtonitus, trepidas hortabere uoce Napæas.  
 Ite citæ, date thura pias adolenda per aras  
 Cæruleæ comites: uiridiq; sedilia musco  
 Instruite: & uitreis suspendite ferta columnis:  
 Purpureas miscete rosas: miscete hiacynthos,  
 Liliaq;, & pulchro regem conspergite nimbo.

Tunc nomen late clarum Iordanis ad auras  
 Adtollent montes: Iordanen maxima circum  
 Aequora, Iordanen siluæq; amnesq; sonabunt.

## DE PARTU VIRG.

Illa autem humanis quamuis latura ruinis  
 Auxilium, finemq; dies, gratissima quamuis  
 Urbibus adueniat, totumq; optanda per orbem:  
 Fluminibus tamen, & nostris felicior undis  
 (Siqua fides, si qua est ueri prudentia Proteo)  
 Ostendet roseos stellis ridentibus orus.  
 Quandoquidem non diuitias, non quæret honores  
 Ille patris decus, ac uirtus; mortalia postquam  
 Membra sibi, & fragiles iâ sponte induxerit arus:  
 Non sceptrum inuadet Cypri: non Caspia regna  
 Diripiet: non exuijs Babylona superbam  
 Eruet: aut alta scandet Capitolia curru,  
 Militibus circum, & leto comitante senatu.  
 Sed maris undisoni tractus, & litora longe  
 Curua secans. media socios sibi quæret in acta:  
 Dispersosq; mari nauitas, nudosq; colonos  
 Vndarum, sinuosa fretis iactare parantes  
 Retia, uexatas aut iam reparare sagenas  
 Sollicitos, patris ad solium, ac sua tecta uocabit.  
 Atque ollis ius omne, potestatemq; medendi  
 Adijcet: pellent morbos, dentesq; retundent  
 Vipereos: Orciq; acies, ac monstra fugabunt.  
 Quin & custodes foribus radiantis olympi  
 Præficiet. seruare aditus, & claustra iubebit  
 Aurea: quis non ulla querat uis seuâ nocere  
 Eumenidum, duriq; umbrarum obsistere postes.  
 Tum sedes passim emeritis duodena per astra  
 Instituet. destincta suos de more sequetur  
 Turba duces. illi leges, & sancta uocatis  
 Iura dabunt, plausu sociorum, atq; agmine læti.

Felices, qui iam Cymba, remisq; relictis,  
Alta serenati conscendent culmina celi.  
Præterea (si certa fides, nec uana futuri  
Gaudia) cognatas etiam spectabimus undas  
Lenæos uerti in latices. Ea prima deum Rex  
Arcana, hos primos per signa ostendit honores  
Accepit late imperij. Mirabitur auctus  
Lympha suos, iussa insuetum spumare capæes  
Per pateras, largæq; nouum diffundere nectar,  
Et mensas hilarare, & felices hymenæos.  
Nec semel ille altum remis euectus in aquor,  
Cum iam frustrato socios rediisse labore  
Accipiet, præda ingenti ditabit, & udos  
Squamigerum strata cumulos exponet in alga.  
Iratos etiam fluctus, humidæq; procellas,  
Miscentesq; imo turbatam gurgite arenam,  
Iamq; superiecto mersuras æquore puppim,  
Imperio premet increpitans. cadet ardens unda  
Impetus: atque audisse minantis iussa putares  
Eurosq; Zephyrosq;, & ouantes turbine Coros.

Quid loquar, ut gemino numerosas pisce catervas  
Munere & exiguo Cereris, miserabile uulgus  
Matres, atque uiros pariter per gramina pascet:  
Ut iam his senis redeant fragmenta canistris?

Aut intempesta gradiens ut nocte per altum  
Libera substrato ponet uestigia ponto:  
Vixq; undas siccæ tanget pede? scilicet olli  
Adnabunt blandæ Nereides. humida passim  
Sternent se freta: tum fundo Nepetunus ab imo

Excitus, agnoscat dominum: positoq; iridente  
 Cum Phœro, Glaucoq; , & semifero comitatu  
 Profiliet, trepidusq; sacris dabit oscula plantis.  
 Sed quid ego exili uectus super alta phaselo  
 Cuncta sequor memorans? non si Parnasia Musæ  
 Antra mihi, sacrosq; aditus, atque aurea pandant  
 Limina, sufficiam. non si mihi ferrea centum  
 Ora sonent, centumq; ærato è gutture lingua  
 Vocibus expumant agitantem pectora Phœbum;  
 Laudatos ual. am uenturi principis actus  
 Enumerare, nouoq; amplecti singula cantu.

Hæc senior quondam felici pectore Proteus  
 Vaticinans ( ut fore meo diuerteat antro )  
 Præmonuit: nunc euentus stat signa futuri  
 Expectare. Nitior roseo sed fulsit ab ortu  
 Clarior: & radijs dux præuia matutinis  
 Oceani procul extremo se litore tollit  
 Exoriens Aurora: sinusq; induta rubentes,  
 Ante diem citat auricomos ad frena iugales.  
 Et iam consuetis tempus me currere ripis  
 Vndantem, magnosq; lacus, & præta secantem  
 Vorticibus. Viden, ut nostros agit impetus amnes?  
 Iordanenq; uocat tumidarum murmur aquarum?

Sic factus, confestim humeris circumdat amictus  
 Insolitos: quos pulchræ udis neuere sub antris  
 Naiades, molli ducentes flamina musco;  
 Sidonioq; rudes saturantes murice telas,  
 Aurea consperso uariarum sidera limbo:  
 Atque ita se tandem currenti reddidit alueo  
 Spumens, & moras aspergine miscuit undas.

Hæc tenus



Hactenus ò Superi partus tentasse uerendos  
 Sit satis . optatam poscit me dulcis ad umbram  
 Pausilypus, poscunt Neptunia litora, & udi  
 Tritones, Nereusq; senex, Panopeq; , Ephyreque;  
 Et Melite, quæq; in primis mihi grata ministrat  
 Ocia, Musarumq; caudas per saxa latebras,  
 Mergillina : nouos fundunt ubi citria flores,  
 Citria Medorum sacros referentia lucos:  
 Et mihi non solita nectit de fronde coronam.

# ACTII SYNCERI

## SANNAZARII DE MORTE

### CHRISTI DOMINI

#### AD MORTALES LAMENTATIO.

QUANDO magnū mirati sur  
 gere Solem  
 S Oceano, & toto flammæ diffundere  
 cælo;  
 Certatimq; suo terras ambire meatu  
 Noctiuagam Phœben præcinctam cornibus aures;  
 Aeternosq; astrorum ignes, caliq; micantes  
 Scintillare oculos; aliquem dare iura putastis,  
 Atque polo regnare hominum, rerumq; parentem;  
 Cui mare, cui tellus, cui pareat arduus æther;  
 Cuncta supercilio qui temperet: hunc simul ægri  
 Mortales (si uestra dolor præcordia tangit)

Adspicite immiti traiectum pectora ferro,  
Pectora, fœdataſq; manus, perſuſaq; tabo  
Ora, crue utatumq; caput, crineſq; reuulſos:  
Adſpiciſſe, & plenos lacrymarum fundite riuos.  
Heu ſcelus, heu crudele nefas: iacet altus olympi  
Rector: amiſſo torpent elementa magiſtro.  
Quin etiam uacuum adſueto ſine pondere cælum  
Nutat, & ipſa ſuum quærunt ſolia aurea regem.  
Quem diuerſa procul ſæuo cum crimine tellus  
Ignoratum populis caput, & miſerabile corpus  
Suſtinet, exanguieſq; ſinu complectitur artus,  
Et tremefacta, graues teſtatur murmure queſtus.  
Teſtatur Sol ipſe ſuum ſub nube dolorem  
Iam latitans, atraq; notans ferrugine frontem.  
Tu quoque deformeſq; genas, pallentiaq; ora  
Contegis, inferiaſq; tuo das Luna Tonanti,  
Auratum flauo tondens de uertice crinem,  
Et lacrymas uda fundens in nocte tepentes.  
Nec minus abruptis fama eſt exiſſe ſepulchris,  
Perq; uias erraſſe nouis ſimulachra figuris:  
Exctiaſq; umbras, medias ululaſſe per urbes  
Sub noctem, & notos queſtu impleuiſſe penates.  
Quid? non & pelagi rabies adtollere fluctus  
Immanes uiſa eſt? monteſq; euoluere aquarum,  
Deiectura urbes, terrasq; hauſtura profundo?  
Cum ſimul & caput undiſonis emerſus ab antris  
Cæruleus Triton rauco ſuper æquora cornu  
Conſtreperet, nauiaſq; horrenda uoce moneret,  
Naturæ cecidiſſe patrem, regemq; deumq;.  
Hæ ne manus uaſti iunxerunt fœdera mundi?

Harū opus est , quodcumq; iacet , quodcūq; mouetur ?  
 Quicquid ubique parens rerum Natura gubernat ,  
 Frugiferens tellus , fetumq; animantibus æquor ,  
 Vitalisq; aer , atque ignibus æthra coruscis ?  
 Et nunc (proh facinus quantum potuere nocentum  
 Flagitia ) immissis dant peruia vulnera clauis ,  
 Liuentesq; atro fœdant squallore lacertos .  
 Heu caput indignum spinis , uenerandaq; calo ,  
 Et toties clarestellarum impexa corona  
 Cæsaries : heu uetustus hians : conuulsaq; dira  
 Barba manu : cunctisq; artus : & frigida membra .  
 Vos ne pedes cælum premere , & uaga sidera sueti ,  
 Fulgentesq; domos superum , sublimia teëta ,  
 Tam sæuæ immanes perpassi cuspidis ictus ,  
 Et terram , & duras sparsistis sanguine cautes ?  
 Nec trepidat mens cæca hominū ? Quæ tanta tenaci  
 Durities in corde rîget ? num nigra uidetis  
 Tartara , tot claris hominum uiduata trophæis ,  
 Desertasq; in nocte domos , & tristia regna ?  
 Felicesq; animas lætum Pæana canentes  
 Pone sequi regem , & cælo insedissee sereno ?  
 Quid si non tantos subiisset sponte labores ,  
 Humanamq; sua pensasset morte salutem  
 Ille sator rerum , & summi mens certa parentis ,  
 Qui nutu ingentes mundi moderatur habenas ?  
 Ut tandem intactos picea Phlegethontis ab unda  
 Post obitum æternæ donaret munere lucis ,  
 In partemq; suorum operum , regniq; uocaret :  
 Tantus amor generis seruandi , & gloria nostri .  
 Quare agite , ex animis mortales pellite uestris ,

*Siquid adhuc manet antiqua de sorde relictum :  
Mendacesq; deos , & detestanda priorum  
Sacra profanatis tandem detrudite ab aris .  
Imbuat effuso terram nec sanguine taurus :  
Nec miser ille suæ diuulsus ab ubere matris  
Ignotos agnus balet super hostia cultros .  
Viuat ovis , uiuat quidquid sub sole creatum est .  
Mentem , animumq; deo , non thura , aut exta parate.  
Has illi pecudum fibras , hæc reddite dona .  
Cernitis , ut primum flectat caput ? ut pia pandat  
Brachia ? & ingratas uocet ad sua uulnera gentes ?  
Oblitasq; uia moueat meminisse relictæ ,  
Scilicet amplexus non reiecturus amicos ?  
At uos obtusas ignari auertitis aures ,  
Infelix genus , & sæuæ ludibria mortis :  
Nec , quanta à tergo iam insistent tormenta , uidetis .  
Tempus erit , cum uestra illum commissa notantem ,  
Multantemq; reos , altaq; in nube sedentem  
Adspicietis : & horrentes tremor opprimer artus .  
Nec iam ferre oculos flammarum ardore coruscus .  
Aut timidos acie uultus condere contra  
Audebit quisquam sibi conscius . Ibit in ignes  
Turba nocens : fontesq; exoluet corpore pœnas :  
Pallentesq; æternum amnes , uastasq; lacunas  
Cocyti colet : & furias horrescet hiantes :  
Atque animum monitis non intendisse pigebit.  
Tunc uos exactæ capient mala tædia uitæ  
Expertes celi , atque auræ sub nocte profunda :  
Inq; caput trifidos nequicquam optabitis ignes :  
Et frustra erectas tolletis ad æthera palmas .*

Quos superum cœtus, & fortunata piorum  
 Agmina uix lacrymis poterunt spectare retentis,  
 Inuidiæ stimulis dirisq; ulericibus actos.  
 Ergo vitales miseri dum carpitis auras;  
 Dum compos mens ipsa sui est; dum certa facultas;  
 Dum ratio, tempusq; sinunt: simul ite frequentes:  
 Ite pîj, ueniam factis exposcite uestris:  
 Ite, animos purgate: Orciq; inhibete rapinas:  
 Et tandem patrio mentem conuertite cælo.  
 Sic rex ille hominum uacui spoliator Auerni,  
 Oblitus scelerum, cognatæ stirpis amore,  
 Promissi q; memor, mentes intrabit amicas,  
 Vestraq; posthabitis recolet præcordia templis.  
 Postq; tot exhaustos uitaq;, obitusq; labores,  
 Illo quo pluuias, quo pellit nubila, uultu  
 Ablutos labe excipiet, lætusq; reponet  
 Sidereos inter procures, sanctumq; senatum,  
 Sub pedibusq; dabit stellantia cernere claustra.

# ACTII SYNCERI

## SANNAZARII EGLOGA PRIMA

PHYLLIS.

LYCIDAS, MYCON.

**Ly.** IRABAR, uicina Mycon per li-  
tora iuper

**M** Dum uagor, expectoq; leues ad pabu-  
la thynnos,

Quid tantum insuetus streperet mihi  
coruus, & uide

Per scopulos passim fulicæ, perq; antra repostæ

Tristia flebilibus complerent saxa querelis:

Cum iam nec currus resiliaret ab æquore delphin,

Nec solitos de more choros induceret undis.

Ecce dies aderat, charam qua Phyllida terræ

Condidimus, tumultoq; pias defleximus umbras

Ah miseri: & posthac nec tristes linquimus auras:

Nec dubitat sæuus solatia ferre Pylemon.

**My.** Scilicet id fuerat, tota quod nocte uaganti

Huc illuc, dum Pausilypi latus omne pererro,

Piscosamq; lego celeri Nesida phaselo:

Nescio quid queruli gement lacrymabile mergi.

Phyllis ad inferias, Phyllis (si credimus) illos

Ad gemitum ò Lycida, tumuliq; ad sacra uocabat.

**Ly.** Eheu chare Mycon qualis spectacula pompæ

(Nunc recolo) quas ipse manus, quæ ue ora notauit

His oculis: his inquam oculis quæ funera uidi

*Infelix: nunc me tandem dolor improbus egit  
In scopulos, in saxa, rogo ne absumpsit eodem  
Ignea uis, uel saltem aliquis deus æquore mersit.*

*My. O Lycida Lycida: non ne hoc felicius illi  
Euenisse putas? quàm si fumosa Lycotæ  
Antra, uel hirsuti tegetem subiisset Amyntæ?  
Et nunc heu uiles hamo sibi quæreret escas:  
Aut tenui laceras sarciret uimine nassas.  
Sed tu, siquid habes ueteres quod lugeat ignes,  
Quod manes, cineresq; diu testetur amatos:  
Incipe: quando quidem molles tibi litus arenas  
Sternit: & insani posuerunt murmura fluctus.*

*Ly. Immo hæc, quæ cineri nuper properata parabam  
Carmina, ab extremo cum iam caua litora portu  
Prospicerem, & niuei uenerarer saxa sepulchri:  
Incipiam. tu coniferas ad busta cypressus  
Sparge manu: & uiridi tumulû superitege myrto.*

*My. En tibi cærulei muscum æquoris, en tibi conchas  
Purpureas, nec non tota quæsita profundo,  
Et uix ex imis euulsa coralia saxis  
Adferimus. tu solemnes nunc incipe cantus:  
Incipe, dum ad solem Balanus retia Milcon  
Explicat, & madidos componit in orbe rudentes.*

*Ly. Quos mihi nunc diuæ scopulos, quæ panditis antra  
Nereides: quas tu secreti litoris herbas  
Glauce pater, quæ mostriferis mihi gramina succis.  
Ostendes nunc Glauce? quibus tellure relicta,  
Ah miser, & liquidi factus nouus incola ponti,  
Te sequar in medios mutato corpore fluctus,  
Et feriam bifida spumantia marmora cauda.*

Nam quid ego heu solis uitam sine Phyllide terris  
 Exoptem miser? aut quid nam raptâ mihi luce,  
 Dulce putem? quid ue hic sperē? quid iâ morer ultra  
 Infelix? an ut hac uili proiectus in alga,  
 Arentes tantum frutices, desertaq; cernam  
 Litora: & ingrato iactem mea uerba sepulchro?  
 Scilicet hos thalamos, hos felices hymenæos  
 Concelebrem? sic speratæ mihi gaudia tedæ  
 Dat Venus? ambigos sic dat Lucina timores?  
 Quis mihi, quis te te rapuit dulcissima Phylli?  
 Phylli meæ quondam requies, spesq; ; unica uitæ,  
 Nunc dolor, æternusq; imo sub pectore luctus.  
 Non licuit tecum optatos coniungere somnos,  
 Dulcia nec primæ decerpere dona iuuentæ,  
 Aut simul extremos uitâ producere in ânos. (quâ es,  
 Nūc te (quis credat?) lapis hic habet: & mihi nus-  
 Nusquam terrarū Phyllis; sed fabula, & umbræ,  
 Frustrantur miseras per dira insomnia noctes.  
 Me miserum: qua te tandem regione requiram?  
 Qua ue sequar? per te quondā mihi terra placebat,  
 Et populi, lætaq; suis cum mœnibus urbes:  
 Nunc iuuat immensi fines lustrare profundis,  
 Perq; procellosas errare licentius undas.  
 Tritonum immistum turbis, scopulosaq; Cete  
 Inter, & informes horrenti corpore Phocas,  
 Quo nunquam terras uideā. Iamiam illa tot annis  
 Culta mihi tellus, populiq; , urbesq; ualete:  
 Litora cara ualete: uale simul optima Phylli.  
 Nos tibi, nos liquidis septem profluentibus aras  
 Ponemus: septemq; tibi de more quotannis



Monstra maris magni uitulos mactabimus hirtos .

Et tibi septenis pendebunt ostrea fertis .

Ostrea muricibus uariata , albisq; lapillis .

Hic tibi Nisæ , & flauos resoluta capillos

Cymodoce , mitisq; pia cum matre Palæmon ,

Et Panope , & Siculi custos Galatea profundū

Solennes nectent choreas , & carmina dicens :

Quæ Proteus quondam diuino pectore uates

Edocuit , magni cum funera fieret Achillis :

Et Thetidis luctus consolaretur amarus .

At tu , siue altum felix colis æthera , seu iam

Elysios inter manes , coetusq; uerendos

Letheos sequeris per stagna liquentia pisces ;

Seu legis æternos formoso pollice flores ,

Narcissumq; , crocumq; , & uiuaces amaranthos ;

Et uiolis teneras misces pallentibus algas ,

Adspice nos , mitisq; ueni . tu numen aquarum

Semper eris , semper lætum piscantibus omen .

Vt nymphis , Nereoq; , ut flauicomæ Amphitrite ,

Sic tibi uiētrices fundent libamina cymbæ .

Interea tumulto supremum hoc accipe carmen ,

Carmen , quod , tenui dum nectit arundine linum ,

Piscator legat : & scopulo suspirat ab alto .

In gremio Phyllis recubat Sirenis amata .

Consurgis gemino felix Sebethæ sepulchro .

My. Dulce sonāt Lycida tua carmina : nec mihi malim

Halcyonum lamenta , aut udo in gramine ripæ

Propter aquam dulces cynorum audire querelas .

Sed tu : sic faciles uicina Megaria semper

Sufficiat conchas : sic proxima Mergilline

Ostrea, saxosæq; ferat tibi rupis echinos:  
 Quandoquidem nox obscuras iam distulit umbras,  
 Nec dum permensus calum Sol: incipe rursus,  
 Atq; iteras mihi carmen. Habent iterata leporem.

Ly. Ne miserum ne coge Mycon. sat lumina, sat iam  
 Exhaustæ maduere genæ. dolor (adspice) siccas  
 Obduxit fauces: quatit & singultibus imum  
 Pectus: anhelantemq; animam uox ægra relinquit.  
 Et tamen hæc alias tibi nos, & plura canemus,  
 Fortasse & meliora, aderit si musa canenti.  
 Quin & ueliferis olim hæc spectanda carinis  
 Seu Prochyta, seu Miseni sub rupe patenti  
 Inscribam: grandesq; notas ferrugine ducam:  
 Præteriens quas nauta mari percurrat ab alto;  
 Et dicat. Lycidas, Lycidas hæc carmina fecit.  
 Sed quoniam socij passim per litus ouantes  
 Expectant, poscuntq; tuas ad retia uires:  
 Eia age iam surgamus. ego hæc ad busta sedebo.  
 Tu socios inuise: escas nam quærere tempus:  
 Et tibi nunc uacua fluitant sine pondere nassa.

## EGLOGA SECVNDA

## GALATEA.

**FORTE** Lycon uacuo fessus confederat antro  
 Piscator, quâ se scopuli de uertice, lato  
 Ostentat pelago pulcherrima Mergilline.  
 Dumq; alijs notosq; sinus, piscosaq; circum  
 Aequora collustrant flammis, aut linea longe  
 Retia, captiuosq; trahunt ad litora pisces:  
 Ipse per obscuram meditatatur carmina noctem.

Immitis Galatea: nihil te munera tandem,  
 Nil nostræ mouere preces? uerba irrita uentis  
 Fudimus: & uanas scopulis impingimus undas.  
 Adspice, cuncta silent, Orcas & maxima Cete  
 Somnus habet, tacitæ recubant per litora Phocæ.  
 Nôzephyri strepit aura: sopor suus humida mulcet  
 Aequora: sopito conniuent sidera calo.  
 Solus ego (hei misero) dum tristi pectore questus  
 Nocte itero, somnum tota de mente fugavi,  
 Nec tamen ulla meæ tangit te cura salutis.  
 At non Praxinoe me quondam, non Pholybotæ  
 Filia despexit, non diuitis uxor Amyntæ,  
 Quamuis cultu sinu, quamuis foret alba papillis.  
 Quin etiam Aenaria (si quicquam crudis) ab alta  
 Sæpe uocor. solet ipsa meas laudare camœnas  
 In primis formosa Hyale: cui sanguis Iberis  
 Clarus auis: cui tot terræ, tot litora parent:  
 Quæq; uel in medijs Neptunum torreat undis.  
 Sed mihi quid prosunt hæc omnia, si tibi tantum  
 (Quis credat Galatea?) tibi si denique tantum

# G A L A T E A

Displiceo? si tu nostram crudelis auenam  
 Sola fugis? sola & nostros contemnis amores?  
 Ostrea Miseni pendentibus eruta saxis  
 Milie tibi misi: totidem sub gurgite vasto  
 Pausilypus, totidem uitreis Euploæa sub undis  
 Seruat adhuc. plures Nesis mihi seruat echinos,  
 Quos nec uere nouo folijs lentiscus amaris  
 Inficit, aut uacua tenuant dispendia Lunæ.  
 Præterea mihi sub pelago manus apta legendis  
 Muricibus: didici Tyrios cognoscere succos,  
 Quoq; modo plena durent conchilia testa.  
 Quid refugis? tingenda tibi iam lana paratur,  
 Qua niteas, superesq; alias Galatea puellas.  
 Lana maris spumis quæ mollior. hanc mihi pastor  
 Ipse olim, dedit hanc pastor Melisæus, ab alta  
 Cum me forte senex audisset rupe cauentem:  
 Et dixit, puer ista tuæ sint præmia Musæ,  
 Quando quidem nostra cecinisti primus in æta.  
 Ex illo in calathis seruauit, ut mittere possem.  
 Sed tu (nequa mihi superet, spes nequa futuræ  
 Conditio Galatea) manum mihi dura negasti.  
 Hoc est, hoc miserum quod perdidit. ite camœnæ,  
 Ite procul, spreuit nostras Galatea querelas.  
 Scilicet, exigua uideor quod nauita cymbæ,  
 Quodq; leues hamos, nodosaq; retia tracto,  
 Despicias. an patrio non hoc quoque litore Glaucus  
 Fecerat? æquoreæ Glaucus scrutator arenæ,  
 Et nunc ille quidem tumidarum numen aquarum.  
 Sed nec, quæ nimium uel me sic falsa fatigat,  
 Fabula te moueat Lydæ. Licet illa puellis

Iactet, nescio quas mihi se misisse coroleas:  
Non me Lyda tamen, non impulit, æ quora testor,  
Nereidasq; omnes. si fallo, naufragus illas  
Experiar, saluosq; bibam sub gurgite fluctus.  
Heu quid agam? externas trans portū querere terras  
Iam pridē est animus: quo nunquā nauita, nunquā  
Piscator ueniat. fors illic nostra licebit  
Fata queri. Boreæ extremo damnata sub axe  
Stagna petam, et rigidis nunquā non cana pruinis?  
An Libyæ rapidas, Austriq; tepentis arenas,  
Et uideam nigros populos, Solemq; propinquum?  
Quid loquor infelix? an non per saxa, per ignes,  
Quo me cunque pedes ducunt, mens ægra sequetur?  
Vitantur uenii: pluuiæ uitantur, & æstus:  
Non uitatur amor. mecum tumuletur oportet.  
Iam saxo me me ex illo demittere in undas  
Præcipitem iubet ipse furor. Vos ò mihi Nymphæ,  
Vos maris undisoni Nymphæ præstate cadenti  
Non duros obitus, seuasq; extinguere flammæ.  
Scilicet hæc olim, ueniens seu litore curuo  
Caietæ, seu Cumarum naualibus altis;  
Dum loca transibit, raucus de puppe magister  
Hortatus socios, dextrum deflectite, dicet,  
In latus ò socij: dexteræ deflectite in undas:  
Vitemus scopulos infames morte Lyconis.  
Talid nequicquam surdas iactabat ad auras  
Infelix piscator, & irrita uota fovebat:  
Cum eandem extremo ueniens effulsit ab ortu  
Lucifer, & roseo perfudit lumine pontum.

M O P S V S  
E G L O G A T E R T I A  
M O P S V S.

CELANDON, MOPSVS, CHROMIS, IOLAS.

Ce. DIC mihi (nam Baulus, uerum si rettulit Aegon  
Bis senos uos Mopse dies tenere procellæ)  
Quid tu, quid Chromis intera, quid uester Iolas,  
Dum Notus insultat pelago, dum murmurat unda,  
Ecquid desertis uacui lusistis in antris?

Mop. Quid nostræ facerent ingrata per ocia musæ  
O Celadon? neque tum conchas impune licebat  
Per scopulos, non octipedes tentare Paguros.  
Iam fragilem in siccò munibant saxa phaselum:  
Raraq; per longos pendebant retia remos.  
Ante pedes cistæq; leues, hamiq; iacebant:  
Et calami, nassæq;, & uiminei labyrinthi.  
Tum Chromis Inarimē spectans, his, inquit, ab oris  
(Ab dirum exilium) nostræ soluere carinæ:  
Cum regem post bella suum comitata iuuentus  
Ignotis pelagi uitam committeret undis.  
Quæ tamen (ut fama est) Ligurū per saxa, per altas  
Stechadas emicuit: Rhodaniq; inuecta per amnem  
(Nam, bene si memini, Rhodanū referebat Amilcō,  
Oceani madidas uidit refluentis arenas,  
Et quæ cæruleos procul adspicit ora Britanos,  
Quæ (nisi uana ferunt) quoties maris unda refedit,  
Indigenæ captant nudos per litora pisces.

Ne Chromi, ne luctus renoua, respondit Iolas:  
Sat tuus hæc nobis Lucrini nuper ad undam

- Narravit Lycabas : Solem se scilicet illic  
 Trans fluctus , trans & nubes uidisse cadentem  
 Haud aliter : quam si nostris è montibus illum  
 Caietæ adspiceret longe post litora ferri ,  
 Et strepitum sensisse ruentis ab æthere currus .  
 Præterea mores populorum , urbesq; locosq;  
 Exposuit , quernasq; domos , & lignea tecta .  
 Addidit & uarias ( heu barbara nomina ) gentes :  
 Bellouacos , Morinosq; : & , quos quis dicere possit ?  
 Tarbellos : latis errare & flumina campis :  
 Nescio quem Ligerim tectis se innasse carinis .  
 Sed mea nunc aliæ poscunt sibi pectora curæ . ( dicit  
 Tu modo , si quid habes ( & te quoq; Chloridis ar-  
 Excruciat ) scopulo hoc mecum meditare uicissim .  
 Audiet , & gracilem percurreret Mopsus auenam .  
 Sic illi : ast ego nil contra , sed quæ mihi collo  
 Garrula pendebat , manibus tunc sumpta cicuta est .  
 Scilicet alternos conabar arundine uersus  
 Excipere . alternis nam dicere uterque parabat .  
 Nec mora , iam Chromis hos , hos & referebat Iolas .  
 Chr. Ne reides pelagi sacrum genus , aut mihi uestris  
 Munera ferte uadis , duram quis Chlorida placem :  
 Aut , si muneribus flecti nequit , æquore toto  
 Quærite , quæ nostrum sanet medicina furorem .  
 Iol. Sirenes mea cura , audite hæc ultima uota .  
 Aut reuocet iam Nisa suum , nec spernat Iolam ,  
 Aut uideat morientem . Hæc saxa impulsa marinis  
 Fluctibus , hæc misero uilis dabit alga sepulchrum .  
 Chr. Qualis tranquillo quæ labitur æquore cymba ,  
 Cum Zephyris summæ crispantur leniter undæ ,

**T**uta uolat, luditq; hilaris per transtra iuuenius:

Talus uita mihi, mea dum me Chloris amabat.

**Iol.** Adspicis, iratae feriant ut saxa procellae:

Vt ualidis imae Coris turbentur arenae.

Iam scopulis furit unda, tremat iam terra tumultu.

Fallor, an haec ipsa est Nisa indignantis imago?

**Chr.** O' Proteu pastor liquidi maris, o' pater, o' rex,

(Quando quidem insanos odistis numina fastus)

Quære Pitheculas tu, cui licet: atque superbae

Dic Hyale, falsum te pascere monstra per aequor.

**Iol.** Ille habet, ille meos scopulus mihi seruat amores,

Qui propior terrae est. illum pete Glauce natam:

Neue manus duri contemnat Nisa mariti,

Dic te squamigeras traxisse ad litora praedas.

**Chr.** Est Veneri Cypros gratissima, Creta Tonanti,

Iunoniq; Samos, Vulcano maxima Lemnos:

Aenariae portus Hyale dum pulchra tenebit,

Nec Samos Aenariam uincet, nec maxima Lemnos

**Iol.** Gradiuus Rhodopen, & Mercurius Cyllenen,

Ortygiam Phoebe, Tritonia iacet Himetion:

Nisa colit Prochytem: Prochytes si commoda norint,

Ortygiam Phoebe, Tritonia linquet Hymetion.

**Chr.** Hic specus, hic rupes, texendisq; optima naësis

Vimina sunt, iunci, densaeq; per aua myrtus:

Si mihi nunc Pholoe, uel tantum Chloris adesset,

Quàm bene pugnaces possem contemnere uentos.

**Iol.** Nulla mihi sine te rident loca, displices aequor,

Sordet terra, leues odi cum retibus hamos.

At si aderis tu Nisa, placebunt omnia: letus

Tunc ego uel lybicis degam piscator arenis.

**Chr.**



**Chr.** Dat Rhombos Sinuessæ, Dicarchi litora Pagros,  
 Herculeæ Mullum rupes, Synodontas Amalphis:  
 Parthenope teneris scætere ambitiosa puellis:  
 Quis mihi nunc alias scrutari suadeat algas?  
**Iol.** In fluuijs Mugil uersatur, Sargus in herbis,  
 Polypus in scopulis, medijs Melanurus in undis:  
 Ante tuas mea Nisa fores ego semper oberro:  
 Quæ mihi det tales iucundior insula portus?  
**Mop.** Hæctenus ò Celadon resonis sub rupibus illos  
 Inter se uario memini contendere cantu,  
 Horrida uentosi ridentes murmura ponti.  
 Qui tamen & laudes, & munera digna tulere  
 Carminibus, sed quæ nequeat contemnere Triton:  
 Hic, quam Circeio nudus sub gurgite æpi,  
 Natiuis concham maculis, & murice pictam:  
 Ille recuruato nodosa Coraliam trunco.

FERDINANDO FEDERICI RE-  
 GIS F. ARAGONIO, CALABRIÆ  
 DACI EGLOGA QVARTA.

P R O T E V S.

N V N C primum notas uellis maioribus undas  
 Currimus ò nymphæ Craterides: ordine quando  
 Suadet amor, charæ primos Telluris honores  
 Dicere: cæruleæ magni Crateris alumna.  
 Telluris primos charæ dicamus honores,  
 Dum radijs feruens medium sol excoquit æquor.  
 Tu uero patriæ iuuenis decus, edite calo,

# P R O T E V S

Spes generis tanti : seu te nimboſa Pyrene  
 Pro dolci Latio , pro noſtris detinet aruiſ :  
 Seu uagus obieſto munimine claudit Iberus :  
 Rumpe moras : nec te latis Hiſpania regnis  
 Adliciat , ſtirpis ue tuæ primordia , & ille  
 Gentis honos : licet effuſo Tagus impleat auro ,  
 Et pater Oceanus ſpumanti perluat unda .  
 Nam mihi, nam tempus ueniet, cum reddita ſceptra  
 Parthenopes , fractosq; tua ſub cuspide reges  
 Ipſe canam : nunc litoream ne deſpice muſam .  
 Quam tibi poſt ſiluas , poſt horrida luſtra Lycæi ,  
 ( Siquid id eſt ) ſaſas deduxi primus ad undas ,  
 Auſus inexperta tentare pericula cymba .

Quæ uada nō norūt, quis neſciat Protea portus ?  
 Illum olim ueteris paſcentem ad ſaxa Minervæ,  
 Mulcentemq; ſuas diuino carmine Phocas ,  
 E' puppi ſenſere Melanthius & Phraſidamus ,  
 Vi forte à capris obſcura nocte redibant :  
 Senſere & uario delphinas ludere curſu ,  
 Tritonumq; choris longe freta pulſa ſonare .  
 Ipſe autem , haud quaquam mortali digna refert  
 Verba ſono , uacuas lætus cantabat ad auras :  
 Terrigena ut quondam matris de uentre Tiphoeus  
 Exiliens , infanda deos ad bella uocaſſet :  
 Ut fratrum primus , furis , & hiantibus hydris  
 Inſtructus , denſas ductauerit ipſe caternas :  
 Ut niſu ingenti partes de monte reuulſas  
 Aenariam , Prochytenq; altis immiſerit aſtris ;  
 Ac totum ſubito cælum tremefecerit ictu :  
 Tum pater haud ſegni molitus fulmina dextra

Immanis acies deiecerit, atque trophæum  
 Iusserit arduos tectari sulfure Baïas,  
 Quod gens uicta illis lauisset uulnera lymphis.  
 Hinc magni Alcidae tauros, stratūq; profundum  
 Aggeribus memorat, ductamq; per oppida pompā.  
 His ueteres addit Cumas, loca cognita Phæbo,  
 Vatis & horrendæ lucos, Triniæq; recessus,  
 Cimeriumq; domos, & opacat in uallibus antra.

Te quoque formosæ captum Nefidos amore  
 Pausilype irato compellat ab æquore questu.  
 Ah miser, ah male caute, tuæ quid fata puellæ  
 Ad celeras? cupit in medios euadere fluctus  
 Infelix: cupit insuetum finire dolorem.  
 At tibi nec curæ est, quod eam Neptunia monstra  
 Circunstent, mare nec rapido quod sorbeat æstu.  
 Ah miser, ah male caute, ultra quid brachia tendis?  
 Siste gradum. riget illa iugis adsueta niuosis  
 Venatrix: quam mille feræ timere sequentem  
 Per saltus. uos hanc Panope, uos candida Drymo,  
 Cymothoeq; , Rhoeq; , Pherusaq; , Dinameneq;  
 Accipite, & uestris sociam lustrate choreis.

Tum cauit antiquas sedes, opulentaq; regna  
 Auricomæ Sirenis, & alium in monte sepulchrum,  
 Sacraq; Chalcidicosq; deos, magnisq; per æquor  
 Auspicijs uetustas hæc ipsa ad litora classes.

Tum liquidos fontes subter caua mœnia ducit,  
 Ad tollitq; arces, & culmina montibus æquat  
 Tectorum: uastas protendit in æquora moles,  
 Eupleamq; procul trepidis dat cernere nauis,  
 Atque Pharon iungit scopulos, præruptaq; saxa

Theleboum, Sarniq; amnes, & pingua culta.

Tum canit, ut Corydona sacro Melissus in antro  
Viderit, & calamos labris admonerit audax:

Formosum quibus ille olim cantarat Alexin,

Dixerat & masam Damonis, & Alphefibœi.

Quis fretus, distante Dea, tot sidera nobis

Prodiderit, tantas celi patefecerit oras.

Quid referā aut Stabias, aut quæ tenuisse canoris  
Virginibus factis est abeuntes saxa carinas?

Aut terri fici sonitus, ignemq; Vesuvi,

Et desolatas passim defleuerit urbes?

Postremo reges, regumq; ex ordine pugnas

Enumerat: belliq; artes, & prœmia narrat.

Addit tristia fata, & te, quem luget ademptum

Italia infelix (sive id grauis ira deorum,

Seu fors dura tulit) trans altas euehit alpes.

Mox agit Oceani prope litora: denique sistit

Spumantem ad Ligerim, paruaq; includit in urna.

Heu sortē miserandā, heu pectora cæca futuri.

Hæcine te fessum tellus extrema manebat

Hospitijs, post tot terraq; marisq; labores?

Pone tamen gemitus, nec te monumenta parentū,

Aut moueant sperata tuis tibi funera regnis:

Grata quies patriæ: sed & omnis terra sepulchrum.

Hæc ille, & quæ nix audita prioribus annis

Heroum longæua queat meminisse uetustas,

Comemorat. socio respondent æquora plausu:

Luna suam donec paulatim fundere lucem

Cœpit, & ad uitreas redierunt numina sedes.

CASSANDRAE MARCHESIAE,

MVLIERI PRAESTANTISS.

E C L O G A V.

HERPYLIS PHARMACEVTRIA.

Dorylas , Thelgon.

SED iam vulgatos & nos referamus amores:  
 Quos pariter grata scopuli pendens in umbra  
 Hinc Dorylas, hinc Theleboi maris adcola Thelgon  
 Certantes docuere. quibus caua litora, & ipse  
 Aequoreus Platamon, sacrumq; Serapidis antrum  
 Cum fonte, & Nymphis adsuleauere marinis.

Tu mihi, seu doctas percurris Palladis artes,  
 Maoniaq; aurum, & subtegmina uincis Arachnes;  
 Seu Dryadum choreis, coetuq; immista Dianæ  
 Haud minor incedis; pictaq; adcineta pharetra  
 Venatu Prochyten, maternaq; regna fatigas;  
 Siue Dicarchæis quæ molibus adsilit æquor,  
 Ludentes spectas Nereidas: en age nostros,  
 (Siquis honos pelagi) Cassandra en adspice lusus.  
 Non ingrata cano, penitusq; iniussa. Neq; unquam  
 Arguerint uentura meis te sacula chartis  
 Præteritam. faueat modo non inuitus Apollo,  
 Et quæ me facili uexere per æquora remo  
 Pierides: quis longa dies, & nomina curæ.  
 Interea Dorylan iuuat hic audire canentem.

Do. Seberhi ad liquidas descenderat Herpylis undas,  
 Herpylis Euboidum non ultima: quam pater Alcô

# H E R P Y L I S

Erudiſt, Muſis & Phæbo cognitus Alcon.  
 Venerat & ſocij partem ſubitura laboris  
 Vnanimis ſoror, & calathum de more ferebat.  
 Ipſa comas effuſa, pedemq; exuta ſiniſtrum  
 Cum philiris longum ſubmurmurat: atq; ita fatur.

Pone aram, & uiuos hauri de flumine rores,  
 Canaq; uicino decerpere abſinthia campo.

Illum illum magicis conabor adurere ſacris,  
 Qui miſeram tota ſpoliatam mente reliquit.

Voluite præcipitem iam nūc mea licia rhombū.  
 Rhombus ad Aemonias reuocetur abeneus artes:  
 Siftere qui pluuias, qui pellere nubila calo,  
 Qui potis eſt trepidos undis abducere piſces.

Voluite præcipitem mea licia uoluite rhombum  
 Alga tibi hæc primum tumidi purgamina ponti  
 Spargitur, & rapidis abſumitur arida flammis:  
 Sic mihi ſic Mæon uraris ad uſque medullas.

Voluite præcipitem iam nunc mea licia rhombū.  
 Ter muſcum Cleariſta, ter hunc ſine forcipe cancrū  
 Vre ſimul, cumq; his dic uiſcera Mæonis uro.

Voluite præcipitem mea licia uoluite rhombum.  
 Spōgia nūc lacrymis perfunditur. heus bona magno  
 Spongia nata mari, lacrymas bibe ſedula noſtras.  
 Utq; rapis ſitiens illas, ſic Mæonis omnem  
 Mæonis ingrati rapias de pectore ſenſum

Voluite præcipitem iam nūc mea licia rhombū.  
 Ut pumex pingueſcit, ut æquoris unda quieſcit,  
 Quæ uentis agitata huc, illuc concita fertur.  
 Sed quid ego heu triſti pectus concuſſa dolore  
 Imprecer, & uanis iactem conuicia uentis?

Mæon tot mihi damna, ego Mæoni uerba rependam?

Voluite præcipitem mea licia uoluite rhombum.

Huc huc, qui rigida meditaris uulnera cauda

Sæue Trigon, & tu, proprium cui sistere naues

Veliferas Echenæis, adeste: & Mæonis acres

Tu retinere pedes, tu figere corda labora.

Voluite præcipitem iam nunc mea licia rhombum.

Tunde iecur, spumamq; simul torpedinis atræ.

Hæc ego cras illi lethalia pocula mittam:

Ebibat, & subito pallantes torpeat artus.

Voluite præcipitem mea licia uoluite rhombum.

Scinde manu Leporem. Leporis pene trabile uirus.

Nascitur Eois hic fluctibus: adtulit Aegle,

Docta Aegle, iussuq; inimicum tangere limen.

Curre age, tange simul, simul obline. cras mihi pæ-

Perfidus ille dabit: gemet ipso in limine Mæon. (nas

Sistite præcipitem iam nunc mea licia rhombum.

Contere & Halcyonis nidum mihi. Pellere uentos

Dicitur, & sæuas pelagi mulcere procellas.

Forsitàn hic nostros sedabit pectoris æstus.

Sistite præcipitem, iam sistite licia rhombum.

Hactenus ille. quid huic subiunxerit ordine Thelgō,

Accipe. non omnes unus dolor angit amantes.

Thel. Rupe sub hac mecum sedit Galatea. uidebam

Et Capreas, & quæ Sirenum nomina seruant

Rura procul. ueteres alia de parte ruinas

Herculis, ambusta signabat ab arce Veseuus.

Exere cæruleos Triton de gurgite uultus.

Ipse meas Triton Nereo deferre querelas,

Ipse potes curua resonans super æquora concha

Et scopulis narrare, & fluctuagis Balanis.

Exere cæruleos Triton pater exere uultus.

Hic primos mihi congressus dedit illa roganti:

Hic niueam formosa manum porexit, & (cheu

Quid recolo?) tacitos in me defixit ocellos.

Exere cæruleos Triton de gurgite uultus.

Huc ades ò mea cura. quid ò quid lenta moraris?

Ipsè ego te propter, socios, cymbamq; reliqui.

Exere cæruleos Triton pater exere uultus.

Hic tibi consuetas formosior explicat umbras

Populus. amplector sæpe hanc, atq; oscula figo

Corticibus: sæpe ipsa pedum uestigia quero:

Et siquid manibus tetigisti, floribus orno.

Exere cæruleos Triton de gurgite uultus.

Quem mihi nunc præfers? si te iuga frondea, si te

Arbuta, pascentesq; iuuant per rura capellæ:

Nos quoq; non graciles nunc primû iungere auenæ

Discimus. incisas implent mea carmina fagos:

Et mea Mænalij pendet iam fistula siluis.

Exere cæruleos Triton pater exere uultus.

Sin magis adrident hæc litora, sin magis alii

Diuitiæ pelagi: sparsos quis cogere pisces

Doctior, aut rigidum dextra iactare tridentem?

Exere cæruleos Triton de gurgite uultus.

Non ego delphinis, te iudice, non ego thynnīs.

Aequore uel medio dubitem certare natando.

Quid tibi me iactem? cui uix numerare uel hamos

Nunc uacat, aut restes, onerataq; retia plumbo,

Et Sinuessano textas deuimine nassas.

Exere cæruleos Triton pater exere uultus.



Me Ligurum dura rupes, me Gallica norunt  
Litora: piscantem pariter me Varus, & ingens  
Sensit Arar, sensere maris fera monstra Britani.

Obrue cæruleos Triton sub gurgite uultus.  
Et post hæc heu dura fugis. non te mihi tellus  
Extera, non uenti rapuere. sed accipe munus,  
Accipe. non ultra tecum Galatea sedentem  
Adspicies. I, læta nouas meditare choreas.

Obrue cæruleos Triton pater obrue uultus.

## TRAIANO CABANILIO

### TROIAE, AC MONTELLAE

### D O M I N O.

### S A L I C E S.

SI uacat, & blandos etiamnum uentilat ignes  
Quæ dea cærulea uehitur super æquora concha,  
Turrigeramq; Paphon, ditemq; Amathunta tuetur:  
Accipe flumineas properatum carmen ad undas  
O' mihi non dubia Cabanili cognite fama,  
sed longe uarios rerum spectate per usus.  
Nam tibi me doctæ sic deuinxere sorores,  
Sic mea felici permulcent pectora cura:  
Ut uix ulla queam melioris tempora uite  
Te sine, uix placidos per noctem ducere somnos.  
En agendum Traiane, tuis hæc præuia iussis  
Tractanti, iam iamq; animo maiora paranti  
Da ueniam, & tenues ne dedignare camœnas.

Fortè inter uirides ( si uera est fama ) genistas,

Capripedes Satyri, passimq; agrestia Panes  
 Numina cum Faunis, & montiuagus Siluanis,  
 Exercet dum sol raucas per rura cicadas,  
 Vitabant æstus, quâ pinguis culta uadosus  
 Irrigat, & placido cursu petit æquora Sarnus.  
 Grata quies nemorum manantibus undique riuis.  
 Et Zephyris densas inter crepitantibus alnos.  
 Dumq; leues aptant calamos, dum sibila pressis  
 Explorant digitis, tenuiq; foramina cera  
 Obducunt, uario modulantes carmina cantu:  
 Auricomæ uiridi speculantur ab ilicæ Nymphæ  
 Dulcia clarifonus soluentes ora cachinnis:  
 Sed prope ferre pedem metuunt. nam sæpe labores  
 Audierant Penæa tuos, & qualibus olim  
 Infelix eheu uirgo Nonacria fati,  
 Infelix uirgo (quid enim non illa moueret?)  
 Pana metu fugiens è uertice Cyllenæo,  
 Pana deum Arcadiæ, quâuis pulcherrima, quamuis  
 Dianæ sacros inter lectissima cœtus,  
 Nodosa tenerum mutarit arundine pectus.  
 Quas simul ac nemorum petulans, effrenaq; pubes  
 Semiferi uidere per herbida prata uagantes;  
 Occultamq; imus flammam traxere medullis:  
 Sic timidas blandis hortantur uocibus ultero.

Huc huc ò teneræ placidissima turba puellæ:  
 Quid procul adstatis? potius succedite ridæ,  
 Et uiridi in prato mollie, de more choreas  
 Ducite: quandoquidem calamos inflammas inertes:  
 Et frustra ad surdas iactamus carmina siluas.  
 Illæ nil contra: celeri sed nuda parabant

Crura fugæ, totosq; agitabant mente receptus,  
Si quæ forte uiam per saxa irrumpere, & aliis  
Euasisse iugis, deus, aut sua fata dedissent.  
Tum iuuenes, procul o, clamant, procul iste puellæ  
Sit timor: ingenuas animo depellite curas:  
Nullæ hic insidiæ, nullæ per aperta latebræ:  
Cuncta patent: nullas abscondunt hæc loca fraudes.  
Nos quoq; non Lernæ monstris, non igne Chimææ,  
Scyllæis ue lupis geniti, aut latrante Charybdi,  
Qui uestra immani laceremus uiscera morsu:  
Sed diuum genus, & qui semper rupibus altis  
Vobiscum crebris uenatibus insultemus.  
His dictis permulsi animi, securaq; tristem  
Corda metum eijciunt: gressuq; per uia citato  
Prata, deus tandem cupidis, ripæq; propinquant.  
Tum manibus simul implicatis per gramina festas  
Exercunt choreas: aliosq; aliosq; reflexus  
Inter se lætæ repetunt: nunc corpora librant  
In saltus: nunc molle laius, nunc condida iactant  
Brachia: & alterna quatiunt uestigia planca.  
Hic Satyri, quanquam uoces audire canentum  
Crudeles, quanquam nixæas spectare papillas  
Exultant, oculisq; bibunt sitientibus ignem:  
Tanta tamen sæui gliscit uis effera morbi  
Pectoribus, præcepisq; amor, & malesana libido;  
Ut calamis sensim eiectis, ruptoq; repente  
Fœdere. surgentes ab humo, uento ocyus omnes  
Exiliant; spretaq; deum dietate, fideq;  
Ah pauidas Nymphas, subitoq; horrore rigentes  
Innuadant anidi, senorum more luporum,

Qui letas medijs proturbant lusibus agnas,  
 Oblitasq; sui passim rapiuntq; trahuntq; .  
 Dum uiridi in campo cursant, aut ualle sub alta,  
 Et custos ignarus abest, & amica carum uis.  
 Sic illi. at misera discisso pectore Nymphæ  
 Frondiferam mœstis siluam clamoribus implent:  
 Atque huc, atq; illuc fugiunt. non saxa, neq; alius  
 Tuta putant loca senta rubus. hinc ardua montis  
 Prærupti iuga, diffusos hinc stagna per agros  
 Adtonita circumspiciunt. uia nulla salutis:  
 Et iam spes præcepta fugæ: tum denique ad undas  
 Consistunt trepidæ, flansq; à uertice crines  
 Cum lacrymis, gemituq; & flebilibus lamentis  
 Abscindunt, Sarnumq; uocant, liquidasq; sorores:  
 Dūq; uocāt, fundo properat chorus omnis ab imo  
 Naiadum: properat uitreæ rex cæruleus undæ  
 Sarnus, inexhaustumq; uadis ciet agmen aquarum  
 Rauca sonans. sed quid Sarnus ue, aut illa natant  
 Agmina Naiadum possint, ubi ferrea contra  
 Stant fata, & duro leges adamante rigescunt?  
 Ergo defectæ curæ, auxilioq; deorum,  
 Ac cælum pariter Nymphæ, lucemq; perosæ,  
 Vnum illud, rebus tandem quod restat in arctis,  
 Finem optant. iāmq; influuium se mergere ad ora,  
 Membra reclinabant, & aquis prono ore petebāt:  
 Cum subito obriguere pedes: lateq; per imos  
 Exspatiata ungues radix, fugientia tardat,  
 Adfigitq; solo uestigia: tum uagus ipsis  
 Spiritus emoritur uenis: indignaq; pallor  
 Occupat ora: regit trepidantia pectora cortex.

Nec moras pro digitis ramos exire uideres,  
 Auratasq; comas glauca canescere fronde:  
 Et iam uitalis nusquam calor: ipsaq; cedunt  
 Viscera paulatim uenienti frigida ligno.  
 Sed quamuis totos durata corporis artus,  
 Caudicibusq; latus, uirgultisq; undique septe,  
 Ac penitus Salices: sensus tamen unicus illis,  
 Siluicolas uirare deos; & margine ripæ  
 Hærentes, medio procumbere fluminis alueo.

FRAGMENTVM EIVSDEM  
 AUCTORIS.

OPTATOS iã Euplea mihi circûspice portus  
 Quo liceat trepidas piscanti includere prædas,  
 Et Zephyris releuare graues spirantibus æstus;  
 Si qua mouet cupidam uelocis gratia cymbæ.  
 Tuq; ades ò nostri merces non parua laboris,  
 Quæ Phæbus mihi, quum doctæ, mea iurba, puella  
 Conciliant, dumq; ipse ratem de litore pello,  
 Da uela insinuans, pelagoq; excurre patienti  
 Pars animæ Puderice meæ. te nam sua Nereus  
 Per uada, te medio Doris uocat amula fluctu,  
 Dum late horrifonũ cæpus strepit omnis aquarum:  
 Lucrina ad Veneris templum conuenerat omnis  
 Aenaria, Prochytaq; manus: Zephyraus opaca  
 Scilicet Aenaria, Prochyta uenit Euthycus alta  
 Insignes ambo calamis, & uersibus ambo,  
 Adptus uterq; fretis, piscatibus aptus uterque;  
 Ille hamos uersare, hic retia soluere in æquor,

**Tum** prior hæc Zephyræus. Adeste ô litore ab omni  
Piscatorum artes; liquidas exquirite sedes;  
Vertite tritonum latebras; penetrare recessus  
Nereidum: nunquam nostros sedabit ignes:  
Nunquam me Pholoe, nūquā me Chloris amabit.  
Ede tuos tandem tecum caua buccina cantus.

**Testis** Cymothoe, testis mihi candida Chloë,  
Optavi quoties medijs in fluctibus ægram  
Proijcere hanc animā; quoties ego gurgite in alto  
Occurri monstris immanibus, horrida Cete  
Vt saltem mi seros lacerarent dentibus artus.  
Ede tuos tandem tecum caua buccina cantus.

**Omnia** tentavi, terras, mare, nubila, cælum,  
Ventorumq; domos, & tempora quattuor anni;  
Omnia sed nocuere simul. uos ite puellæ,  
Ite Deæ pelagi, furijs arcesbite nostris  
Nunc alios succos, aliasq; Melampodis herbas.  
Ede tuos tandem tecum caua buccina cantus.

**Non** magicos uersus, ignotaq; nomina rerum,  
Dissimilesq; Deos, Erebumq; Chaosq; refugi.  
Ipsos quinetiam filo conuoluere rhombos  
Edidici, partesq; meas de littore Echinos,  
De scopulis muscum, de fluctibus hausimus undā.  
Ede tuos tandem tecum caua buccina cantus.

## ACTII SYNCERI

SANNAZARII NEAPOLITA-

NI, VIRI PATRICII

ELEGIARVM LIB. I.

AD LVCIVM CRASSVM.

E fœcunda tenent saxosi rura Pe-  
trini,

T Rura olim proavis facta superba  
meis.

Et Simussanas spectas, mea gaudia,  
Nymphas,

Quiq; nouo semper sulfure fumat ager.

Et modo miraris ueteres in litore portus;

Nunc, Liris gelida quæ fluit amnis aqua.

Cunctaq; felici figis uestigia cura,

Obseruas latæ dum monumenta uia.

At mihi paganae dictant siluestria Musæ

Carmena, quæ tenui gutture cantat Amor.

Fidaq; secretis respondet silua querelis:

Et percussa meis uocibus antra sonant.

Nec tantum populos, nec tantum horrescimus urbes,

Quantum non iustæ sæuitiam dominæ.

Hoc uita genus, hoc studium mihi fata ministrant:

Hinc opto cineres nomen habere meos.

Me probet umbrosis pastorum turba sub antris,

Dum rogat agrestem lacte repente Palem.

Me rudis indocta moduletur arundine Thyrsus;

# ELEGIARVM

Et tam constanti laudet amasse fide .  
 Inde super tumulumq; meum , manesq; sepultos  
 Tityrus ex hедера ferta uirente ferat .  
 Hic mihi saltabit Corydon , & pulcher Alexis :  
 Damœtas flores sparget utraq; manu :  
 Fluminibusq; sacris umbras inducet Iolas ,  
 Dum cogit saturas Alpheſibœus oues .  
 Non mihi Mœonidem Luci , non cura Maronem  
 Vincere : ſi ſiam notus amore ; ſat eſt .  
 Quid feret Aeacides nobis , quid cautus Vlyſſes ?  
 Quid pius Aeneas , Aſcanius ue puer ?  
 Iſta canant alij ; quorum ſtipata triumphis  
 Muſa uagum e' tumulis nomen in aſtra ferat .  
 At mihi tete auidis liceat uincire lacertis ;  
 Oſculaq; optata ſumere longa mora .  
 Et liceat poſita mirari membra lucerna ;  
 Noctis & inſolitas neſcere blanditias :  
 Atque manus , atque ora tuis componere in ulnis :  
 Teq; meo laſſam ſæpe fouere ſinu .  
 Sed quid ego , hei miſero , uentofus inania ſingo  
 Somnia ; quæ forſan non feret ulla dies ?  
 Felix , qui potuit duram exorare puellam ;  
 Et capere optati gaudia coniugij .  
 Ille dies , noctesq; ſuos decantat amores ;  
 Et recolit Veneris dulcia furta ſua .  
 Ille etiam liquido perſuſus odore capillos ,  
 Exercet tenerum nocte iuuantem latus :  
 Inq; ſinu Domina primos reminſcitur ignes ;  
 Quos leuiter pennis aureus afflat Amor :  
 Nec cupit , Aethiopum quæ canent uellera ſiluis

Nec,



Nec, quæ Sidonio lana cruore rubet.  
Solutus habet, fuscis quicquid portatur ab Indis:  
Solutus habet ripas aurifer Herme tuas;  
Et quascunque metit segetes fragrantibus aruis  
Medus, & assiduo sole perustus Arabs.  
Nō auro, aut gemmis miseri torquemur amantes.  
Qui dominam poterit flectere, diues erit.  
Diues ero ante alios, si te mea uita uolentem  
Sustineam ignota pauper, & exul humo.  
Nam quid rubra iuuant fulgentibus æquora conchis?  
Aut quæ multa niger rura Sabæus arat?  
Quid ue torus prodest, pluma spectandus, & ostro;  
Si non est gremio cara puella meo?  
Si trahere infelix inter suspiria noctem  
Cogor; &, æternos esse, negare, deos?  
Num me neglectis deuouit saga sepulchris?  
Num rumpunt somnos carmen, & herba meos?  
Carmen inaccessa traducit ab ilice glandes.  
Carmen nocturnæ suppressit ora canis.  
Carmen & infirmi pallentem sanguine Solem  
Inficit; & Lunæ sistit euntis equos.  
Quid queror infelix? utinam mihi sola nocerent  
Carmina, nec nostro pectore inesset Amor.  
Ille uel Aëæ superat cantamina Circes;  
Ille uel Aemonijs nata uenena iugis.  
Parce puer: non uana queror: tu unguere nostro  
Crescis; & exultas sæue cruore meo.  
Quod si te nostræ ceperunt tedia uitæ:  
Ne cesset, quæso, funeris atra dies.

AD IOANNEM PARDVM  
HISPANVM.

**P**ARDE decus patriæ. spes maxima Parde tuorum,  
 Atque idem Hispani gloria rara soli:  
**Q**uem iuuat immensi causas exquirere mundi,  
 Primâq; constanti corpora iuncta fide:  
**A**n magnum æterno uoluatur numine cælum:  
 An propria hoc igens mole labores opus:  
**C**ur falsi fluctus: cur ignibus æstuet Aetna:  
 Cur uomat epotas uasta Charybdis aquas:  
**V**nde nitior stellis: cur nox maior ue, menor ue:  
 Cur non ipsa suo lumine Luna micet.  
**F**elix, cælestes cui fas nunc scandere sedes:  
 In quas post obitum fata uenire sinant.  
**A**t nos per siluas, & sordida rura capellas  
 Versamus: quando Phyllis amare iubet.  
**E**t teneris nostros ulmis incidimus ignes;  
 Quos legat errantum cœtus Hamadryadum.  
**E**t nunc capreolos, & nunc uenamur onagros:  
 Interdum sæuas fallimus arte feras.  
**S**æpe iuuat, pietas uisco captare uolucres:  
 Nec Sætyris ipso cedimus aucupio.  
**Q**uod mihi si liceat tenui reuocare cicuta  
 Trinacrij niueas v pilionis oues:  
**R**ura colam semper: populi ualeatis, & urbes!  
 Rura dabunt oculis grata theatra meis.  
**I**llic gramineas, pastorum bella, palæstras  
 Adspiciam, & celeri præmia parua pede.

Nec me pœniteat sudibus certare colurnis;  
 Aut armare cauis pectora corricibus.  
 Pugnabunt tauri, pugnabunt cornibus hirci:  
 Victores molli cespite ferta ferent.  
 Plenâq; pellitus lustrabit ouilia pastor:  
 Ponet & agricolis rustica liba Deis.  
 Stabunt capripedes abiegno robore Fauni:  
 Stabit & indocta falce dolata Pales.  
 Quorum solennes ictus cadet agnus ad aras;  
 Ictus, ut innumeras expiet agnus oues.  
 Tum milium, & niueo statuet flumantia lacte  
 Pocula; uotiuas concipietq; preces:  
 Et ter transiliet flammantes pous aristas,  
 Ter quoque non tardo rustica turba pede.  
 Dii facite, inter oues, interq; armenta canendo  
 Deficiam; & siluis me premat atra dies:  
 Ut me non docta deploret pastor auena:  
 Utq; sub umbrosa contumuler platano:  
 Ossaq; pascentes uenerentur nostra capellæ:  
 Nec procul à tumulo candida balet ouis.  
 Exultent alij panchæo munere manes;  
 Et quærant parijs marmora cæsa iugis.  
 Misat erit, ueteres recolat si Phyllis amores;  
 Conserat & uernas ante sepulchra rosas.

## AD AMICAM.

NVLLA meos poterit mulier præuerrere sensus;  
 Ipsa licet cælum linquat, & astra Venus.  
 Tu puero teneris ignis mihi primus ab annis:

Vlaima tu tremulo flamma futura . seni  
 Iam sanxere semel nos inter fœdera diui,  
 Fœdera ad extremos non soluenda rogos :  
 Ut , si nostra tuo superesset funere uita ;  
 ( dii tamen in uentos omen abire sinant )  
 Ipse ego composito uenerarer opera sepulchro  
 Ossa , ferens mœsta thura , merumq; manu.  
 Umbrarumq; sacer custos , tumuliq; sacerdos  
 Concinerem querula tristia uerba lyra .  
 Nec me complexa quisquam diuelleret urna ;  
 Quin cineri moriens oscula summa darem .  
 At si ( quod potius cupio ) tibi fata dedissent ,  
 Lumina formosa condere nostra manu :  
 Tunc , mihi cum caros uultus spectare liceret :  
 Atque anima tecum iam fugiente loqui :  
 Ipsa meos tumulo manes laniata uocares ;  
 Inq; tuo legeres ossa minuta sinu :  
 Elebilis & longos scindens ad busta capillos ,  
 Clamares nomen iam moritura meum .  
 Tum cineri , & mutæ persoluens iusta fauilla ,  
 Mista dares rutilis lilia cana rosas .  
 Illic mœsta dies , illic consumere noctes :  
 Optares ; nec te uinceret alter Amor :  
 Sed memor usque uiri , canis ueneranda capillis ,  
 Adferres tremula munera cara manu .  
 O' mihi , dum tales tumulo reddantur honores ;  
 Tam lentam Lachesis scindat auara colum .  
 Non , ut nostra nouos Arabum bibat urna liquores ;  
 Vstus & Assyrio spiret odore cinis :  
 Aut ut clara mei notescat fama sepulchri ;

Altaq; marmoreus sidera tangat apex :  
Sed magis ut liceat longas audire querelas ;  
Et gerere è lacrymis serena rigata tuis .  
Tunc ego letheæ spariatus in aggere ripæ ;  
Quà nitet obtuso lumine falsa dies ;  
Quaq; levis Casiæ nemus , Ambrosiæq; uirentis ,  
Et fortunatos alluit unda greges :  
Dulcia præteritæ repetens insomnia uitæ ,  
Ostendam Elysij tot mea dona choris .  
Felicesq; animas inter felicior ipse  
Excipiam plausus læta per arua nouos .  
Atque aliquis comitum , lætusq; hilarisq; recentes  
Sparget humi flores ; & mihi serena feret .  
Nec contentus eo , fidos extollet amores ;  
Narrabitq; alijs de pietate tua .  
Sed quoniam teneræ uernant nunc læta iuuentæ  
Tempora & amplexus iungere fata sinunt :  
Dulcia lasciuo iungamus gaudia lecto :  
Iam properat mortis panda senecta comes .  
Iam properant rugæq; graues , & serior ætas :  
Nec dabitur molli ludere posse ioto .  
Interea cupidis nectamus colla lacertis :  
Vltima iam soluet , cum uolet , hora duos .  
Dij facite , hac longos maneat spes certa per annos .  
Candidus & penis omnia firmet Amor .

A D L V C I N A M , P A R T V R I E N T E  
 C O R N E L I A P I C C O L O M I N E A ,  
 A N T O N I I G A R L O N I I  
 A L L I F A R V M D O  
 M I N I C O N -  
 I V G E .

A F F E R opem teneræ tandem Lucina puella :  
 Auxilio , digna est , quam tueare tuo .  
 Te uocat ; & madidus solam suspirat ocellis ;  
 Et roseo tacitas fundit ab ore preces .  
 Illa quidem insuetos languet male firma dolore ,  
 Vixq; potest longa tot mala ferre moræ .  
 At tu Diua ueni , tecumq; unguenta repostæ  
 Pixidis , & si qua est , quæ iuuat , herba , feras .  
 Sic flentis miseros iuuenis compescere questus ,  
 Sic una poteris sorte leuare duos .  
 Lucis adest Dea magna : metum iâ comprime Garloni .  
 Non frustra est lacrymis illa uocata tuis .  
 Da costum , myrrhamq; , focis , quæq; orbe remoto  
 Cynnama per rubras nauita uetat aquas .  
 Ipse Deam uenerare , sacras proiectus ad aras ;  
 Et genio annosum sæpe refunde merum .  
 Sed trepidi cessere metus , cessere querelæ .  
 Iam parit aduentu tacta puella Dea :  
 Iam puerum est enixa : uides , ut lumine matrem  
 Exprimat ? en tenero quantus in ore decor .  
 Salue parue puer , cui iam felicia ridet  
 Sæcula ; cui pharetram sponte remittit Amor .  
 Nam siue auratis humeros armare sagittis ,

Seu iuuet accensas sollicitare faces;  
 Seu potius iactare leues pueriliter alas,  
 Et dare neglectas post tua terga comas:  
 Quis te non paphijs nutritum uallibus, aut quis  
 Idaliæ puerum non putet esse Deæ?  
 Vine precor, blandumq; oculis ridere parenti  
 Assuesce; & dulces disce mouere iocos.

## AD IULIUM SENENSEM, EXVLEM.

CUM mihi languētes dolor oppugnaret ocellos;  
 Cogerer & tristi soluere uerba sono:  
 Ingratos inter gemitus, mœstasq; querelas  
 Allata est manibus litera missa tuis.  
 Inspeci, agnouiq; tuas, mea numena, Musas,  
 Pieriosq; haustus, castaliumq; decus.  
 Poscis, ut iratum placent mea carmina Phœbum;  
 Et flebant duras ad tua uota Deas.  
 Non hoc ingenium, non hæc facundia nostra est:  
 I, precor, atque alio flumine pelle suum.  
 Ille mihi faciles iam pridem denegat aures;  
 Et uetat argutæ tangere fila lyre.  
 Nec mihi iam solito laices de fonte ministrat,  
 Nec docet operatos Calliopea choros.  
 Quid petis extinctam dilapso à torre fauillam?  
 Quid miser à nostro uulnere quæris opem?  
 Iam tibi felici decurrunt carmina uena;  
 Et rapit ad patrium te tua Musa decus.  
 Ipsa mihi uiso est, te lamentante, Thalia  
 Ingemere, & tristi Delius ore queri:  
 Qualis strimonia olim cum fletu ad undas

Orpheus indignis uocibus Eurydicen:  
 Qui cantu Ismarij gelidis in rupibus Aemi  
 Ad tonuit quercus, adtonuisq; feras:  
 Saxaq; bistonij deduxit montibus; & te  
 Currentem astrictis Hebre repressit aquis.  
 Scilicet egregios semper Fortuna poetas  
 Tanget; & ancipiti deprimet usque rota?  
 Ne ue sit extremos tantum sub morus ad axes  
 Ille, Tomitana qui iacet exul humo:  
 Te quoque nunc rigidi premit inclementia fati;  
 Longius & patria cogit abesse domo.  
 Sed nisi per magnos quæraturn fama labores;  
 Omnis in ardentis est abitura rogos.  
 Sic pius Aeneas, sic stirpis Laertus Vlysses  
 Maius post cineres emeruere decus.  
 Sic quoque sublati Tirynthius undique monstribus  
 Visit ab oetæa regna paterna pyra.  
 Et te (credere mihi) tot sæua incommoda passum  
 Virtus sublimi ducet in astra uia.

IN FVNERE SARRI BRANCATII  
 LVCRETIA VXOR.

ERGO importuna ruperunt stamina Parca,  
 Stamina lanifica tam bene ducta colo?  
 Ergo ego, quæ fueram tali modo nupta marito,  
 Frigida nunc tristi conqueror in thalamo?  
 Quiq; his dignus erat uitam exhalasse labellis,  
 Occidit externis aduena litoribus?  
 Felices nimium, fortunataq; sorores,  
 Quæ datis æternis thura sabæa focis.



O' utinam nunquā amplexus, nunquā oscula nossem:

Essem pars uestri nempe ego parua chori.

Chare uir, audaci nimium confise iuuentæ,

Et nimium lacrymis umbra gemenda meis:

Quis te tam densos immittere corpus in hostes

Iussit? an ad pugnam non satis unus erat?

Me miseram, non ulla tuæ te cura puellæ,

Non subiit mœstæ certa ruina domus.

Tu mihi per sanctos solitus iurare hymenæos,

Per non lœdendi fœdera coniugij,

Te non immemorem charæ fore coniugis unquam;

Et si letheus tingeret ora liquor.

Quin ipsa admonui; ne sic uiolentus in arma

Irrueres: heu! quò uiolente ruis?

Quò raperis? quò iam nostri tibi cura recessit?

An potes uxoris non meminisse tuæ?

Vix equidem credo; quamuis heu credere cogar;

Tam cito pectoribus me cecidisse tuis.

Sed cecidi; sic fors tulit impia; nullaq; pro me

Vota salutares demeruere Deos.

Hectora sic coniux, sic coniux fleuit Achillem;

Sic misera extinctum Laodomia uirum.

Nunc mea uirginitas, quando inlibata remansit;

Seruetur cineri non uiolanda tuo.

AD DIVVM IACOBVM PICENVM.

SANCTE senex, quem nec sceleris contagia nostri,

Nec pessum uitij sæcla dedere suis;

Aequasti magnos qui paupertate triumphos;

Tantus amor niuæ simplicitatis erat,

Silua tibi fides, uiridiq; è cespite lectus,  
 Explebant mensas amnis, & herba tuas.  
 Talis erat priscis uictus mortalibus olim.  
 Sed priscis tantum uiuere cura fuit.

At te diuersos naturæ expendere casus  
 Iuuat; & instantes diuum aperire metus:  
 Submotumq; oculis animo percurrere cælum:  
 Quasq; tenes sedes, mente aduisse prius:  
 Noscere præterea cunctarum exordia rerum:  
 Quod uix humanæ conditionis erat.

Magnum opus, ut prima surgentis origine mundi,  
 Omnia sint senis edita luciferis:

Uiq; pater sancta demum cessare quiete  
 Perfecto artifices iusserit orbe manus.

His addis cultusq; pios, ritusq; uerendos,  
 Cunctaq; legisfero tradita sacra duci:

Quasq; suis castæ sacris cecinere Sybillæ:  
 Quasq; sacer uatum spiritus ore refert:

Sidereos partus, demissaq; pignora cælo,  
 Atque inopes cunas stramineumq; torum:

Speratumq; diu terris, cæloq; probatum  
 Verum hominum, uerum mente, animoq; Deum.

Hinc & supplicium infandū, atq; obprobria mortis,  
 Claraq; de stygia ducta trophæa domo:

Denique ut ad patrem populo spectante suorum  
 Cesserit; igniferis præsideatq; locis:

Quantaq; nos maneant promissæ gaudia uitæ:  
 Quantaq; uenturæ gloria lucus erit.

Miremur, tibi si placidi penetrabile Tonantis,  
 Et patet immensi regia clara poli:

Cum tantum his superas meritis sit scandere in arces ,  
Quà plaga securum lactea monstrat iter .  
Scilicet inde datur terras spectare iacentes ,  
Et circumfusi brachia curua maris ;  
Solis & ardentis radios , lunæq; recursus :  
Qualiter & pacta stent elementa fide :  
Nec minus æternis niteant ut sidera flammis :  
Et peragant varias noxq; , diesq; uices .  
Felix , qui nostras potuisti relinquere curas ;  
Et procul humanas despicere illecebras .  
Felices , qui te colles uidere loquentem ;  
Quæq; tibi gratos præbuit herba toros :  
Quæq; arbor , rupes ue sacra te fouit in umbra :  
Et quæ nunc manes continet urna tuos .  
Nam licet incultis fuerit tibi uita sub antris ;  
Nunc pedibus data sunt astra terenda tuis .  
Attamen ò dic sancte pater , dic addita cælo  
Gloria , dic patriæ fama , decusq; tuæ :  
Ecquid te solitis mulcet sapientia charus ,  
Mollis ubi elysium concitat aura nemus ?  
An iuuat aurata meditantem carmina canna ,  
Nectere purpurea tempora cana rosa ?  
An magne uirginis sedet inuigilare choreis :  
Cum deceat cælo , quicquid in orbe libet ?  
An potius toto superum spectante senatu ,  
Diluis æthereo crimina nostra foro ?  
Denique quicquid agis , nitidi nouus incola cæli ,  
Pectoribus nostris non leue numen eris .

AD PETRVM DE ROCCA FORTI  
MAXIMVM REGIS GALLIA-  
RVM CANCELLARIVM.

QVO'D pectus tibi forte, quòd ardua pectoris arx est;

Quòd forzi dignum pectore nomē habes:

Quòd leges sua iura tenent te uindice; quodq;

Omnia uirtuti peruia facta tuæ:

Autumni sedem, chelasq; Astræa reliqui;

Adueniq; tuos noster alumne lares.

In cunis ego te, si nescis, sedula fovi.

Reptasti gremio sarcina grata meo.

Ipsa tuos finxi mores, animumq; manusq;:

Ingeniumq; sagax, iudiciūq; dedi.

Hinc nostri cultusq; frequens, optandāq; rerum

Cognito; hinc fidei nomina tanta tuæ.

Ad te igitur duplices subnixo poplite palmas

Insuetis tendo sollicitata malis:

Ne patiare, meas Latio languescere uires.

Pendet ab auxilio spes mea tota tuo.

Deprimor audaces inter derisa ministros:

Nec fas ingenium tollere ad astra caput.

Quodq; diu partum est uirtute, & fortibus armis

Imperium, fœda seruit avaritiæ.

Nec mirum, uestro tantum cum distet ab orbe,

Terraq; censura sit procul illa tua.

Quis credat? tectis ciues pelluntur auitis;

Adrogat iniustas dum sibi fiscus opes;

Fiscus opes miserorum, hoc est, heu, parcere uictis?

Hoc est ausonio reddere iura solo?

Cogitur infelix alienas ire per oras

Nobilitas, patrijs expoliata bonis:

Culpaturq; fides domino seruata priori,

Et maris, & terræ non labefacta minis.

Scilicet est crimen duram contemnere mortem:

Scilicet est Reges crimine amare suos.

O bene fortunæ memores, quicunque superbas

Hentibus à uictis abstinere manus.

Nam quânuis sæuos illectet præda tyrannos:

Magnanimos Reges gloria sola iuuat.

Delentur nullos hominum benefacta per annos;

Quâq; licet faciunt nos ratione Deos.

At si quis seræ spernit præconia famæ;

Quercubus alpis adnumerare potes:

Ergo tu Regem cui fas lenire potentem;

Da desiderijs uela secunda meis.

Effice, iustitiæ soliti reddantur honores.

Dignus es, altericem qui tueare tuam:

Sed soror ut nostros æquet clementia fasces:

Qua sine, dura nimis, difficilisq; uocer.

O decus, o lapsi spes constantißima sæcli;

O uir fortuna fortior ipse tua.

Sic tibi contingat, Solyma de gente triumphum,

Captâq; per nostros signa uidere duces.

Sic Rhodanum Nilo spectes dare iura subactio:

Perq; Araris ripas plurima laurus eat.

Hoc ego te, mecum hoc Phæbus, doctæq; Sorores,

Hoc pietas, hoc ius, nobilitasq; rogant.

E L E G I A R V M  
DE STUDIIS SVIS, ET LIBRIS  
IOVIANI PONTANI.

QVI primus patrios potuit liquisse penates,  
Et maris, & longæ tædia ferre viæ;  
Quem non mœsta domus, quæ non reuocare parentes,  
Non potuit fufis blanda puella comis:  
Impius, & scopulis, & duro robore natus,  
Atque inter Tygres editus ille fuit.  
Non mihi circumstat solidum præcordia ferrum:  
Nec riget in nostro pectore dura silex:  
Vt possim dulcesq; lares, limenq; puellæ  
Linquere, & ignoto quærere in orbe domum.  
Sed Phœbi sacros cogor lustrare recessus,  
Vocalemq; undam, Thespiadumq; choros:  
Vt fugiam nigras, supremo in funere flammæ;  
Et uolitem populi docta per ora mei:  
Meq; inter claros attollat fama poetas;  
Nec rapiat nomen nigra fauilla meum:  
Et nostra celebrata superbiat umbra sepulchro;  
Spernat & è pharijs marmora cæsa iugis:  
Non tamen ut magni tumulum tentare Maronis  
Audeat; aut tantum speret habere decus.  
Sed quis tam niveis uellat mea Colla lacertis?  
Quis uetet optato membra fouere sinu?  
An tanti fuerit sacro Parnasus hiatu,  
Perq; suas passim templa habitata deas:  
Vt tibi sit nitidos lacrymis corrumpere ocellos.  
Discessumq; fleas cara puella meum.  
Ah pereat, quicumque leues sectatur honores;

Et sequitur famæ nomina uana suæ .

Tecum ego nocturnis dubitem cessare choreis ?

Tecum ego conspersa gaudia inire rosa ?

Deductumq; leui crimen perfundere amomo ?

Et noctem insolitis ducere blanditijs ?

Scilicet & Turcas Pontanus in æquora classes ,

Alfonsi & fortes ducat in arma manus ,

Qui nunc nascentis canit incunabula mundi ,

Aureaq; ætherea sidera fixa domo :

Vtq; imbres , lapidesq; pluant , ut nubibus ignes

Exiliant ; salsas ut mare uoluat aquas :

Hesperidumq; hortos , excussa q; poma draconi ,

Rusticaq; ad primos munera missa toros ;

Delicias Lepidina tuas , resonansq; uicissim

Pastorum argutis carmen arundinibus :

Qualiter & fuluis radiet Sertorius armis ;

Et pompeianus prælia tentet eques :

Audeat arguto neu quis contendere uersu ,

Ille uel æterno digna Marone sonat .

Te pater irriguis audit Sebethus in antris ,

Iurgia ad ingratas dum iacis ipse fores .

Inde uocas sacrum festas hymenion ad aras ,

Optati referens fœdera coniugij :

Vtq; tuis primum surgens complexibus uxor ,

Visa si erepta uirginitate queri .

Felix , qui fidos expertus coniugis ignes ,

Vidisti sobolis pignora certa tuæ :

Neniolasq; rudes cecinisti , & blanda parentis

Oscula , & ad cunas murmura nata suas .

Felix , excultum torsu quæ Fannia uatem ;

# E L E G I A R V M

Quæq; illi regnum Cinnama subripuit.  
 Quamuis dissidi leges patiantur amaras,  
 Spectabunt cineres nomen habere suos.  
 Eridani post hæc sed te quis credat ad amnem  
 Populeæ canas fronde ligasse comas?  
 Et stellam cecinisse, atque impendisse querelas:  
 Spectandos cum iam uix daret illa pedes:  
 Baianosq; sinus, myrtetaq; cognita nymphis,  
 Clausa q; sulphureis antra recurua iugis:  
 Tum superum laudem, mutisq; incisa sepulchris  
 Nomina, collapsos & reparare rogos:  
 Deniq; Pindaricosq; modos, resonantia pleetra,  
 Et Methymnææ fila nouasse lyra:  
 Cum tamen interea motus, atque agmina Regum,  
 Bellaq; campanæ discutiis historie.  
 Quin & iucundo dstringis secula morsu;  
 Dum uaser in stygio disputat amne Charon.  
 Taronisq; tui Nigidiq; exempla secutus,  
 Grammaticæ haud spreto incipis ire uias.  
 Carminis hinc numeros nostris depromis ab ausis,  
 Dignatus pueri uerba referre senex.  
 Quid loquar; ut sacros Mariani exhauriat amnes  
 Aegidius, uerum dum canit ore deum?  
 Aut apta ingratos taxet sub imagine mores  
 Qui super infusas spernit Asellus aquas?  
 Te iuuenesq; senesq; colunt præcepta ferentem,  
 Parthenope spreto quæ Cicerone legit:  
 Ex adytis quicquid diuum sapientia pandit:  
 Et stagna tui dogmata firma senis:  
 Quid deceat fortemq; uirum; quæ Principis artes;  
 Largificas



*Largificas præstet quæ dare dona manus :*

*Parendi leges quæ sint , legesq; loquendi :*

*Edat ut argutos lingua diserta sales :*

*Quid fortuna homini , quid det prudentia ; quantum*

*Immanes animos incitius ardor agat ;*

*Magnanimiq; uiri quæ sint ad singula partes ,*

*Sive colat pacem , seu fera bella gerat .*

*Nec fugis astrorum causas aperire latentes ,*

*Et Ptolemæi fata reposita poli .*

*Salve sancte senex , uatum quem rite parentem*

*Præfecit terris Delius Ausonijs .*

*Non te lætheæ carpent obliuia ripæ ;*

*Nec totum in cineres uertet auara dies .*

*Nec tibi plebeio ponetur in aggere bustum .*

*Niliacas dabitur uincere Pyramidas .*

*Quid tibi uictrices expectas Vmbria palmas ?*

*Mœnibus has patriæ rettulit ille meæ .*

*Ille suis longum studijs , & laude fruatur :*

*Me iuuat in Dominæ consensuisse sinu .*

AD IOANNEM SANGRIUM  
PATRICIUM NEAPOLI-  
TANVM, DE SVO  
IMMATVRO  
OBITU.

*SI me seuus Amor patrijs pateretur in oris*

*Viuerè , uel saltem matre uidente mori ;*

*Ut , quæ uix uno nunc sunt ingesta libello ,*

*Essent illa suis continuata locis :*

Forsitan immites potuissem temnere Parcas,  
 Ducta<sup>q</sup>; de pulla tristia pensa cholo:  
 Nec me plebeio ferret Libitina sepulcho;  
 Aut raperet nomen nigra fauilla meum.  
 Nunc cogor dulces<sup>q</sup>; lacus, & amœna uireta,  
 Pieridum<sup>q</sup>; sacros destituisse choros:  
 Nec pote, quæ primis effudit Musa sub annis.  
 Emendaturo subdere iudicio.  
 Sic heu, sic teneræ sulcis refecantur aristæ:  
 Implumes nido sic rapiuntur aues.  
 Prò superi tenues ibit Syncerus in auras?  
 Nec poterit nigri uincere fata rogi?  
 At tu, quandoquidem Nemesis iubet, optime Sangri;  
 Nec fas est homini uincere posse Deam:  
 Accipe concussæ tabulas, atque arma carinæ;  
 Naufragij<sup>q</sup>; mei collige reliquias:  
 Errantes<sup>q</sup>; cie quocunq; in littore manes;  
 Talia<sup>q</sup>; in tumultu carmina cæde meo.  
 Actius hic iaceo: spes mecum extincta, quiescat:  
 Solus de nostro funere testat Amor.

## IN MALEDICOS DETRACTORES

QUID ruis in sacros temeraria turba poetas?  
 Sæuâ<sup>q</sup>; mordaci prælia dente moues?  
 Desine sacri lega conuicia fundere lingua;  
 Desine; pro populo stat Deus ipse suo.  
 Quis nouus in furias armat dolor? ite profani.  
 Ite, nec immeritas conscelerare Deas,  
 An monet hoc stygijs immersus scruata lacunis;  
 Dum flens Eumenidum uerbera tortæ timet?

**I**llum olim tinctæ iuuerunt felle sagittæ:

Nunc miserum facti pœnitet usque sui.

**P**arcite tam cari manes uiolare parentis,

Per stupra, & talos, per cyathosq; rogo.

**A**rs sua quenq; iuuet: non uos Heliconâ subire,

Non fas uirginei polluere amnis aquam.

**S**cilicet hanc sumpto Iouiani Musa choturno

Hauriat; & magno digna Narone sonet.

**C**ui comes intactâ lustrans sacraria siluæ

Altilius, docto pectore carmen hiet.

**N**ec minus & Musæ repetens monimenta iocose

Compater, argutos ingerat ore sales.

**E**lysiusq; hedera comptus florente capillos,

Rara, sed Aonijs concinat apta chorus.

**E**xtendatq; armis titulos Aquinius auitos;

Et doceat nostras cernere castra Deas.

**I**pse suâ referat Cabanilius ardua Troiæ

Mœnia, & antiquos, Appula regna, rares.

**Q**uiq; uelut tenera surgit nouum arbore ramus

Coruimus quauis aure probanda canat.

**E**t qui Pierijs resonat non ultimus antris

Albinus, referat Principis acta sui.

**T**u quoque quid cessas doctis deflere querelis

Excidium patriæ culte Marulle tuæ?

**Q**uiq; tot egregias animas, tot clara uirorum

Ingenia enixu format, aliiq; suo;

**N**ectat honorata Maius sua dicta corona;

Tamq; pias ferulas, regia sceptrâ uocet.

**Q**uin & rite suos genio Chariteus honores

Præbeat, & festas concinat ante dapes.

# E L E G I A R V M

Aelius at blandæ fretus dulcedine linguae,  
 Facunda totos conterat arte dies.  
 Nec te iam pudeat uenturo ostendere sæclo  
 Eloquiū uires Scala diserte tui.  
 Certent socraticis Zenonis scripta libellis;  
 Cuius apīs uernos inuulit ore fauos.  
 At tu castalijs non inficiande chores,  
 Castalidos Carbo nunc cane regna tuæ  
 Te quoq; quem gemina mulcet sapientia lingua,  
 Parde iuuet studijs inuigilare tuis.  
 Atque alij, quorum doctas it fama per aures,  
 Extremo properent uincere fata die.  
 Nos quoque, si magnus non auersatur Apollo,  
 Canemus Nymphas, capripedesq; Deos.  
 Nam bene thespiacas, linor licet audiat, undas  
 Nouimus; & dextro pressimus antra pede.  
 At uos incautis socijs aconita parate;  
 Et furtis miseras extimulate domos:  
 Oedipodisq; modo, thalamos foedate paternos;  
 Si modo dat certum uulgus habere patrem;  
 Nocturnisq; dolis agitate, & cadibus urbem;  
 Perq; fora infestam reddite, perq; uias.  
 Hæc studia, has artes primis didicistis ab annis,  
 Non Aganippæ tangere fila lyrae.  
 Nam neq; Calliope uobis, nec dexter Apollo  
 Permissi sanctos exhibuere lacus:  
 Dira sed Aleto gemina comitata sorore  
 Pocula cœnoso de Phlegetonte tulit.  
 Nimirum hinc nigro mores, & camina tabo  
 Pallent; & fœdo linor in ore sedet.

Fallor, an hos nobis misit grauis Aetna cylopas:  
 Mitis & hanc sentis tu quoque terra luem?  
 Heu mea Parthenope quæ te contagia ledunt?  
 Talia tu numquam gignere monstra soles.  
 Dii patrij, quorum monitus huc aduena classis  
 Appulit, Euboicas constituitq; domos:  
 Litoribus talem nostris auertite pestem;  
 Mœnia felici si posuisti aue.  
 Vosq; umbræ insontes, quas iam lethale uenenum  
 Ante diem stygias ire coegit aquas:  
 Vltrices huc ferte faces; fumoq; sequaci  
 Auctores uestræ sollicitate necis.  
 Et uos ò uatum certissima numina, Musæ,  
 Numina carminibus non uiolanda meis,  
 Parcite, si uestras nunc primum læsimus aures:  
 Iusta laceSSita sumpsimus arma manu.

ACTII SYNCERII SANNAZARII  
 ELEGIARVM LIB. II. AD A L-  
 FONSV M FERDINANDI FIL.  
 ARAGONEVM SI-  
 CILIAE REGEM.

ALFONSE, Inuictæ laus accessura parenti,  
 Hesperios inter non leue nomen auos:  
 Quid me laudatos Parnasi mittis ad amnes?  
 Obruitur largo flumine nostra sitis.  
 Gloria Virgilio est, currus, atque arma referre:  
 Nasonis medio fata in amore mori.  
 Battiden docti sectatur Musa Properti:

# E L E G I A R V M

Flaccus pindaricos diuidit aure modos .  
 Passeris exequias fracto canit ore Catullus .  
 Tu Nemesim laudas culte Tibulle tuam .  
 Omnia non uno desudant esseda campo :  
 Noster in exiguo tramite currit equus .  
 Si me castalia docuisset Phœbus in umbra ;  
 Oraq; Gorgonei nostra rigasset aqua ;  
 Meq; uel Aeschyleo donasset Musa cothurno ;  
 Et foret in nostro grandior ore sonus :  
 Non ego Phasiacæ canerem certamina pubis ,  
 Aequora non prima sollicitata rate ;  
 Non coniuratos subuertere pergama Reges ,  
 Non Troiæ profugos post duo lustra deos ;  
 Thebanas ue acies , fratrumq; immittia bella ,  
 Sæuaq; discordi funera raptæ pyra :  
 Teq; , tuosq; meo celebrarem carmine : nec me  
 Pignore tam grato dulce grauaret onus .  
 Nam canerem uictosq; duces , ispanaq; regna ,  
 Horridaq; à proauis bella per acta tuis ;  
 Demissumq; genus antiqua ab origine Regum ;  
 Quantaq; magnanimi gesta feruntur aui ,  
 Dum Lybiæ tractus , ueteres Carthaginis arces ,  
 Lotophagum dices & populatur agros ;  
 Regine acitus mox Italia regna secutus ,  
 Calcidicasq; arces , Parthenopemq; subit .  
 Sed quoniam instabiles animos muliebria uersant  
 Pectora ; suspectos deserit ille lares ;  
 Ac patriæ petit arua suæ , nec longa moratus  
 Vltiores rursum ducit in arma Deos ;  
 Obsessamq; intrat nymphis comitantibus urbem

Qua per operta uagus labitur antra liquor.  
Aurea quin illo dicunt sub Rege fuisse  
Secula. felices, qui meruere frui.  
Quid patris inuictas acies, quid concita dicam  
Classica per campos Dauniae terra tuos:  
Dilectosq; duces, populataq; castra, neq; ullis  
Clara magis Regum praelia temporibus.  
O' mihi supremos si Parca indulserit annos;  
Quanta canam; quantus uox mea plausus erit.  
Tunc ego Mæonios ausim percurrere fontes.  
Sæuaq; terribili bella tonare tuba.  
Utque alios fileam; tua fortia facta referrem;  
Prouerherentq; animos tot monumenta meos:  
Ut puer extremas regni percurreris oras,  
Lustratus referens præmia littoribus:  
Et male pacatos sedaueris ante tumultus,  
Quam patrijs hostes finibus expuleris,  
Primus honos, forti defenso milite Locros  
Seruasse, & muros urbs Melibœa tuos,  
Nec non Marte pari summas Caulonis in arces  
Venisse, inq; sua templa sacrata iugo;  
Templa Deæ, uastis late quæ præsidet undis,  
Vna Iouis coniux fida, sororq; Iouis.  
Testis Chratis erit testes Sybaritides undæ,  
Oraq; , quæ fluctus prospicit Ionios.  
Adde, quod Hetruscos oppleueris agmine campos;  
Et tibi captiuus fluxerit Arnus aquis:  
Totq; pharetratas, Turcarum corpora, turmas  
Ausonijs dederis manibus inferias.  
Gratia dijs Italis; prærupta Ceraunia, & arces

H iij

Butroti nostras pertinere minas :  
 Captiuum ducem , fractosq; aspeximus arcus ,  
 Detulit huc domita quos tua classis aqua .  
 Hinc Ligurum furias , compressaq; iurgia ferro ,  
 Gallicaq; in partes opida uersa duas .  
 Ipse ego quæ uidi , referam : scit Thuscula tellus  
 Quæq; cadit summo lympha Aniena iugo .  
 Nam duce te , latios ferro dum subruis agros ;  
 Tempora militiæ prima fuere meæ .  
 Bis nomentanas , bis magni Tyburis arces  
 Vidimus ad nostros proijcere arma pedes :  
 Cum iam sit media trepidatum pene Subura ;  
 Et Capitolino uota parata Ioui .  
 Nec semel ( ut fatæar ) Collinæ ad limina portæ  
 Fregimus armatos reppulimusq; duces .  
 Parce tamen ueneranda parens , si iusta secut us  
 Signa sub Alfonso : Rex erat ille meus .  
 Lanuium infelix , fatis constraria nostris  
 Terra ; potes certas tu uariasse uices .  
 Nam quod ad hostiles flexit uictoria partes :  
 Fortunæ magis hoc , quàm fuit artis , opus .  
 Ille sed Eridani ripas non fractus in alias  
 Contendens . caræ regna sororis adit :  
 Metatusq; locum castris , insubria passim  
 Fudit , & Euganeis agmina missa iugis .  
 Dicite Io populi , turmas spectastis ouantes ;  
 Et per uictrices fœdera iuncta manus .  
 Ipse quoq; haud sileat quos cedere Farfarus hostes  
 Risit , & exutum uertere terga ducem .  
 Hæus ubi nunc Roberte tuæ uocesq; , minaq; ,



Campani peteres cum tibi iura soli?  
 Iam nostros Reges, iam sternere cuncta parabat:  
 Nunc fuga degeneres arguit ecce metus.  
 Hortariq; tuos dimittere signa maniplos,  
 Heu pudor, & longæ præmia militiæ.  
 Hos tamen ille pius, quamvis diuersa secutos,  
 Alfonsus miti fouit, & auxit ope.  
 Maeste animo custosq; hominum, maeste optime Regū,  
 Ausonia tu sol, tu pater unus ades.  
 Quid me morem pacisq; artes, belliq; labores,  
 Perpetumq; animi tempus in omne decus?  
 Sed me formosæ deterrent iussa puellæ;  
 Ne possim tantis inuigilare choris:  
 Et uetat asper Amor dulces contemnere curas;  
 Cogit & inuiso subdere colla iugo.  
 Nec prosunt lacrymæ, nec uerba precantia mortem:  
 Ille suas in me concutit usque faces.  
 Quare si nostri ueniet tibi nuncia lethi  
 Fama; triumphales iam prope siste rotas:  
 Atque hæc ad cineres mœrens effare sepultos:  
 Sæuitia dominæ rapte Poeta iaces.

IN FESTO DIE DIVINAZARII  
 MARTYRIS, QUI POETAE  
 NATALIS EST.

ECCE mihi totum lux expectata per annum  
 Iam redit; Aonia ferta nouate Deæ.  
 Hæc me uitales genitum produxit in auras;  
 Iussit & erectum tollere ad astra caput.

# ELEGIARVM

Nunc mihi purpureis aram cumulate *Hiacynthis* :

Cingite & intexta limina nostra *rosa*.

Sic etenim coluisse decet *geniumq;*, *laresq;* :

Ferte coronato *thura*, *merumq;* *foco*.

Tuq; apio *innexos* dudum acceptura *poetas*,

*Splendida* *solennes* instrue *mensa* *dapes*.

Hic mihi *puniceo* *Pontani* *Musa* *cothurno*

Incipiet posito *carmen* *hiare* *mero* :

*Naturaq;* *uias*, *teneriq;* *exordia* *mundi*

*Proferet*; & certa *cuneta* *obitura* *die*.

*Crassus* at *aeterno* *frondis* *redimitus* *honore*,

*Soluat* *periijs* *ora* *rigata* *modis* :

Et mihi *Linternumq;* *uetus*, *placidumq;* *Perinum*,

*Ostendaq;* *ataui* *regna* *opulenta* *mei* :

*Regna* *male* ad *seros* *heu* *peruentura* *nepotes*;

*Dum* *uersat* *uarias* *fors* *inimica* *uices*.

*Altiusq;* *nouos* *superis* *laturus* *honores*,

*Pindarica* *feriat* *carmina* *docta* *lyra*.

*Sforciadum* *mox* *dicat*, *Aragoniosq;* *hymenæos* :

*Iure* *quibus* *cantus* *aquet* *Homere* *tuos*.

*Nec* *gemat* *exilium* *spartani* *Musa* *Marulli*,

*Ventura* ad *nostras* *ingeniosa* *dapes* :

*Verba* *sed* *antiqui* *reddat*, *numerosq;* *Lucreti*;

*Dum* *magnis* *diuos* *laudibus* *accumulat*.

*Adde* *tuos* *Pudrice* *sales*; *adde* *inclita* *patris*

*Eloquia*; *adde* *animo* *tot* *bona* *parta* *tuo*.

*Iamq;* *Panhormitæ* *lusus*, & *scripta* *recense*,

*Et* *Iouianæ* *tempora* *amicitiæ*.

*Hos* *inter* *meritis* *rediens* *Aquiuius* *ab* *armis*,

*Prodat* *honoratæ* *præmia* *militiæ* :

Atq; chori princeps docti argumenta Plutarchi,  
 Cumq; suis referat dogmata principijs.  
 Ipse autem haud dubitet Cabanilius aëta referre  
 Vel sua, uel magno iuncta parentis auctore.  
 Nec Phœbo minus ipse suo, quā Marte probatus,  
 Phocaico pexas tingat in amne comas.  
 Tu quoq; , quem iuuenem ueneror , dulcissime Carlon  
 Incipe iam docta pleetra mouere manu:  
 Allisasq; tuas mihi concine , dum uaga Lunam  
 Sidera per tacitum nocte sequuntur iter.  
 Talibus auspicijs geniales ducere cœnas,  
 Thespiadumq; modis concelebrare iuuat.

IN CALENDIS IANVARIIS,  
 AD FVSCVM.

EXORITVR lux alma; caput sol detegit aureum;  
 Qui toties nostros exhi larauit auctore.  
 Exoritur : redit ecce anni melioris origo.  
 Quisquis ades , sancta concipe uoce preces.  
 Cingantur de more sacris fastigia templis ,  
 Quæ uaga Sebethi Nais ab amne legit.  
 Ipse sui Ianus præpandat limina templi:  
 Cui geminum liquido stillet odore caput.  
 Illius & castas fument pia thura per aras:  
 Atque focos supra stet , uideatq; suos:  
 Nunciet & tibi Fusce novos uirtutis honores.  
 Iam reor hæc animum uota fouere tuum.  
 Nec magis optaris , quas lydius amnis arenas,  
 Quas uoluit flauæ lympha superba Tagi.

# ELEGIARVM

Nec magis uberibus quicquid sibi colligit aruis  
 Mœdus, & assiduo sole perustus Arabs.  
 Iusta precor: latius utinam discedat ab oris  
 Hostis; & indecori victus oberret equo.  
 Victus Hydruntinas cogatur relinquere terras;  
 Et plangat nostram sanguinolentus humum.  
 Hæc ueniet lux Fusce tuis lætissima uotis;  
 Cum pax opætas ducet in urbe moras.

## IN MORVM CANDIDAM.

NUNC Erato uirides capiti subnecte corymbos;  
 Profer & auratæ fila canora lyre.  
 Arboris umbriferæ casus referamus acerbos.  
 Non erat hæc nostro fabula nota solo.  
 Audiat, & molli cantantes protegat umbra  
 Ipsa; \*

Olim baianis fuerat pulcherrima siluis  
 Naias, errantes figere docta feras.  
 Quam liquidus clausis Lucrinus sæpe sub antris  
 Optauit lateri iungere posse suo.  
 Nec semel illius pharetram laudauit, & arcum  
 Pastorum incultis fistula carminibus.  
 Testes cumeæ, testes liternides undæ,  
 Sancta;q; gauranæ numina hamadryades,  
 Illam Siluanos, Panas;q; odisse bicornes,  
 Et quoscunque colit sua, nemus;q; Deos.  
 Sed quid fata parant? solitis Morinna redibat  
 Montibus: hoc illi nomen, & omen erat:  
 Cum subita cælum texit caligine nimbus;  
 Et multa canam grandine fecit humum.

Illā hiemem fugiens, diuersa per arua currebat,  
Tecta caput fertis, grandine tecta caput.  
Vallis erat prope sulfureos male peruia montes,  
Candida quam graio nomine signat humus.  
Hanc super excisis pendebat cauibꝫ antrum,  
Agricolum hirsutis nota domus gregibus.  
Pugnantes huc forte coegerat impiger hircos  
Semideus caper, semicaperq; Deus.  
Quem procul ut uidit Nymphæ; sic pectore toto  
Insequitur; tales & facit ore sonos.  
Quò properas ab dura, measq; ingrata querelas  
Despicias? aspectus ne fuge Nympha meos.  
Mecum capreolos, mecum uenabere damas.  
Parebit iussis hoc pecus omne tuis.  
Nil est, quod fugias: mihi, crede, recentia semper  
Pocula de nixeo fagina lacte madens.  
Semper picta rosis semper contexta ligustris  
De nostro poteris munera ferre sinu.  
Dixit. at illa uolans celeres præuertitur auras,  
Imbre nihil motos impediēte gradus.  
Iamq; petens tristesq; lacus, sterilemq; paludem,  
Consutaq; arbutis non minus arua nouis,  
Aspicit exesi longe sub faucibus antri  
Obscurum cæco puluere noctis iter.  
Huc, tanquā in latebras, se conijcit. haud minus ille  
Insequitur prædæ tractus amore suæ.  
Iamq; patens calum rursus, Solemq; uidebat;  
Liquerat & montem post sua terga cauum:  
Dextra pontus erat, præruptaq; saxa sinistra:  
Et iam defessam, iamq; premebat amans.

# E L E G I A R V M

**Protinus exclamans**, Fer opem mihi Delia, dixit:

Ora'q; supremo diriguere sono.

**Attulit auxilium Nymphæ Dea**; seq; uocanti

Præbuit: illa cadens sponte recumbit humi:

**Fitq; arbor subito**: Morum dixere priores;

Et de Morinna nil nisi nomen habet.

**Pes in radicem**, in frondes inuere capilli;

Et quæ nunc cortex, cæcula uestis erat.

**Brachia sunt rami**; sed quæ nitidissima poma,

Quas malo uitaſti Nympha, fuere niues.

**Fleuit Miſennus**; mutatam fleuit Auernus;

Fontibus & calidis ingemuere Deæ.

**Quinetiam fleuere ſuis ſebethides antris**

Naiades, & paſſis Parthenopæa comis.

**Sed tamen ante alios lacrymas in ſtipite fudit**

Faunus; & hæc tristes addit ad inferias.

**Inter ſilui colas** ò non ignota ſorores,

Nunc morus, duris candida corticibus:

**Viue diu**; & noſtros ſemper tege fronde capillos;

Cedat ut ipſa tuis Pinus acuta comis.

**Tu nunquam miſeræ maculabere ſanguine Thysbes;**

Immemor heu fui ne uideare tui.

**Tu, nec fata negant**, niueis uberrima pomis,

His olim ſtabis frondea limitibus:

**Et circum pueriq; canenti**, facilesq; puellæ:

Ducentes feſtos ad tua ſacra choros.

**Hæſtenus inſigni cecinis teſtudine Muſa;**

Aoniasq; uolans læta reuiſit aquas.

## AD BACCHVM.

**BACCHE** bimaier ades : sic sint tibi nexa corymbis  
Cornua ; sic nitidis pendeat uua comis :  
**Sen** te nunc Thebæ , seu te nunc Ismarus horrens ,  
Sine habet umbrosis Naxos amica iugis .  
**Huc** pater , huc propera frondenti candide thyrsō ;  
Huc potius gressus dirige Bacche tuos .  
**Sed** pallam iam pone grauem , pictosq; cothurnos ;  
Et musto teneros tu quoque tinge pedes .  
**Tecum** etiam Driadesq; Deæ , Satyriq; bicornes  
Adsint ; & calamos , concaudq; æra sonent  
**Raucaq;** subductis percurrant tympana palmis ,  
Bassaridum fusis turba uerenda comis .  
**Quas** male festinans Silenus pone sequatur ;  
Et , procul , ut maneant , subsideantq; , roget .  
**Tum** secum auriti fatum deploret aselli ,  
Incedet ferula dum titubante senex .  
**At** Deus hortorum cui uertice fixa rubenti  
Canna tremat , seuas falce repellat aues .  
**In** medio crater calato maximus duro ,  
Spumet inexhaustum , Lesbia dona , merum .  
**Et** circum de more tuas caua tibia laudes  
Intonet , appositas concelebreſq; dapes .  
**Ipsē** ego perq; uias urbis , perq; omnia passim  
Compita , perpetuo sacra colenda feram .  
**Ipsē** giganteo referam memorata triumpho  
Nomina , & euantes , orgia lata , chores .  
**Nec** sileam fuscas acies , gangetica regna ,  
Gestaq; odoratis praelia lutoribus .

# E L E G I A R V M

Mox thalamos Ariadna tuos, tedasq; iugales,  
 Quæq; nitet medio fixa corona polo.  
 Iamq; pios ritus, indiçtaq; sacra frequentans,  
 Institutam uirgas fronde uirente regi:  
 Incedamq; tuas uates tam magnus ad aras,  
 Quàm nec Virgilius, quàm nec Homerus erat.  
 Tu mihi sancte pater mordaces exime curas:  
 Nubilaq; annofo pectora solue mero.  
 Tu mihi securos adige in præcordia somnos:  
 Afflatuq; iuua lumina fessa tuo.  
 Scimus enim quantos ineunte atate labores  
 Perculeris, quantos fulminis igne metus.  
 Infelix Semele quid munera poscis amantem,  
 Quæ tibi, quæ nato sunt nociura tuo?  
 Posce Iouem, quæ digna tuis sint præmia uotis.  
 Posce: feres uotis præmia digna tuis.  
 Non tibi siluicolum proles de plebe deorum,  
 Sed cui sint Phœbus, Mercuriusq; pares;  
 Sed quam Saturnus non dedignetur ab alto  
 Noscere; quam lato Iuppiter ore probe.  
 Salue cara patri soboles, mitissimæ diuum:  
 Salue hominum requies, lætitiæq; parens:  
 Et faciles (si iusta peto) mihi prospice Musas:  
 Et me pacato numine dexter adi.

AD LVDOVICVM MONTALIVM  
 SYRACVSANVM CAROLI  
 CAES. SCRINII MA-  
 GISTRVM.

MONS altus nomen clarum tibi, siue niuosis  
 Nascenti



Nascenti dederit fertilis Aetna iugis;  
Seu lustrata uagis Nebrodix saxa Napæis,  
Sive Dionæo numine clarus Eryx,  
Seu quòd olympiaco, reptaris uertice; teq;  
Pertulerit placido blanda Arethusa sinu:  
Nobile frondoso defluxit nomen olympo,  
Elæi referens sacra uetusta Iouis.  
Seu mage quòd celsas puer exuperaueris alpes;  
Dum patet in laudes belgica terra tuas:  
Oceaniq; petis non explorata britanni  
Murmura; nec canæ Tethyos antra times:  
Exhaustos præferret ut illa ætate labores,  
Aeria nomen uenit ab alpe tibi.  
Quicquid id est, quicumq; huius tibi nominis aucto  
Mons, & inaccessi uerticis asperitas:  
Non mores, non facta, sed altæ mentis acumen  
Vidit, & ingenij præuia signa tui.  
Nam licet ipse animo nubes, & sidera uincas;  
Cunctaq; sint sensu pene minora tuo:  
Non te per duros aditus, rupes ue fragosas,  
Se per floriferum uallis adimms iter;  
Vallus, perpetuo quam uestit gramine riuus;  
Et quam uicini litoris aura fouet.  
Hoc est, hoc ( mihi crede ) deos æquare merendo:  
Hoc est æterni sceptrâ tenere Iouis.  
Cætera mortales inter peritura labores  
Desere, & hoc unum uita sequatur opus.

AD IUNIANVM MAIVM

P R A E C E P T O R E M.

CVM tibi baiana spectantur ab æquore nymphae,

Stagna; vicinis hospita litoribus;  
 Quà uetus herculeos perduxit semita tauros,  
 Longius excluso concina claustra mari;  
 Quaq; iacet Baulos inter lucumq; Sibylla,  
 Et Prochyta rectum per iuga tendit iter:  
 Nos hic ( ut nosti ) duræ parere puellæ  
 Cogimur, & tristes ducere in urbe moras.  
 Nec tamen aut studijs animum intendisse seueris,  
 Aut prodest sanctas excoluisse Deas.  
 Cumq; tot unanimes dederint mihi fata sodales;  
 Auxilium, nemo est, qui mihi rite ferat.  
 Instat seuus Amor, reficitq; in cote sagittas;  
 Nec patitur pressa colla mouere iugo.  
 Et licet assiduus tabescant pectora curis:  
 Quærimus, unde queant tanta uenire mala.  
 Atque utinam tristes Lachesis mihi finiat annos;  
 Claudat & ætatis tempora dura mea:  
 Aut aliquis, seui quæ sit medicina furoris,  
 Non uanus nostra canter in aure Deus.  
 Sed iam laurigeris cessant oracula Delphis:  
 Mutaq; Cumææ uirginis antra silent.  
 Nec Pan Mœnalia reddit responsa sub umbra:  
 Nocte licet pastor uiscera libet ouis.  
 Nec mihi chaonias spes est audire columbas:  
 Cornigerumq; pudeat fata referre Iouem.  
 Oblitasq; loqui iam pridem Græcia quercus  
 Mirata est posito conticuisse deo.  
 At tibi uenturos Mai prædicere casus  
 Fas est, & mites consaluisse deos.  
 Nec tantum aut aræ fumos, aut nuntia sentis

Fulgura, sed stygijs somnia missa locis;  
Somnia, quæ miseram perturbant sæpe quietem;  
Dum mens incertis pendet imaginibus.  
O quotiens per te uanum posuisse timorem  
Me memini, & latos continuasse dies.  
O quoties, trepidus cum non spernenda putarem,  
In nostrum cavi dama futura caput.  
Sæpe meæ tibi cum narrassem uisa puellæ;  
Dixisti, certos haud procul esse metus.  
Sæpe illam madidos lustrare in flumine crines  
Iussisti, & misto soluere farra sale.  
Quod si olim terris talem te fata dedissent,  
Speruisset Thuscos Martia Roma uiros.  
Nam te quis melius calidas deprendere fibras,  
Consultere aerias aut potuisset aues?  
Illa triumpharum regeret nunc legibus orbem;  
Nec foret in cineres obruta pene suos.  
Nec fera uidisset cannensis funera pugnae;  
Aut aquilas parthos tam male ferre duces.  
Scipiadam patrijs habitarent sedibus umbræ:  
Tanta nec hispanum conderet ossa solum.  
Te duce, ueridicæ patuissent scripta sibyllæ;  
Non intellecto quæ nocuere deo.  
Fortunate deum interpres, quem sidera norunt,  
Cui superum mentes explicuisse licet.  
Non te lethali tetigit puer improbus arcu:  
Quamuis & dominos implicet ille deos.  
Nec tibi securos rumpunt suspiria somnos:  
Fallaces Veneris despicias insidias.  
At nos in certas cæci iactamur in undis:

Ducimus & nullo tempora consilio.  
 Et quisquam mihi nunc longos optauerit annos,  
 Cum uideat uitæ tædia tanta meæ?  
 Non me Sisyphio superent impulsæ labore  
 Saxa; nec infernis dolia adacta uadis.  
 Et Titij rostro cedit mihi uultus obunco,  
 Pomaq; lethæis risa arboribus.  
 Vos igitur, qui me uictum iam fletis amici,  
 Sic mea compositis cædite busta notis.  
 Actius hic situs est: cineres gaudete sepulti:  
 Iam uaga post obitus umbra dolore uacat.

IN DOMINAE NATALEM  
 AD IVNONEM.

IVNONI fer sacra, nouas lege musa coronas:  
 Natalis dominæ iam mihi festus adest.  
 Ipsa sed imprimis solennes indue cultus:  
 Et mihi purpurea tempora cinge rosa.  
 Utq; aliquid gratas diuæ meditemur ad aras,  
 Affer inauratæ garrula plectra lyrae.  
 Tu quoque uita tuos auro subnecte capillos:  
 Plurimaq; in niueo pectore gemma micet.  
 Hæc mihi te mea lux seros promisit in annos,  
 Hæc mihi te certam iussit habere dies.  
 Quanta mihi hæc primum fulserunt gaudia luce?  
 Quantus in hoc uno tempore uenit honos?  
 O mihi Erythræis merito signanda lapillis:  
 O mihi delicias inter habenda meas.  
 Quisquis ades, bona uerba, & latos edite canus;  
 Libaq; de siculo dulcia melle date.

Alba mihi uestis nullo uiolata ueneno

Adsit; & ingeminos defluat apta pedes.

Ante aram uiridi texant umbracula quercu

Formosis Dryades, rustica turba, comis.

Phæbus odorata circum tegat atria lauro:

At myrto duplices tu Cytheræa fores.

Ipsæ Arabum merces Neseia turba ministret:

Lenæusq; ferat Naxia uina pater.

Omnia sint lætis operata ex ordine sacris:

Et calum niueis constrepat aliibus.

Magna parens Iuno, centum comitata ministris,

Huc ades; & uotis annue Diua meis.

Vuos quoq; per uacuum quæ luditis æra, nymphæ,

Cingite felici nubilla summa choro

Silicet euentus hæc sint bona signa futuri:

Hæc eadem plenæ nuntia lætitiæ.

Ipsa ego uestra sequar iucundo gaudia plausu;

Et peragam uarios ore, manuq; modos:

Quin etiam fertis, & thure calentibus aris,

Excipiam sancta numina uestra die.

At tu natalis, nullos non fauste per annos,

Semper honorata luce serenus eas.

Quodq; opto, innumeras (siquid prece posse putamus)

Cumææ uincas uatis olympiadas.

# AD RVINAS CVMARAM

## VRBIS VETVSTISS.

HIC, ubi Cumææ surgebant inclita fame

Mœnia, Tyrrheni gloria prima maris;

Longinquis quæ sæpe hospes properabat ab oris,

Visurus tripolas Delie magne tuos ;  
 Et uagus antiquos intrabat nauita portus ,  
 Querens Dædalie conscia signa fugæ :  
 ( Credere quis quondam potuit , dum fata manebant ? )  
 Nunc silua agrestes occulit alta feras .  
 Atque ubi fatidicæ latuere arcana sibyllæ ,  
 Nunc claudit saturas uespere pastor oues .  
 Quæq; prius sanctos cogebat Curia patres ,  
 Serpenteum facta est alituumq; domus .  
 Plenaq; tot passim generosis atria ceris ,  
 Ipsa sua tandem subrua molle iacent .  
 Calcanturq; olim sacris onerata trophæis  
 Limina : distractos & regit herba deos .  
 Tot decora , artificumq; manus , tot nota sepulchra ,  
 Totq; pios cineres una ruina premit .  
 Et iam intra solasq; domos , disiectaq; passim  
 Culmina setigeros aduena figit apros .  
 Nec tamen hoc grauius cecinit Deus ipse carinis :  
 Præuia nec lato missa Columba mari .  
 Et querimur , cito si nostræ data tempora uitæ  
 Diffugiunt ? urbes mors uiolenta rapit .  
 Atque utinam mea me fallant oracula uatem :  
 Vanus & à longa posteritate ferar .  
 Nec tu semper eris , quæ septem amplecteris arces :  
 Nec tu , quæ medius emula surgis aquis .  
 Et te ( quis putet hoc ? ) alterix mea durus arator  
 Vertet : & , Vrbs , dicet , hæc quoque clara fuit .  
 Fata trahunt homines . fatis urgentibus , urbes ,  
 Et quodcunque uides auferet ipsa dies .

## MALA PVNICA.

**Q**UID miser externas perquiris Nauita gentes ?  
 Et tam longinquo gurgite quæris opes ?  
**N**ec te uentorumq; minas , pelagiq; procellas ,  
 Non piget ignotæ damna subire uiaë .  
**A**spice , quàm tenui uelenus cortice gemmas ,  
 Iam tibi , quicquid habent litora rubra , damus :  
**S**eu uis purpureos roseo fulgore Hyacinthos :  
 Infensam Baccho siue Amethyston amas :  
**A**rdenteis seu quæ tores imitantur , & ignes :  
 Seu mage diluto lumine chrysolithos .  
**S**ed rude diuitias extollit uulgus inanes :  
 Nec meminit , quantis sit caput inde malis .  
**D**iuitiæ fera belia uiris , leihumq; tulerunt .  
 Nam prius æterna pace uigebat humus .  
**D**iuitijs natoq; pater , natusq; parente  
 Cæditur , & caro fratre uerenda soror .  
**N**ec tantum sæuæ trahunt aconita nouercæ :  
 Sed iugulat partus mater auara suos .  
**A**dde , quod & gemmæ solo fulgore probantur ;  
 Adscitusq; illis quaritur arte decor .  
**A**t nobis natura oculos tardare tuentes ,  
 Et dedit , arenti pellere ab ore suum .  
**N**ec nostræ populos armant in prælia gemmæ ;  
 Nec suadent magnos clam uiolare Deos .  
**S**ed semper placidis uiisunt conuiuia mensis :  
 Stant ubi iucundo pocula plena mero .  
**I**llic nos teneræ uir porrigit ipse puellæ ,  
 Porrigit & cupido fida puella uiro .

# ELEGIARVM

Pacis opus sumus, & pacati munus amoris;  
 Quod capit à Satyro Nais amata suo.  
 Nec temere, infernis cum nos libasset in hortis  
 Noluit ad matrem nata redire suam.  
 Nos quoque, dum libyco errat Pomona per agros,  
 Obstupuit pleno fracta rubere sinu:  
 Ac rarum mirata decus; mirata liquorem;  
 In sua de patrio transtulit arua solo.  
 Ergo Punicea laus hæc, & gloria silvæ,  
 Vincere gemmiferi lucida dona maris;  
 Pallentiq; graues depellere corpore morbos;  
 Aegrâq; pæonijs ora leuare modis.  
 Quod nec Erythraei præstabunt litora ponti,  
 Non opibus pollens indica terra suis.  
 Tu uero, duplici fulgent cui tempora lauro,  
 Militiæ, & sacri Dux Aquiuine chori:  
 Accipe nos, laudum contentus luce tuarum:  
 Muneraq; inuisæ despice luxuriæ:  
 Et seu carminibus, seu de lassaberis armis;  
 Diluat exundans hæc tibi gemma sitim.

## ACTII SYNCERI SANNAZARII

### ELEGIARVM LIBER III.

#### AD FEDERICVM FERDI-

#### NANDI FILIVM, ARA-

#### CONEVN, SICILIAE

#### REGEM.

ERGO Ego fallaci tantum seruire puellæ  
 Natus, & aduerso semper amore queri?



Nec me pieria spectabit Phœbus in umbra  
Inter certantes carmina ferre choros ?  
Quæ densos Helicon saltus , collesq; uirentes  
Pandit ; & Aonidum perluit antra liquor ;  
Dispositæq; iugis intexuntserta puellæ ;  
Pendentesq; sonant per caua saxa lyrae .  
Iam liber intactis haurire è fontibus undam ;  
Et lustrare sacrum , quæ uia nulla , nemus .  
Ardua sunt tentanda : nouas en carmina uires  
Sumite : per durum gloria anhelat iter .  
Nunc opus est alia crinem compescere fronde :  
Nil mihi cum sertis Bacche iocose tuis .  
Ipse audax uirides Parnasi in uertice lauros  
Decerpam , aut siluis Pinde canore tuis .  
Ipse lyram nullo percussam pollicis ictu  
Suspendam ex humeris , præmia rara , meis ,  
Non ego nunc molles meditor lasciuus amores :  
Nec iacio ad surdas carmina blanda fores .  
Maior ad heros me subleuat aura cothurnos :  
Maior & in nostro personat ore deus .  
Lætus ades Federice : tuas ex ordine laudes  
Exequar : auspicijs fama petenda tuis .  
Nam quãquam antiquis Regum bene fulta triumphis  
Stat domus ; & tantis se tibi iactat auis :  
Mariorum tua non titulis innixa recumbit  
Gloria , nec priscis gestit imaginibus :  
Sed certat magnos uirtus ante ire parentes ,  
Aeternum & uera laude parare decus .  
Nec tua facta olim titulo breue marmor habebit .  
Immensum magni carminis illud opus :

# E L E G I A R V M

Seu te quis teneris puerum miratus ab annis,  
 Aetatis referat tempora prima tuae:  
 Seu casus rerum uarios durosq; labores,  
 Exhausta & saeuo prelia Marte canat.  
 Egressum uix dum cunis Aenia matrix  
 Sensit, & aduentu mota repente tuo est:  
 Terq; deos uenerata, caput ter substulit urna;  
 Et tandem Phrygio lingua uoluta sono est.  
 En iterum sol magne, mea post diruta Troiae  
 Pergama; post latios spes mihi surgit auos.  
 Hac aetate uagi quondam per prata Scamandri,  
 Aenean uidi ludere saepe meum.  
 Nec tu maior, eras cum iam post fata Creusae  
 Reptares gremio pulcher Iule meo;  
 Certaresq; iocis curas mihi demere aniles,  
 Deducens blandas nostra per ora manus.  
 His tamen auspiciis Albanae ad sidera turres  
 Creuere, & rerum maxima Roma caput.  
 Hinc Decios, Fabiosq; hinc pectora dura Catones  
 Vidimus, & fasces Brute seuerere tuos.  
 Vidimus & ductos non uno ex hoste triumphos,  
 Auctaq; iulais stemata Caesaribus.  
 Ingredere o, felixq; subipede nostra secundo  
 Moenia; propensos & uenerare deos.  
 Ingredere; Antiphatae pollens tibi regia seruit,  
 Et Lestrigonio limina tuta metu.  
 Sic Ioue Creta potens, sint clari ab Apolline Delphi;  
 Laudet Amiclaeos Tænaris ora duces.  
 Alciden, Bacchumq; ferat ad sidera Thebæ:  
 Terra rudimentis nostra beata tuis.

Nam te, dum rapidos arcet de finibus hostes;  
Ardua magnanimus misit in arma pater.  
Auspice te nostræ nullis incurfibus arces,  
Succumbent nullis littora nostra minis.  
Sed bene habet; cessere metus, cessere pericla:  
Barbarus costilis ad sua uertis equos.  
Iam iuga, iam lati respirant undique campi:  
Nec tuba ueliferas concitat ulla rates.  
Tu tamen ad patrios reuocabere uictor honores;  
Maternosq; sinus, Partenopemq; peres.  
Mox Salentinis ibis metator in agros,  
Quà secat Oebalia culta Galesus aqua.  
Sed quò liuor edax non irruis? ecce repente  
Fata iubent longas te procul ire uias;  
Romanumq; patrem, sacrasq; inuisere sedes,  
Imprimis magnos promeruisse deos.  
Tum pontes, arcusq; ducum, delubra, uiasq;  
Cumq; suis cernes strueta theatra foris.  
Interea uaticanas numerare per aedes  
Tot signa artificum, tot monumenta licet.  
Mox Veios, ueteresq; Vmbros, fortesq; Sabinos  
Transgresso, Adriacum stat superare latus,  
Aemiliæq; domos, Apenninumq; niualet.  
Et Phaetonteo proxima regna Pado.  
Quis sumptus Leonora tuos, quis publica dicam  
Munera, Atestinis edita principibus?  
Iam ueteres superas diues Ferraria ludos;  
Aurea dum celeri præmia ponis equo;  
Effigiesq; deum, spectandaq; signa per aras  
Extruis, Et uarijs pegmata celsa locis.

# E L E G I A R V M

Quis rursus Venetæ miracula proferat urbis?

Vna instar magni quæ simul orbis habet.

Vna Italum Regina, altæ pulcherrima Romæ

Aemula, quæ terris, quæ dominaris aquis.

Tu tibi uel reges cives facis. ò decus, ò lux

Ausonia; per quam libera turba sumus:

Per quam barbaries nobis non imperat; Et sol

Exoriens nostro clarius orbe micat.

Proxima sunt Consaga tuæ spectacula terræ,

Donaq; per magnos ante parata duces.

Mantua queis, largoq; exultat Mincius ore,

Ausus spumiferum tollere ad astra caput.

Mincius æterni sacrum geniale Maronis;

Cui cedit flauo lucidus amne Meles.

Hinc populos Ticine tuos spectare licebit,

Dietaq; lanigeræ mœnia pelle suis,

Taurinosq; altasq; alpes, Pœninaq; castra,

Et Rhodanum, Et ripas magnæ Lemanne tuas?

Inde per immensum lati spatia bere campi;

Ostendit sacrum Mons ubi iura nemus.

Et ueteres felix custodit Claudius arces,

Claudius æternæ conciliator opis.

Hic formidatas acies, ipsumq; uidebis

Elatum longa prosperitate ducem.

Finitimus dum bella parat, tibiq; arma, uirosq;

Commendans, magni ius dabit imperij,

Nimirum ingeniumq; sagax miratus, Et artes,

Quæq; dabis mentis plurima signa tuæ.

Quapropter medijs generum te deligit armis,

Pollicitus natæ spemq; torumq; suæ.

Ac uelut Oenomai currus, astutusq; secutus,  
Eludet pacti fœdera coniugij.  
Sed male ut Oenomao currus cessere, doliq;  
Perfidiae pœna sic ferus iste luet.  
Ter uictus, ter iam castris exutus ab hoste,  
Postremo miseram corruet ante diem.  
Nam deiectus equo fossaq; inuentus in alta,  
Obsœnam turpi sanguine iugiet humum.  
Nec iam erit, extremos funus qui curet ad ignes;  
Non lapis, incisis qui tegat ossa notis.  
Tu celsus, tu sublimis, tu uictor honorem  
Accipies; tibi quem Gallia tota dabit;  
Bisq; tuis referet superatos Lingonas armis,  
Duetaq; bis pulsos signa per Eluetios:  
Præterea quantum populorum Mosa coerces;  
Quantum cœrulea Rhenus inundat aqua.  
Atque erit is nostræ gentis uigor; omnia credi  
Vt possint iusto succubuisse metu.  
Hic ego te, laudesq; tuas fortissime Iuli  
Non sileam, & ualida prælia gesta manu.  
Quem titulis Aquinina domus prælustribus ornat;  
Mortalesq; inter, semideosq; locat.  
Et iam militiæ moles tibi creditur omnis;  
Omnia sub leges allicis ipse tuas.  
At te patrato iuuenam pulcherrime bello  
Tempus erat patrijs dona tulisse Deo;  
Mendacisq; simul fastus, odiumq; tyranni  
Cum prope defenso deseruisse solo.  
Eia age rumpe moras, inuisaq; castra relinque;  
Fidaq; magnanimi limina regis adi.

Cui uel ad Oceani fines tot litora parent;  
 Iuraq; dant sceptri Celtica regna sui.  
 Hic tibi felices cedas, certosq; bymenæos  
 Expediet, tutas & simul addet opes.  
 Testis erit Liger, Aruernis qui fusus ab antris  
 Libera deuexum per loca findit iter.  
 Interea patrem, campanaq; recta reuise,  
 Debitaq; auspicijs hei mihi regna tuis;  
 Debita, sed satis cito iam cessura malignis;  
 Euertet tantas cum ferus hostis opes.  
 Dii maris hebrusci, per quos Tyberinus, & Arnus,  
 Macraq; ceruleis iungitur altus aquas;  
 Dum redit in patriam inuenis, tot honoribus auctus,  
 Candida felici soluite uela noto.  
 Vosq; citæ puppes iussum properate per æquor:  
 Fata dabunt istas sepe iterare uias;  
 Nec semel hos tractus, Ligurumq; uidebitis oras  
 Aut Vari infaustum fluminis hospitium,  
 Vallatosq; sinus scopulis, Toroentia claustra,  
 Et sparsas medijs stecchadas æquoribus.  
 Denique Phocaicosq; sinus, Marioq; refossum  
 Litus, & antiquæ mœnia Massiliæ.  
 Donec fatales Turonum accedere muros  
 Permittant uestro fata sinistra duci.  
 Ah Liger, ah nimium lacrymis urgende meorum,  
 Qualia spectabis flumine busta tuo;  
 Busta, quibus magni ponant diademata reges;  
 Gratiq; solemni flore parentet humus.  
 Atq; aliquis Latio ueniens nouus hospes ab orbe  
 Portet honoratas munus ad inferias:

Et dicat; Federicæ tuorum hic meo laborum  
Hæsit. habet nostros hæc brevis urna deos.

QVOD PVERITIAM EGERIT IN  
PICENTINIS, AD CASSAN-  
DRAM MARCESIAM.

EST Picentinos inter pulcherrima montes  
Vallis: habet patrios hic pia turba Deos.  
Quam super hinc cælo surgens Cerretia rupes  
Pendet: at huic nomen Cerrea silua dedit.  
Parte alia sacræ respondent saxa Tebennæ;  
Quiq; rigens Merulæ nomine gaudet apex.  
Et circum nigra late nemus accubat umbra,  
Plurima quæ riguis effluit unda iugis,  
Semiferi, si uera canunt, domus horrida Fauni;  
Conuectant auidæ quò sua lustra feræ.  
Accipit hic tergo formosum bucula taurum:  
Accipit immundum sima capella marem.  
Mille tori Dryadum, satyrorum mille recessus,  
Antraq; siluicolæ grata lateba Deæ.  
Vinula nomen aquæ, tenuiq; subuncula riuo,  
Et quæ de gelida grandine dicta sonat.  
Huc mea me primis genitrix dum gestat ab annis,  
Deducens caro nupta nouella patri;  
Attulit indigenis secum sua munera diuis,  
Imprimis docto florea ferta gregi.  
Grexerat Aonidum cætu comitata sororum  
Ipsa sui princeps Calliopea chori.  
Delius argutis carmen paritæus alumnis.  
Electebat faciles ad sua pleetra manus.

Atque hic me sacro perlustrauere liquore;  
 Cura quibus nostræ prima salutis erat.  
 Tum lotum media puerum statuere chorea;  
 Et circum fufis obstrepere sonis.  
 Denique præcinctumq; ederis; & uirginè lauru,  
 Ad citharam dulces edocuere modos.  
 Tantus erat lætis auium concentus in agris,  
 Ut posses ipsos dicere adesse deos.  
 Venerat omne genus pecudum, genus omne ferarum,  
 Atque illa festum luce habuere diem.  
 Tunc ego pastorum numero, siluestria primum  
 Tentauì calamis sibila disparibus.  
 Deductumq; leui carmen modulatus in umbra,  
 Innumeros paui lata per arua greges.  
 Androgeumq; , Opicumq; , & rustica sacra secutus,  
 Commouì lacrymis mox pia saxa meis,  
 Dum tumultum caræ, dum festinata parentis  
 Fata cano, gemitus dum Melisea tuos.  
 Ac tacitas per operta uias rimatus, & antra  
 Inspecto, & uarijs flumina nata locis.  
 Mox maiora uocant me numina: scilicet alii  
 Incessere animum sacra uerenda Dei;  
 Sacra Dei Reguq; hominum, dominiq; Deorum,  
 Primæuum sanctæ regionis opus;  
 Nuncius æthereis ut uenerit aliger astris,  
 Dona ferens castæ uirginis in gremium.  
 Quid referam caulasq; ouium, lususq; canentum  
 Pastorum, & Reges Arfacis ora tuos?  
 Nec minus hæc inter piscandi concitus egit  
 Ardor in æquoreos mittere lina sinus:

Fallacesq;



**F**allacisq; cibos uacuis includere nassis;  
Atque hamo undiuagos sollicitare greges;  
**Q**uandoquidē salsas descendi ego primus ad undas,  
Ausus inexpertis reddere uerba sonis.  
**Q**uid referam mollesq; Elegis, miserabile carmen,  
Et superis laudes non sine thure datas?  
**Q**uæq; alijs lusi numeris, dum seria tracto,  
Dum spargo uarios per mea dicta sales.  
**M**ultaq; praterea, dilectæ grata puellæ,  
Adscisco antiquis rursus Hetrusca modis.  
**U**t sileam nunc impensos tot regibus annos;  
Tot data belligeræ tempora militiae:  
**E**t sileam nexata malis mea corpora morbis,  
Vixq; Machaonia restituenda manus.  
**A**dde graves populiq; fagus, procerumq; ruinas,  
Inflicta & miseris urbibus exilia:  
**I**pse per infestos tecum F. derice labores  
Multa adij terra, multa pericla mari.  
**T**uscorumq; uadis, Ligurumq; exercitus undis,  
Postremo litus Massiliense subi.  
**I**am Rhodanum, Volcasq; feros, uocontiaq; arua  
Legimus, & fines belgicae terræ tuas.  
**B**isq; pruinosas cursu superauimus alpes:  
Bis metas magni uidimus Oceani.  
**A**tque hic te tandem defleuimus optime Regum;  
Quantum Hecube natos fleuerat ipsa suos;  
**Q**uantum discissis fratres Cassandra capillis,  
Andromacheq; sui dum legit ossa uiri.  
**O** fatum infelix, o sons male fida, quid illic  
Egimus? o tristi mersa carina loco.

Cum nullum interea frugis genus imbre, uel aestus

Redderet ingenio Musa uocata meo.

Et iam miramur, longo si pressa labore

Amisit uires paruula uena suas.

Ipsæ Deū simul, atq; hominum celebrator Homerus

Deficeret, ne dum segnis, inersq; lyra.

Deficeret pater ipse, & carminis auctor Apollo;

Pegasidum sacras qui tenet unus aquas.

Ergo, tanta meæ cum sint dispendia uitæ

Facta; potes nostram quisque dolere uicem;

Quod non ingenio, quod non profecimus arte;

Quod mea sit longo mens prope uicta situ:

Quod mala subrepens imos cœu pestis in artus

Irruerit, fracto corpore, segnities;

Nec pote iam lapsæ studium reuocare iuuentæ;

Ingenij cum sit tacta ruina mei.

Tu saltem bona posteritas ignosce dolori;

Qui facit, ut spreto sit mea fama loco:

Musarum spoliæq; bonis, & nomine claro

Vatis; & hæc uliro credar habere mala.

Prosit, amicitia sanctum per secula nomen

Seruasse, & firmam regibus usque fidem.

Vosq; uel ignauo, uel tardo parcite amici;

Cui natura suas dura negarit opes;

Dum tamen ambitione mala, atque libidine turpi,

Et caream inuisæ crimine auaritiæ.

Tu quoque uel fessæ testis Cassandra senectæ,

Quam manet arbitrium funeris omne mei;

Compositos tumulo cineres, atque ossa piato.

Neu pigeat uati soluere iusta tuo.

*Parce tamen scisso seu me mea uita capillo;  
Sine: sed heu prohibet dicere plura dolor.*

# DEOS NEMORVM INVOCAT IN EXTRVENDA DOMO.

*DII nemorum saluete: ego uos de rupe propinqua.*

*De summis patriæ mœnibus aspicio:*

*Aspicio, ueniorq; , caue mihi plaudite ualles:*

*Garrula uicinis perstrepat aura iugis.*

*Vuos quoque perq; focos felicia dicite ciues*

*Verba, per intactas flore decente uias.*

*Victima solennes eat inspectanda per aras,*

*Turbaq; palladia fronde reuincta comas.*

*Mosq; ut ab antiqua repetatur origine Romæ,*

*Exterior forda cum boue taurus aret.*

*Ac prius infosso tectum quàm cingere sulco*

*Incipimus, iustos thure plate Deos.*

*Nulla per obductum decurrant nubila calum:*

*Candidaq; augustum concinat omen auis.*

*Exurgat paries, uentos qui pellat, & imbres;*

*Qui multa circum luce serenus erat.*

*Adsue dispositis series concinna columnis;*

*Quæq; ornet medias crebra fenestra fores.*

*Ipse biceps primo custos in limine Ianus*

*Occurat laetis obuius hospitibus.*

*Protinus à dextra sacræ, mea turba, sorores*

*Cingant uirginis atria prima choris.*

*A' lena nitidis stratum Pythona sagittis*

*Miretur posita Cynthius ipse lyra.*

*Aedibus in medis parui sinus amphitheatrî,*

Vifendas Regum præbeat historias.

Ac primum triptici Teſe defendat ab hoſte

Fernandus rapido iam metuendus equo.

Alfonſusq; pharetratas, dira agmina, gentes

Cogat Hydruntinis cedere litoribus.

Tum iuuenis Rex ipſe, & Regum inſignibus auctus

Alpinos adigat linquere caſtra duces.

Poſtremo Federicus, auito lætus honore,

Dalmaticas grandi claſſe refringat opes.

Inferosq; Deos, metuendaq; iura minatus,

Incidat nato bella gerenda ſuo.

Hic bene conueniens membris uariantibus ordo

Aſpiciat celebris è regione ſitus.

Exhedra, Xiſtiq; Tablinum, Hypocauſta, Dieta,

Et quæ priuatis uſibus apta uelim.

Atque alia occaſus, alia uertantur in ortus,

Quæq; habeant Borean, quæq; inhibere Notum.

Iungantur longis quadrata obliqua rotundis:

Et capiat ſtructos plurima cella toros.

O ſtudijs placitura meis, o mille per artes

Ocia pierijs noſtra iuuanda modis.

Hic ego tranquillo tranſmittam tempora curſus

Dum ueniat ſatis mitior hora meis.

Viximus ærumnas inter, lacrimoſaq; Regum

Funera: nunc patria iam licet urbe frui:

Ubi quod tot cura, tot detraxere labores,

Reſtituat uati Parthenopea ſuo.

75

ACTII SYNCERI SANNAZARII  
NEAPOLITANI, VIRI PATRI  
CII, EPIGRAMMATON  
LIBER PRIMVS.

AD FEDERICVM REGEM.

SCRIBENDI *studium mihi tu Federice dedisti,*  
*Ingenium ad laudes dum trahis omne tuas.*  
Ecce, suburbanum rus, & noua pradia donas:  
*Fecisti uatem, nunc facis agricolam.*

AD VILLAM MERGILLINAM.

RVPIS o' sacra, pelagiq; custos,  
*Villa Nympharum domus, & propinqua*  
*Doridos, Regum decus una quondam,*  
*Delitiæq;*  
Nunc meis tantum requies camænis;  
*Urbis inuisas quoties querelas,*  
*Et parum fidos popularis auræ*  
*Linquimus æstus:*  
Tu mihi solos nemorum recessus  
*Das, & hærentes per opaca laurus*  
*Saxa: tu fontes, Aganippidumq;*  
*Antra recludis.*  
Nam simul tete repeto; tuasq;  
*Sedulus mecum ueneror Napæas:*  
*Colle Mergillina tuo repente*  
*Pegasis unda*

# EPIGRAMMATON

Effluit de qua chorus ipse Phœbi,  
 Et cheri Phœbus pater, atque princeps,  
 Nititur plures mihi iam canenti  
 Ducere riuos.

Ergo tu nobis Helicon, & udae  
 Phocidos saltus, hederisq; opacum  
 Thespie rupis nemus, & canoro  
 Vertice Pindus.

I puer, blandi comitem laboris  
 Affer è prima ciitharam columbia;  
 Affer & flores; procul omnis à me  
 Cura recedat.

Principis nostri decus, atque laudes  
 Fama, per latus spaciata terras,  
 Euehat, quâ sol oriens, cadensq;  
 Frena retorquet;

Qua; non notos populos, & urbes  
 Damnat æternis Helice pruinis;  
 Qua; feruentes cumulos arena,  
 Dissipat auster.

Ille crescentes ueneratus annos  
 Vatis, antiquum referentis ortum  
 Stirpis, & clarum genus, & potentum  
 Nomen auorum;

Conuulit large numerosa dextra  
 Dona; & ignauæ stimulos iuuenta  
 Addidit, siluas, & amica musis  
 Ocia præbens.

## CALENDAE MAII.

Matus adest ; da ferta puer : sic sancta uerustas

Instituit ; prisci sic docuere patres .

Iunge hederam uiolis ; myrium subtexe ligustris ;

Alba uerecundis lilia pinget rosas .

Fundat inexhaustos mihi decolor indus odores :

Et fluat assyrio sparsa liquore coma .

Grandia fumoso spument chrystalla Lyæo :

Et bibat , in calices lapsa corona meos .

Post obitum non ulla mihi carchesia ponet

Aeacus . Infernis non uiret uua iugis .

Heu uanum mortale genus , quid gaudia differis ?

Falle diem : medijs mors uenit atra iocis .

## IN TVMVLVM LADISLAI REGIS.

Miraris niueis pendentia saxa columnis

Hospes , & hunc , acri qui sedet altius equo .

Quid si animos , roburq; ducis , præclarâq; nosset

Pectora , & inuictas dura per arma manus ?

Hic Capitolinis deiecit sedibus hostem :

Bisq; triumphata uictor ab urbe redit :

Italiamq; omnem bello concussit , & armis :

Intulit Hetrusco signa tremenda mari .

Ne ue foret Latio tantum diademate felix ;

Anne suos uidit gallica sceptrâ pedes .

Cumq; rebellantem pressisset pontibus Arnum ;

Mors uenit sextam claudere Olympiadem .

In nunc , regna para , fastusq; attolle superbos :

Mors etiam magnos obruit atra Deos .

# EPIGRAMMATON

## AD FEDERICVM REGEM.

Clausa quòd effossis erumpunt ossa sepulchris,  
Et reserant ueteres puria saxa rogos.  
Nimirum tanto capiunt sub principe manes  
Viuerè; & ad natus umbra uocata uenis.  
Vtq; decet, longo mansuras tempore sedes  
Spondent, & regnis ocia lata tuis.  
Quaëq; diu ambiguïs tecum fortuna uagata est  
Passibus; hic certa stat bene nixa rota.  
Sume animos Federice: tuis hic meta periclis  
Hæret: habent manes, & pia busta fidem.

## A D N I N A M.

Sexcentas Nina da, precor, roganti  
Sed tantum mihi basiationes:  
Non quas dent bene filia parenti;  
Nec quas dent bene fratribus sorores:  
Sed quas nupta rogata det marito;  
Et quas det iuueni puella caro.  
Iuuat me mora longa basiorum;  
Ne me tam cito deserat uoluptas.  
Nolo marmora muta, nolo pictos  
Dæarum Nina basiare uultus:  
Sed totam cupio tenere linguam,  
Insertam humidulis meis labellis;  
Hanc & sugere; morsiunculasq;  
Molles adycere; & colamborum  
In morem, teneros inire lusus.  
Ac blandam simul excitare marmur.



Hæc sunt suauia dulciora melle  
 Hyblæo, & sicula liquore canna.  
 Hæc sola ambrosiæq; nectarisq;  
 Succos fundere, sola habere possunt.  
 Quæ si contrigerim mihi; tuiq;  
 Admouere sinas manum papillis:  
 Quis tunc diuitias, quis aurum, & omnes  
 Absis me putet æstimare reges?  
 Iam non maluerim mihi beatus  
 Aurora, Venerisq; habere noctes:  
 Non Hebes thalamos beatiores:  
 Non, si deserat hæc suum maritum:  
 Non si me roget usquequaque: non si  
 Aeternam mihi spondeat iuuentam.

## DE NATALI ALTILII VATIS.

Musarum lux alma, meus cui chora quotannis,  
 Cui rite Altilius fundit in igne merum:  
 Accipe seruatos hyberno frigore flores;  
 Quæq; madent siccis annua liba fapis.  
 Quandoquidem magnum Latio, rarumq; dedisti  
 Pignus, & Aonijs non leue nomen aquis.  
 At tu, sic tristes nunquam experiare tenebras;  
 Sic Phœbi nitido semper honore mices:  
 Fausta, precor, longos tamen expectata per annos,  
 Altilioq; tuo concolor usque redi.

## AD FEDERICVM REGEM.

Hybernas tibi pampineis cum vitibus uvas  
 Mitimus, o regni gloria, bonosq; tui.

## EPIGRAMMATON

Præla uacant ; riget omnis ager ; spumantia tandem  
Musta silent ; mensis est tamen uua tuis .  
Iam pater Autumnus uernantia lilia mittet ;  
Talia si medio frigore bruma dedit .

## DE EXPEDITIONE AL- FONSI REGIS.

Venturos olim Romana ad mœnia Turcas ,  
Dixerunt uates : credite , uera canunt .  
Scilicet Alfonso Turcas in bella trahentem  
Expectas fatis anxia Roma tuis .  
Pone metum , uincet ; sed te meliora manebunt  
Imperia ; Alfonso principe maior eris .

## IN TVMVLVM LAVRÆ PVELLÆ.

Et lacrymas etiam superi tibi Laura dedissent :  
Fas etiam superos , si , lacrymare , foret .  
Quod potuit tamen , auratas puer ille sagittas  
Fregit , & extinctas mœsta Erycina faces .  
Sed quamuis homines tangant tua fata Deosq̃ :  
Nulli flebilior , quàm mihi , uita iaces .  
Felices animæ , quibus u comes ipsa per umbras ;  
Et datur Elysium sic habitare nemus .

## DE PARTU NISÆÆE CHE- RITEI CONIVGIS.

Dum parit , & longas iterat Nisæa querelas ;  
Sinditur incerta seditione polus .

*Pierides puerum, Charites optare puellam:*

*His uenus, ast illis docta Minerva fauet.*

*Astat amans Veneri Maiores, Phæbusq; Minerva;*

*Magnanimusq; æquus Iuppiter aure sedet:*

*Cum subito aurato surgit puer improbus arcu;*

*Et cælum notis territat omne minis.*

*Assensere metu superi. pater ipse Deorum*

*Risit; & Aonias iussit abire Deas.*

*Exultat palma Venus; & nascente puella*

*Augentur Charites, Cypria turba, Deæ.*

#### AD FEDERICVM REGEM.

*Edicto nuper cum tu Rex magne caueres,*

*Audaci nequis stringeret arma manu:*

*Deposuisse tuum uel primus diceris ensen,*

*Et monstrasse palam primus inermis laus.*

*Quid maius populis ue tuis Federice, uel urbi*

*Accidere huic nostræ per tua dona potest?*

*Post domitos hostes inter tot commoda pacis,*

*Contigit exemplis uiuere posse tuis.*

*Publica nimirum res tunc sibi constat, & æquum*

*Imperium: cum Rex, quod iubet, ipse facit.*

#### DE EMENDATIONE CATVLLI

#### AD IOVIANVM.

*Doctus ab Elysia redeas si ualle Catullus;*

*Ingratosq; trahat Lesbica sola choros:*

*Non tam mendosi mœrebit damna libelli;*

*Gestiet officio quàm Ionianæ tuo.*

# EPIGRAMMATON

Ille tibi amplexus, atque oscula grata referre;  
Mallet & hos numeros, quàm meminisse suos.

## DE BORCIA, ALEXANDRE PONTIFICIS FILIO.

Qui modo prostratos iactarat cornibus urfos,  
In latebras taurus concitus ecce fugit.  
Nec latebras putas esse satis sibi: Tybride toto  
Cingitur, & notis nix bene fudit aquis.  
Terruerat montes mugitibus: obuia nunc est,  
Et facilis cuius præda sine arte capi.  
Sed tamen id magnum; nuper potuisse uel urfos  
Sternere, nunc omnes posse timere feras.  
Ne tibi Roma noua desint spectacula pompæ;  
Amphitheatrales reddit arena iocos.

## AD EVNDEM, DVM AB VRSINIS PREMERETVR.

O taure, præsens qui fugis periculum:  
(Nam te nec odio, tædio, ne tam bonas  
Spreuisse siluas, tam bonos putem lacus)  
Dic quis propinqua nubibus tibi iuga  
Molestus inuidet? iuga illa iam tuis  
Sudata cornibus, tuisq; prælijs  
Deuicta? quis saltus, & amnium uberes  
Cursus, torosq; marginum uirentium?  
Quis uda riuis prata? quis recondita  
Nemora? quis umbras sibilantium arborum

Male aduocatos abstulit tibi Deus?  
Non amplius uidebis, ah miser, miser,  
Amata regna; non uidebis amplius  
Vos amores; non licebit, heu, tibi  
Posthac cubanti sub genistulis tuis,  
Mollius fulco niueum amaraco lauis,  
Audire uoces ruminantium gregum;  
Meridianum non inire somnulum.  
Quæ nunc adibis res quas? quæ petes loca  
Miselle taure? quas subibis ilices?  
Vbi myrica? ubi uirentis arbuti  
Iucunda sedes? ubi salicta, & omnibus  
Ehu iuuentia præferenda pascuis?  
Iuuenta, solos quæ relicta ad aggeres  
Padi sonantis, heu malum sororibus  
Omen, dolentis inter orba populos  
Te te requirit, te reflagitans suum,  
Implet querelis nemus; & usque mugiens  
Modo huc, modo illuc fuerit, amore perditæ:  
Omnia peragrat arua; lustrat omnia;  
Num qua bisulcæ signa cernat ungula:  
Quærit per alta montium cacumina;  
Quærit per ima uallium cubilia,  
Memor locorum, non tamen sui memor:  
Te mane primo, te rubente uespere  
Lugeat: nec illam Luna cum recurreret  
Cælo, nec atræ noctis alma sidera  
Videre dormientem. abire flumina,  
Abire solem, abire cernit omnia;  
At ipsa mæstam sola non abiit domum,

## EPIGRAMMATON

Humi recumbens . strata sub nudo aethere .  
Hanc & puella nemorum , & ipse corniger  
Sylvanius aspicit ; hanc bubulcus intuens ,  
Miser bubulcus , nec iuvare eam ualens ,  
Tantum , quod unicum in malis refugium habet ,  
Susspirat , ingemit , deum inuocat fidem ,  
Iraus urfis , quòd coegerint procul  
Abire siluis albulum iuueniculum ,  
Et tam uenustam clamitare buculam .

## IN GEMMAM SVAM.

Hæc , mihi quæ roseos iussit sordere hiacynthos ,  
Et nitet articulis unica gemma meis ;  
Cuius in exiguo ductor stat troicus orbe ,  
Anchisesq; senex , Ascaniusq; puer :  
Quis credat ? ueteres inter neglecta ruinas ,  
Et uili latuit semisepulta solo .  
Tu tamen obrueras ; nec te sinuessa pudebat  
Hoc decus heu terris occuluisse tuis .  
Scilicet Aenean natumq; , patremq; gerentem ,  
Ignibus ereptos obrueresq; Deos ?  
Parcere debueras , cui iam pia flamma pepercit ;  
Nec te tam turpi dedecorare nota .  
Et dubitem Belgasq; feros , rigidosq; Britannos  
Hæc comite ignotos & penetrare sinus ?  
Hæc est Iliacos pietas spectata per ignes ;  
Cum uerita est profugos ledere flamma deos .

## DE VENERE, ET MARTE.

Dum Venus armatum complectitur obuia Martem ;

*Distrinxit teneram fibula adunca manum.  
Sensit, & ante Iouem ridens ait emula Pallas:  
Bella iterum gessit cum Diomede soror.*

## DE ENDYMIONE, ET LVNA.

*Spreuerat hirsutas pascentem Pana capellas  
Candida nocturnis quæ Dea fertur equis.  
At postquam niuæ conspexit munera lanæ;  
Post habuit notas Endymionis oues.  
Qui simul ac tristes somno inclinaret ocellos;  
Mors hæc, mors, inquit, non mihi somnus erit.*

## DE FERDINANDO IUNIORE.

*Corniger æsculea Fœnus recubabit in umbra;  
Cum prope latrantes sensit adesse canes.  
Mox iuuenem superis similem, diuinæq; tela  
Conspectuens, trepido sic mouet ora sono.  
Seu Mars, siue alto Phœbus descendis Olympo;  
Iam iam linquo omnes te ueniente feras.*

DE POGGIO FLORENTINO  
HISTORICO.

*Dum patriam laudat, damnat dum Poggius hostem;  
Nec malus est ciuis, nec bonus historicus.*

## DE BARTH. PLATINA.

*Ingegenia, & mores, uitasq; obitusq; notasse  
Pontificum; arguta lex fuit historia.  
Tu tamen inclaustræ tractas pulmenta culinae:  
Hoc Platine est, ipsos pascere Pontifices.*

# EPIGRAMMATON

## DE DIANA, ET FERDI. II.

Errabat Diana suis immixta puellis;  
 Cum procul ecce mei conspicit ora Ducis;  
 Atq; ait: huc Nymphæ concedite; nanq; propinquas,  
 Qui regat in sævas certius arma feras.

## DE MANE, ET VESPERE.

Sol iubet exorienz, Faunos, Dryadasq; puellas  
 Quærere, & herbofo ducere monte choros.  
 Declinis, nitreas suadet descendere ad undas,  
 Doridæq; , & lusus ô Galatææ tuos.  
 Causa patet: quia, sublimes cum tendit in arces,  
 Nos quoque per salus, & iuga summa rapit.  
 Cum uero hesperios petit imæ Thetyos amnes  
 Exemplo ad fontes nos uocat ipse suo.  
 Hinc adeo natura hominum loca mane requirit  
 Ardua; cæruleis uespere gaudet aquis.

## DE VULTURNO, ET PVERO REGIO.

Miramur tacitis Vulturnum currere lymphis,  
 Et tardos dura compede ferre pedes.  
 At magis occulto mirabimur urier igni,  
 Et puerum rota nocte uocare suum.  
 Tū ne etiam formose puer uaga flumina torques?  
 An fuerit reges perdomuisse parum?  
 Quin etiam combure Deos dominoq; Deorum  
 Arma moue; & pulso da Ganimedæ merum.

clara



## In Quintium.

*Clara tibi uideor scripsisse epigrammata Quinti.*

*Sunt, fateor: medio scripsimus illa die.*

*Tu latebras obscurus amas; quia lumine nullo,*

*Atque intempesta scribere nocte soles.*

## De Mercurio, &amp; Amore.

*Dum comes aligero Clenius iret Amori*

*Aliger; incauto subripuit facultas.*

*Depresso tum fure, manum referebat ad arcum;*

*Sed non inuenta risit Amor pharetra.*

## In Tumulum Annibalis.

*Annibal huc uictas secum Carthaginis arces*

*Transtulit: hac ambos terra libyssa tegit.*

## De Venere, &amp; Iunone.

*Confidit nimum iaculo dum pulcher Adonis;*

*Inguina setosus candida rupit aper.*

*Accurrit miseranda Venus. tum nupta tonantis;*

*Quid gemit hac? nullo Mars meus ictus apro est.*

## In Fabianum.

*Esse tibi sapiens, & uir Fabiane uideris:*

*At mihi nec sapiens, nec Fabiane uir es.*

## De Prætore Præsede Deside.

*Ait nefastas esse nundinas prætor;*

*Fari recusat: quid nefastius dicas?*

# EPIGRAMMATON

## Atramentum Scriptorium .

**Ferrum** putre sitū spumanti feruet aceto,  
Mandet ut æternis scripta uoluminibus .  
**Scilicet** hoc illud , uasum uolitare per ora  
Hoc est , Pyramidas uincere Nile tuas .  
**Infelix** fatum : sanies rubiginis ergo  
Eripit inuiso nomina nostra rogo ?

## Ad Federicum Regem .

**Ne tibi** non aliquid Iani misisse calendis  
Arguar , aut latam non celebrasse diem ;  
**Mittimus** hibernis seruatas mensibus uias ;  
Insper & faustas addimus ore preces ;  
**Ut tibi** qui nitido cum sole remascitur annus ,  
Felici redeat candidus usque pede .

## In Mancinum .

**Qui ferro** fratres , stupro Mancine sorores  
Fas uiolare putat ; quid putat esse nefas ?

## Tumulus maximillæ .

**Hic hic** siste precor gradum uiator .  
Hoc sub marmore Maximilla clausa est :  
**Quacum** frigiduli iacent amores ,  
Et lusus , Veneresq; gratiæq;  
**Hanc illi** misera seuera Clotho  
Pro dulci thalamo domum parauit .  
**Has matri** dedit , has patri querelas

Pro plausu, choreisq; nuptiarum.  
 Quid firmum tibi; quid putes uictor  
 Mansurum inuictabile, aut perenne?  
 Siquæ deliciæ iuuenulorum,  
 Et decus fuerat puellularum,  
 Nunc eben iacet ecce Maximilla,  
 Luctus perpetuus iuuenulorum,  
 Aeternæ & lacrymæ puellularum.

### De Mirabili Vrbe Venetiis.

Viderat hadriacis Venetam Neptunus inundis  
 Stare urbem, & toto ponere iura mari.  
 Nunc mihi tarpelas quantumuis Iuppiter arcus  
 Obijce, & illa tui mœnia Martis, ait.  
 Si Pelago Tybrim præfers; urbem aspice ueranque:  
 Illam homines dices, hanc posuisse Deos.

### De Alfonso Duce Calabria.

Alfonsus magnum dum traicit Apenninum;  
 Castraq; non solita primus in alpe locat:  
 Armorum sonitus, galeasq;, ærataq; tela  
 Siluarum dominæ pertinuere Deæ.  
 Nec minus occultas satyri petiere latebras,  
 Assueti imbelles ante uidere feras:  
 Spectaruntq; procul celsa de rupe silentes;  
 Agmina dum, & magnos cogeret ille duces.  
 Atque aliquis signa aspiciens, miratur, & inquit:  
 Imperium uobis urbis, & orbis erit.

De Innocentio VIII. Pontifice Max.

Innocuo priscos æquum est debere Quirites.  
Progenie exhaustam restituit patriam.

Ad Venerem.

Quid mihi te facilem blandis promittis ocellis,  
Si miserum sic post uris acerba Venus?  
Non decet hoc superos. aut te mihi fronte serena  
Concilia, aut toruo lumine bella moue.

De Galla.

Omnes, quos scripsi, uersus uult Galla uidere:  
Mittam ego, pro libris si mihi labra dabit.

De Verustino.

mihi sepulchro prædium Verustinus,  
Sed quod futuros non sequatur hæredes;  
Iraus æque mortuisq; uiuisq;  
Scribiq; curat grandibus notis, demens,  
Viginti in agra, in fronte ter pedes octo.  
Habitat sub urbe scandulis tribus reclus;  
Ne pensione de grauetur, aut sumptu.  
Dormit grabato. quo nec ipse iam uellet  
Dormire cimex, nec lacerta, nec sorex.  
Cœnat per hortos alliumq; capasq;.

Et salmagorum iure linidos caules :  
 Vel, siquid optat unctius sibi poni,  
 Piscatur ipsis in paludibus ranas:  
 Aut è cloaca colligit meras sordes,  
 Putrem palumbum, mortuum ue caponem  
 Et doliorum turbidam bibit facem,  
 Tanquam falernum consulare, uel chium,  
 Opimianæ quod refunderint cellæ.  
 Nec iam pro festis hoc, sed idibus tantum  
 Sacrisq; potat ferculis calendarum.  
 Et mane ueste currit anxius raptæ  
 Ad architectos, marmorumq; sectores,  
 Ut de sepulchro conferat nouas lites.  
 Quos iam misellos pessimis modis mulctat;  
 Ducit, reducit, distrahit, rapit, uexat,  
 Per angiportus, niculosq; cliuosq;  
 Et per riunas urbis, & per anfractus:  
 Mostrat theatra, porticusq; priscorum,  
 Arcusq; claris principum sacros armis;  
 Hinc & deorum templa, & obruptas thermas.  
 Et quicquid altis fornicum subest cliuis:  
 Nec iam fauissas linquit, & nigros manes.  
 Demum trecentis cum laboribus fractos.  
 Et æstuanter pariter, & fame siccos  
 Vix officina post meridiem reddit  
 Iam feriata, uetigalibusq; adhuc clausa.  
 Culpat coronas; zophorumq; permutat:  
 Spiras reformat, & scapos columnarum:  
 Et nunc hetruscas, nunc corynthias manuile:  
 Nunc doricarum laudat ordinem tantum;

## 28 EPIGRAMMATON

Cuēctas, triglyphos, tēnias, thoros, plinchos.  
 Quid cum columnis nunc tibi Verustine,  
 Aut cum uoluta, ionicis ue puluinis?  
 Dormi miselle; sat diu laborasti:  
 Cœnare fessos & aliquando permitte.  
 Aut, si sepulchri cura te coquit tanta,  
 Cadauer istud uel gemonijs conde.

### In tumulum Neæræ.

Quæ uoces? Charicum. quæ circum pompa? Neæræ.  
 Vnde odor hic? cineri thura ministrat Amor.  
 Vnde pyra? ex pharetra. qui nam struxere? lepores.  
 Ast hæc illa crymans quæ legit ossa? Venus.  
 Fortunatæ lapis, tumuloq; beator omni;  
 Tu regis in terris siquid honoris eras.

### De Hybla.

Hybla mei quondam dulcissima cura Marulli;  
 Hyblæ suburbano nuper humata solo:  
 Accipe quæ multo promuntur uerba dolore:  
 Accipe de lacrymis humida ferta meis.  
 Te rosa, te uiolæ, te mollis amaracus ornet:  
 Te pia suspensio pondere uelet humus.  
 Et tibi, quod raræ possunt sperare puellæ;  
 Contingant uatis carmina docta tui.

### De Aufidio.

Dum caput Aufidio tractat Chirurgus, & ipsum  
 Attilius exquirat, quo uideat cerebrum.

*Ingemite Aufidius ; quid me chirurgæ fatigas ?  
Cum subij rixam , non habui cerebrum .*

*Ad Alfonsum .*

*Qui prius herculeæ sensit Leo vulnere clauæ ,  
Hic Alphonse tuos corruet ante pedes .  
Quæq; uiræ nostras quercus passura secures ,  
De seret immundos fulmine tacta a fues .  
Victa dabit Bellona manus : pax arua reuifcet  
Claudetur diuæ Marte sedente fores .  
Tunc pia Parthenope lætos tibi ducet honores .  
Perfora , per uicos ocia uulguæ ager .  
Sebethosq; pater flauis metuendus hebruscis ,  
Aurea cæruleum tollet ad astra caput .*

*In Lydam .*

*Cum dixi medio tibi macram algere sub æstu ,  
Non dixi fluium Lyda : quid ergo ? citem .*

*In Ollum .*

*Omnia facturum te dicis , nil facis Olle .  
Nil mirum : leuius dicere , quàm facere est .*

*Ad Rufum .*

*Tanquàm prisca mihi , saxoq; inuenta uetusto ,  
Disticha Rufe soles sæpe referre tua .  
Sculptum adeo me Rufe putas ? ego tam mala credam  
Carmina Romano marmore posse legi .*

## EPIGRAMMATON

Archemoro longos affingis Nestoris annos.  
Andromaches puerum Laomedonta uocas.  
Desine mentiri Pyliam, Phrygiamq; senectam.  
Sint uetera hæc alijs, mi noua semper erunt.

### De Cyparisso Puero.

Flebat ad huc mærens ceruo Cyparissus adempto,  
Cum sua conspexit cortice membra regi.  
Delius exclamat: quid nostro silua dolore  
Crescis? Tu Daphnen, tu Cyparisson habes.

### De Harmosyne.

Har mosinen quisquis seu uir, seu foemina uidit,  
Deperiet: an ne oculos Aëtius unus habet.

### De Iucundo Architecto.

Iucundus geminos fecit tibi Sequana pontes:  
Iure tuum potes hunc dicere Pontificem.

### De Aenea, & Didone.

Immemor ah misera cur ensem linquis Elise  
Nate dea? profugas non grauat ille rates.  
An ne parum fuerat causam dare mortis acerba,  
Ni ferrum fugiens tu quoque triste dares?  
Tolle precor tumidas tecum hoc, iam tolle per undas.  
Discessu, satis est, si perit illa tuo.



## In Cæcilianum .

Si tibi per genium fas est iurare Minervæ,  
 Per Veneris flammæ Cæciliane comas;  
 Nec inbar excipitur solis, nec cornua Phœbes,  
 Nec capitolini crura, caputq; patris:  
 Cur mihi tu uentrem, cur intestina deorum,  
 Hispana tactus religione, sonas?  
 Non pudeat heu cælum rebus fœdare pudendis?  
 An credis magnos hæc quoque habere deos?

## Ad Marinum Caracciolum.

O dulce ac lepidum Marine factum,  
 Dignum perpetuo ioco, atque risu,  
 Dignum uersiculis, facetijsq;  
 Necnon & salibus Marine nostræ,  
 Ille maximus urbis Imperator  
 Cæsar Borgia, Borgia ille Cæsar,  
 Cæsar patris ocellus, & sororis,  
 Fratrum blanditiæ, quies, uoluptas,  
 Montis pupulus ille uaticani,  
 Ille inquam dominæ urbis inquinator,  
 Cæsar Borgia, Borgia ille Cæsar,  
 Cynædi patris impudica proles,  
 Mæchus ille sororis, atque adulter,  
 Fratrum pernicies, lues, sepulchrum,  
 Montis bellua terra uaticani;  
 Quingentas modo qui uorauit urbes  
 Imbuens scelere, & malis rapinis,  
 Vrbes sub ducibus suis quietas,

Quascunque aut Latium ferax uirorum,  
 Aut Campania pinguis, aut per alta  
 Diuisi iuga continet Sabini;  
 Hisq; ingessit Ariminum, Pisaurum,  
 Vrbium, Populoniâq; magnam,  
 Camertes pariter, Forumq; Lini  
 Corneliq; forum, Fauentiamq;  
 Et quantum Aemilie est, Hetruriaq;  
 Quantum circuitu hic & inde longo  
 Neptuni lauat æstuantis unda.

At nunc quis neget esse opus deorum?  
 Dum uercors animi impotente morbo,  
 Queris plura, nec est poris misellus  
 Explere ingluuiem periculosam;  
 Ecce ecce euomit; ò Iouem facetum,  
 Ò pulchram Nemefim, ò uenusta fata.  
 Verum salicet id Marine, uerum est,  
 Quod dici solet, en fides probat nunc;  
 Fortunam si auide uorare pergas;  
 Eandem male concoquas, necesse est.  
 Ut iure euomere hunc putemus ipsum,  
 Qui tantum miser hausit oppidorum.

Ast id omne, quod hausit, oppidorum,  
 Quod quinque assiduus uorauit annis,  
 Imbutus scelere, & malis rapinis,  
 Scis quot euomit diebus? uno;  
 Ò lucem meam, ò Iouem facetum,  
 Ò pulchram Nemefim, ò uenusta fata,  
 Ò dulce, ac lepidum Marine factum.

## De Cæs. Borgia

Aut nihil, aut Cæsar uult dici Borgia: quid ni?  
Cum simul & Cæsar possit, & esse nihil.

## Ad Eundem,

Omnia uincebas: sperabas omnia Cæsar.  
Omnia deficiunt; incipis esse nihil.

## Dies Genialis.

Aureli perfunde meis unguenta capillis  
Tu super, & uernas sparge Nearche rosas,  
Sed prius æstiuum ramis defendite solem;  
Et uiridi mollem sternite fronde torum.  
Non plumæ, non picta iuuant me stragula, nec quæ  
Pauonis uario sponda colore nitet.  
Larga coronata disponite pocula mensa;  
Satino & gelidas adsociate niues:  
Certatimq; leues potanti inducite somnos.  
Sic iuuaet ætatis ducere fila mea.  
An scimus miseri, quid lux uentura minetur?  
Vinamus. mortem fallere nemo potest.

## Ad Amicam.

Da mihi tu mea lux tot basia raptæ petenti,  
Quot dederat uati Lesbia blanda suo.  
Sed quid pauca peto, petij si pauca Catullus  
Basia? pauca quidem, numerentur, erunt.  
Da mihi, quot calum stellas, quot litus arenas,  
Siluaq; quot frondes, gramina campus habet;

## EPIGRAMMATON.

Aere quot uolucres, quot sunt & in aequore pisces;

Quot noua cecropiæ mella truentur apes.

Hæc mihi si dederis, spernam mensasq; Deorum,

Et Ganimedæa pecula sumpta manu.

### Ad Bassum de Phyllide.

Cum de cathedra Basse surgeret nuper

Mammosa Phyllis; tunica mollis, ut sæpe

His accidit, qui obesulas habent clunes;

Intrauit illuc, unde prodeunt auræ,

Quæ de Sabæis messibus nihil spirant:

Quod ut animaduertit dicaculus quidam;

Urbanio rem ut se faceret, ait ridens:

Heus Phylli, quis nam mordicus tenet uestem?

Vorabit hanc, ni præcaues. Ad hunc Phillis,

Immo, inquit, ut scias, sibi labra abstergit:

Accede pupe, basiare te nam uult.

### Ad Vesbiam.

Aspice, quàm uarijs dstringar Vesbia curis.

Vror, & heu nostro manat ab igne liquor.

Sum Nilus, sumq; Etna simul: restringite flammam

O lacrymæ, lacrymas ebibe flamma meas.

### Ad Aeglen.

Si tibi sum Phœbus; si sum tibi Iupiter Aegle:

Cur tu non Daphne sis mihi, non Danaë?

### Ad Pulicianum.

Ait nescio quis Pulicianus,

Ni pulex mage sit uocandus hic, qui  
 Vnus grammaticus, sed his minutis  
 Vel longe inferior, minutorq; est;  
 Diuinum sibi passerem Catulli  
 Haud quaquam bene passerem sonare;  
 Nec iam id esse, quod autument legentes,  
 sed quod uersiculis parum pudicis  
 Ludens innuat ipse Marialis:  
 Da mi basia, sed Catulliana:  
 Quae si tot fuerint, quot ille dixit;  
 Donabo tibi passerem Catulli:  
 Ut sit, quod puero poeta possit  
 Post longas dare basiationes,  
 Quod saluo nequeat pudore dici.  
 Proh dū quam uaser es Puliciane;  
 Solus qui bene calleas poetas.  
 Nimirum, & quod ab omnibus probetur,  
 Mutandam quoque suspicaris illud,  
 Quod nunc illepidumq; & inficetum  
 Mendosis epigrammarum libellis  
 Insulse legit imperita turba:  
 Sic forsitan tener ausus est Catullus  
 Magno mittere passerem Maroni:  
 Cum sit simpliciusq; rectiusq;  
 Mitti, dicere, mentulam Maroni.  
 Sed quid uos Aganippides puella  
 Ridetis? meus hic Pulicianus  
 Tam bellum sibi passerem Catulli:  
 Intra uiscera habere concupiscit.

# EPIGRAMMATON

De Eodem.

Vanas gigantum iras, & impetus graves  
 Miratur aliquis audiens mortalium;  
 Ausumq; calo vincula inferre irrita  
 Sæuum Typhoea, cum iugosum Pelion  
 Adderet Olympo. matre nec terra satium  
 Agnosceret sese; impium donec pater  
 Iræus ardenti igne substulit caput;  
 Vt par erat: nam quis petat sanus Deos?  
 At nunc quis hoc, quis hoc ferat mortalium?  
 Iners, pusillus, unus, heu pulex ciet  
 Turmas, cohortes, copias, manipulos  
 Muscarum; & altos scandere adparat toros  
 Heroum; opacis qui sub umbris arborum  
 Strati, ac perenni flore sub fulsi caput,  
 Ducunt quietem perpetem, eternam, optimam;  
 Nec nostra curant dicta, uel facta amplius,  
 Vt qui beatos incolant tui locos;  
 Et nomen alte in arce sacrarint suum,  
 Functi periculis, & malis laboribus;  
 Cunctasq; fortunæ improbæ calcant minas,  
 Ne dum pusilli pulicis morsus leues.  
 At tu moleste, amare, uesane, impie  
 Pulex, inepti concitator agminis,  
 Quò pròripis te? quò uocas muscarias  
 Istas phalanges? quò uolatiles globos  
 Impellis audax? i procul miser, miser,  
 I criminoſe maximam in malam crucem.  
 Haud fas quietas manium sedes Deum

Muscas subire, pulicumq; copias.  
 Nil hic negoci uel, uel pessimis  
 Tuis maniplis: quid moraris impie?  
 Abi profundam in noctem, & ultimum Chaos.  
 Speranda certe gloria hic nulla est tibi.  
 Quos dii probauere semel, hos semper probant.

### Acteon Marmoreus.

Viderat ideo oues in uertice diuas  
 Phryx Paris, & dixit, uincis utranque Venus.  
 At si, Gargaphijs quam nos male uidimus undis,  
 Vidisset, poterat dicere; cede Venus.

### Orpheo Respicienti.

Hoc fuit infelix, & adhuc heu respicis Orpheu,  
 Quod te, quod miseram perdidit Eurydicen.

### Echo Loquitur.

Vidi, arsi, fleui, tristemq; (heu fata) repulsam  
 Spreta tuli: sum nunc uox, sonus, aura, nihil.

### Eadem Iocatur.

Cum facie caream, quæris, cur dicar imago:  
 Cum tua uerba sequar: dic, ubi lingua mea est?

### In Malum Librum.

Si sapi, hospes abi; miserum neu tange libellum.  
 Non hic Mæoniden, Virgilium uel leges,

# EPIGRAMMATON

Sed fœdas Bauij chartas, & olentia Mæni  
Carmina, Romani dedecus eloquiij.

Quid dubitas sacros incendia poscere lucos;  
Abnuerit liquidas si dare Phœbus aquas?

## ACTII SYNCERI SANNAZARII NEAPOLITANI, VIRI PATRI CII, EPIGRAMMATON LIBER II.

CVM uehor picta uacuus phaselo;  
Et modo septos iaculis echinos,  
Nunc bene hærentes scopulis laboro  
Vellere conchas:

Tange uocales studiosa chordas  
Musa; & auratum moderare plectrum:  
Pauca de multis referamus acta  
Regis amati.

Qualis herbofo spaciata campo  
Virgo, iam matris decus, & uoluptas,  
Necit è solis uiolis coronam,  
Cætera linquens:

Hic ubi ueras imitata turres  
Tot simul pinnis, niuesq; rectis,  
Rupe Mergillina sedens, propinquum  
Spectat in aquor,  
Adsit ex imo Galatea fundo,  
Nil timens sæuos Polyphæmi amores;  
Nec mihi durum refluxens canenti  
Obstrepat unda.



*Sit licet magnus , trepidasq. turmas  
Fragerit primis Federicus ausis ;  
Cum puer celsas penetravit alpes ,  
Saxaque Rheni :*

*Texerit latis pelagus carinis ,  
Dalmatium dices populatus urbes :  
Senserit presso prope fulminantem  
Ore Timaeus :*

*Cinxerit sacra meritum corona  
Et caput ; Gallos quoniam feroces  
Contudit : totas renovavit orci ex  
Faucibus urbes :*

*Nil tamen maius , nihil egit unquam  
Fortius ; quàm quòd turbante regno ,  
Cum sibi sceptrum , & diadema posset  
Sumere tutus ;*

*Coniugem caram , propriosq. natos  
Liquit , & fidas lacrymas clientum ,  
Fratrius heu pulsam sobolem secutus  
Per mare vastum .*

*Ergo nunc illi moderator alti  
Aetheris ; cui sunt pia facta curæ ;  
Regium frontis decus , & negatos  
Addit honores .*

*O' fides , rarum , placidumq. numen ;  
O' mihi nullis reticenda sacris ;  
Te te ego aeternum prece , victusq.  
Prænox ad orem .*

De Andrea Matthæo  
Aquiuiuo .

Cernis , ut exultet patrijs Aquiuiuus in armis ;  
Duraq; spumanti frena relaxet equo ?  
Quis mites illum Permessi ausisse liquores  
Credat , & imbelles excoluisse lyras ?  
Consurgunt niueæ fulgenti in casside cristæ :  
At clypeus toruo Gorgonis ore tumet .  
Maeste animo , rigidum Musas qui stringere ferrum ,  
Qui Mariem doctos cogis amare choros .  
Hæc ducis est uireus ; non uni insistere palmæ ;  
Sed nomen factis quærere , & ingenijs .

In Bubonem .

Nam quis te inepte bubo tam stolidus furor  
Adegit importunum inire prælium ,  
Isto indecenti rostro , & alis luridis ?  
Quid bellicosæ uolucris insulse asperos  
Lacessis ungues ? de sine miser dum licet ;  
Ne dormientis excites somnum tuo  
Cum maximo ( ut par est ) malo , ac clade ultima .  
Sed peruenire uis in ora uulgi ; & hæc  
Via cupis scelestæ fieri notior ?  
Non assequere ; nec profecto tam bono  
Fruere fato . An hoc pudendo sanguine  
Se tingat Aquila , fulminum & celi imme mor ?  
Ponenda honestæ mortis hæc spes est tibi .

## Ad Matonem.

**V**i mandem uictura meis tua nomina cartis;  
Diciſ amicitiam te Maſho uelle meam.

**E**t tibi ſemper in ore duces, quos Græius Homerus,  
Quos noſter Latia uexit in aſtra tuba.

**D**umq; ego ſum tanti te iudice; uenit ab horto

Cum donis holitor bis ue, ſemel ue tuus,

Scilicet æterni prætium mihi grande daturus

Nominis, & fidæ pignus amitiæ.

**O** Maſho, quàm felix & amico, & uate reſertos es,

Quàm felix horto, muneribusq; tuis;

Si quod diſ genitis uix tot peperere labores,

Id tibi lactucæ, prototomiq; dabunt.

## De Patria Homeri.

**S**myrna, Rhodos, Colophō, Salamin, Ios, Argos, A-

Cedite iam: cælum patria Maonide eſt. (Ithaca.)

## De Luna, &amp; Pane.

**E**ffudit longas tegeæa in rupe querelas

Pan captus forma candida Luna tua.

**C**umq; leui calamos cera coniungeret, addit;

Prædata eſ ſenſus tu quoque canna meos.

## In Tumulum Amaranthæ.

**H**ic Amarantha iacet; quæ, ſi ſas uera fateri,

Aut Veneri ſimilis, uel Venus ipſa fuit.

Ad Ferrandum Regem.

Ex ferro nomen tibi sit licet, aurea condis  
Sæcula; nam sub te principe nemo metit.

De Summontii Pietate.

Excitat obstrictas tumulis Summontius umbras;  
Impleat ut sanctæ munus amicitiae.  
Viq; prius uiuos, sic & post fata sodales  
Observat; tristes & sedet ante rogos.  
Nec tantum uiolas cineri, ac bene olentia ponit  
Serta; sed & lacrimis irrigat ossa pijs.  
Parua loquor: cultis reparat monumenta libellis;  
Cum possint longam saxa timere diem.  
At tu, uiuaci quæ fulcis nomina fama,  
Poscenti gratas Musa repende uices:  
Ut quoniam dulces optat sic uiuere amicos;  
Vivat, & in libris sit sacer ille meis.

De Venere, & Diana.

Incultam aspiciens siluis Cytherea Dianam,  
Risit, & , An tendes retia semper? ait.  
Cui Dea casta: Feris cur non ego retia tendam;  
Tendere si potuit uir tuus illa tibi?

Ad Aeglen.

Absentem quæris, præsentem despicias Aegle.  
Non redamas; sed me uis in amore mori.

## De Venere, &amp; Priapo.

*Traētabat clypeum Marti placitura Dione :*

*Sæuāq; feminea sumpserat arma manu .*

*Pone Dea , exclamat periulanti uoce , Priapus ;*

*Pone ; decent istas hæc magis arma manus .*

## In Gelliam .

*Quem tu nunc patrum , nunc patrem Gellia dicis ;*

*Hic tibi nec patruus Gellia , nec pater est .*

## In Flaccum .

*Non largitur opes , & uult epigrammata Flaccus .*

*Iure suo hæc poscit ; uult sibi uerba dari .*

## De Peto Compatre .

*Petus delicia tuæ Dione ;*

*Vni cui Charitum sales beatos ,*

*Cui fontes dederas facetiarum ,*

*Ac risus simul eleganter omnes ;*

*Petus mortuus est tuus Dione ,*

*Petus compater usque ad astra notus .*

*Qui puro niuæ colore mentis*

*Vincebat nitidissimos olores .*

*Cui de lacteolis tuis papillis*

*Donarunt uiolas iocusq; , Amorq; ,*

*Donauit teneram Thalia myrtum .*

*Mox promens citharam decentiorem ,*

*Versus addidit eruditiores .*

*O'sen , nimium , malæq; Parca ,*

Vestros non potuit tenere fusos  
 Petus; qui rapidas domare tygres;  
 Qui duras potuit mouere quercus,  
 Vestras non potuit tholos morari.

Sic, sic occidis heu miselle Pete:  
 Nec te pierides tuæ, nec ipsa  
 Quæ te per Paphon, & Gnidon uirentem,  
 Per colles Amathuntios uocauit,  
 Fatis eripuerè tam malignus.

At non unanimes tui sodales,  
 Quos tu pectore tam pio colebas.  
 Quos tristes obitu tuo relinquis,  
 Hoc duro tibi defuere casu.  
 Quin me transligerim, ferosq; Celtas,  
 Lustrantem Morinum pigras paludes,  
 Dum quero Oceani ultimos recessus;  
 Veris nuncius obruit querelis.  
 Ergo quid tibi tam uagus uiator,  
 Cui nec pulchra Neapolis, nec altè  
 Colles Pausilypi, nec ipse adesses  
 Sebethos pater, aut pater Vesæus;  
 Inferre exequiarum amice possem?  
 Rupem, quam uagus hinc, & inde Nereus  
 Alterna ueniens retundit unda,  
 Accessi; & procul angulo in supremo  
 Stans, supra pelagi alluentis æstus,  
 Manes terq; quaterq; conuocaui.  
 Hic fudi lacrymas amariores:  
 Hic uici gemitus uel unus omnes,  
 Omnes & simul omnium querelas.

Mox quamvis cineri tuo decentem  
 Pontanus tumulum pararit, ac te  
 Cognatus ueneretur inter umbras;  
 Quamvis & diuturnius sepulchrum,  
 Quod nec sæcula uincere ipsa possint,  
 Diuinis paret excitare charthis:  
 Nostrum non tibi qualecunque munus  
 Inter frigora, solitudinesq;  
 Cessauit; nec honore te supremo  
 Fraudari miser: hoc scit ipsa Thethis;  
 Scit late Oceani unda Gallicani.  
 Stant aræ tibi, stat uidenda nautis  
 Terrent tumuli pusilla moles;  
 Et buxus super, & dicata quercus.  
 Nam myrtum regio illa non habebat.  
 Quæ iussit pietas sacrare, ut esset  
 Naturæ tibi terminus sepulchrum.

### Ignes Nocturni Romæ.

Aspicias, ut picti uultus imitetur olympi,  
 Certet & astriferos vincere Roma polos.  
 Scilicet hos Augusto tibi largitur honores;  
 Ne cupias magni tecta uidere Iouis.  
 Alta coronatæ iactant incendia turres:  
 Et Vaticano fulmina monte tonant.  
 Dumq; palam tantos cupit ostentare paratus  
 Vrbs nimium in laudes ambitiosa suas:  
 Vivant astra, inquit, summo contenta Tonantes;  
 Pareat Augusto dum modo Roma suo.

# EPIGRAMMATON

## De Tyrannis, & Bruto.

**Cum** tot Tarquinius passim consurgere cernas ;  
Miraris, Brutum cur ferat Italia ?

## In Tumulum Pueri.

**Nate** patris, matrisq; amor, & suprema uoluptas,  
Accipe, quæ nobis te dare par fuerat.  
**Basta** eheu, tristesq; notas damus; inuida quando  
Mors imminaturo funere te rapuit.

## De Hercule, & Ganymede.

**Palluit** Alcides teneri Ganymedis amore :  
Et uetas amissi cesserat ador Hylæ.  
**Quid** linquet nobis puer hic? ait uxor; honores:  
Eripuit quondam; nunc rapit ecce uirum.

## In Vfentem Crapulatorem.

**Non** futuit, non predicat, non irrumat V fens :  
Ista olim : quid nunc? aut uomit, aut comedit.

## In Degenerantem.

**Nomen** aui, non facta refers : diceris ab illo  
Alter, sed iuuenis tu, precor; ille senex.

## De Ioue, & Cupidine.

**De** Veneris nato quæsta est Diætyнна Tonanti,  
Quòd nimis ille puer promptus ad arma foret.  
**Turn** pater accito ostendens græue fulmen A mori,  
Hoc tibi sane fuer spicula franget, ait.



*Cui lascius Amor motis hæc reddidit alis :*

*Quid si iterum posito fulmine Cycnus eris ?*

*In Riccium.*

*Aegrotat sedi vitio , & male Riccius audit .*

*Quid , si esset surdii Riccius auriculis ?*

*De Danae , & Ioue.*

*Formosam Danaen munibat aenea turris :*

*Et satis hoc nanus credidit esse pater .*

*Indoluit , teneræ miseratus fata puellæ*

*Iuppiter , & subito factus amator , ait .*

*Ergo arcere potes natam diuisq; , uirisq;*

*At si non arces imbribus ; imber ero .*

*De Lucio Grammatista.*

*Noctes , & noctes iterat dum Lucius , illi*

*Perpetuam noctem præbuit altus Arar .*

*De Vulcano , & Venere.*

*Horrida calicolis narrabat prælia Miuors ,*

*Seuâq; terribili capta trophæa manu :*

*Quod Venus audiret , doluit Vulcanus & , Heus tu*

*Inquit , an exspectas , ut mea uincla canas ?*

*De Selpso.*

*Miraris , liquidum cur non dissoluor in amnem ,*

*Cum nunquam siccas cogar habere genas .*

*Mirror ego , intenues potius non isse favillas ,*

*Assidue carpant cum mea corda faces .*

## EPICRAMMATON

*Scilicet ut misero possim superesse dolori;  
Sic lacrymis flammæ temperat acer amor.*

### De Hercule, & Ioue.

*Pendebat Phrygiæ Tirynthius ore ministri;  
Delicias magno dum facit ille Ioui.  
Tum pater, haud equidem faui fortissime, dixit,  
Formosum rapuit cum tibi Nais Hylan.*

### De Venere, & Pallade.

*Indureat thoraca humeris, galeamq; decoro  
Aptarat capiti, Marte iubente, Venus.  
Nil opus his, Sol, Dina, inquit; sumenda fuerunt,  
Cum uos ferratæ circuire plagæ.*

### Catonis Tumulus.

*Hic, ubi libertas, magni & iacet umbra Catonis;  
Quàm melius poterant Cæsaris ossa tegi.*

### De Venetorum Signis.

*Romanas Aquilæ postquam liquere cohortes;  
Magnanimus turmas ducit in arma Leo.*

### De Andrea Matthæo Aquiu- uo Duce Hadriæ.

*Mæsta bituntinæ duxerunt ocia Nymphæ;  
Nec Faunis solitos exhibuere choros.  
Scilicet optato quicquid sine principe cernunt,  
Ingratum est, tantus principis urget amor*

Nec satis est, positis arcum spreuisse sagittis;  
 Questibus & totos continuasse dies.  
 Ast etiam nostris faciunt conuicia terris:  
 Et nos Syneras, Lotophagosq; uocant.  
 Vera loquor: diuæ ueniam date uera loquenti:  
 Non amor hic certe, sed magis inuidia est.

## De Thelesinæ Crinibus.

Dum nectit flauos auro Thelesina capillos;  
 Contraxit radio Phœbus, & erubuit.  
 Mox hæc ad superos: en auro iungitur aurum:  
 Hoc est mortales, hoc superare Deos.

## In Galeatium Caracciolum.

Hippolyten, Leden, Thelesinam diligis unus:  
 Dic mihi, quid tota restat in urbe boni?

## In Theatrum Campanum.

Dicite semidei, silvarum numina, Panes,  
 Et si qua aduentu es Nympha fugata meo:  
 Cui licuit tantas sexorum euertere moles,  
 Quas iam disiectas uix nemora alta regunt?  
 His ne olim sueta est cuneis campana iuuentus  
 Amphitheatrales læta uidere iocos?  
 Nunc ubi tot plaususq; hominum, uocesq; canoræ,  
 Tot risus, tot iam gaudia, tot facies?  
 Scilicet, heu fati leges, rapit omnia tempus;  
 Et quæ sustulerat, deprimit ipsa dies.

# EPIGRAMMATON

## De Fonte Mergillines.

**Est mihi riuo vitreus perreni**

Fons, arenosum prope litus; unde

Sæpe discedens sibi nautæ rores

Haurit amicos.

**Vnicus nostris scater ille ripis,**

Montis immenso sitiente tractu,

Vitifer qua Pausilypus uadosum ex-

Currit in æquor.

**Hunc ego uitta redimitus alba,**

Floræ, & æstiuis ueneror coronis;

Cum timent amnes, & hiulca sæuum

Arua leonem.

**Antequam festæ redeant calendæ**

Fortis Augusti, superantq; patri

Quattuor luces; mihi tempus omni

Dulcius æuo.

**Bis mihi sanctum, mihi bis uocandum.**

Bis celebrandum potiore cultu,

Duplici uoto, geminaq; semper

Thuris acerra.

**Nanque ab extremo properans eoo,**

Hac die primum mihi uasgenti

Phœbus illuxit, pariterq; dias

Hausimus auras.

**Hac & insigni peragenda ritu**

Sacra solennes ueniunt ad aras.

Nazari unde omnes tituli, meaq;

Nomina gentis:

Nazari uastas cohibentis undas  
 Aequoris, sauosq; donantis æstus,  
 Quicquid & uani truculentæ iussit  
 Ira Neronis.

O decus cali, simul & tuorum,  
 Rite quem parua ueneramur æde;  
 Cui frequentandas populis futuris  
 Ponimus aras:

Si mihi primos generis parentes,  
 Si mihi lucem pariter didisti:  
 Huc age; & fontem tibi dedicatum  
 Sæpe reuise.

Diuo Nazario.

Natali quòd Diue tuo lucem editus hausi;  
 Quòd tua nascenti lux mihi prima fuit:  
 Aëtius hoc riguo paruum cum fonte sacellum  
 Dedico; tu mihi fac rata uota tuo.  
 Ut quæ sextiles lux uenerit ante calendas  
 Quarta, sit hic generi bis celebranda meo;  
 Et quòd solennes reuocat tua festa per aras;  
 Et quòd natalem contingit esse meum.

De Lauro, ad Neritinarum  
 Ducem.

Illæ deum latis olim gestata triumphis  
 Claraq; Phœbæ laurus honore come,  
 Iam pridem male culta, nouos emittere ramos,  
 Iam pridem bacas edere desierat.  
 Nunc lacrymis adiuta tuis reuirescit; & omne

## EPIGRAMMATON

*Frondiserum spirans implet odore nemus.  
Sed nec eam lacrymæ tantum iuuere perennes;  
Quantum mansuro carmine quod colitur.  
Hoc debent Aquiniue Duces tibi, debet & ipse  
Phæbus; nam per te laurea silua uiret.*

### In Tumulum Cottæ Veronensis.

*Sperabas tibi docta nouum Verona Catullum:  
Experta es duros bis uiduata deos,  
Nulla animum posthac res erigat; optima quando  
Prima rapit celeri Parca inimicam manu.  
Quæ tamen ut uidit morientis frigida Cottæ  
Ora; suum fassa est crimen, & erubuit.*

### In Picentem medicum.

*Quòd noctu latras, quòd sellas olfacis unus;  
Da ueniam Picens, hoc canis est uitium  
Sed quia tu Cynicus uis dici, & Clinicus idem;  
Esse idem poteris Merdicus, & Medicus.*

### De Ferdinando Iuniore.

*Si merita audieris Ferrandi; Neſtora credas:  
Si numeres annos; dixeris Antilochum.*

*Tumulus, in quo ploratur  
Filius unicus.*

*Cur heu lætitiā, falſo dixere parentes?  
Triftitiā qui me dicere debuerant.*

Natus eras miserae lux unica matris, ocellus  
 Vnicus; hunc Lachesis noxia subripuit.  
 I nunc, uel Nioben confer mihi; cuius habet fors  
 Hoc melius; fieri saxea quod potuit.

## In Picturam.

Anna parens, cui caelestem sperare nepotem  
 Contigit, intactae uirginis Anna parens:  
 Ut tandem te te meliori in sede locares,  
 Credibile est artes edidicisse nouas.  
 Scilicet obscænae semper conuicia turbæ,  
 Et scelera antiqui perpetiar domini?  
 Vix hæc; & medicas inuadis protinus artes:  
 Nec mora, iam cæcis lumina restituis.  
 Accurrunt ægri; complentur compita rhedis;  
 Occupat angustas sedula turba uias.  
 Ecce in quo picta es, paries excinditur; & te  
 Accipit hospitio nata benigna pio.  
 Nimirum sapias Anna; hoc contulit ipsa senectus;  
 Haud aliter poteras hac caruisse domo.

## De Iunone, &amp; Ganymede.

Iusserat Iliacum mensis adstare ministrum  
 Iuppiter: at coniux, Quis mihi miscet, ait?  
 Ille uerecundis libat chrystalla labellis:  
 Cui Dea; Amatori de puer ista tuo.

## In Catonis Laudem.

*Quæ tegit extinctum cum libertate Catonem,  
Insultat tumulis Cæsar arena tuis.*

## De Homero in latinum uerso.

*Quid septem de uate sacro contenditis urbes?  
Ecce potest ciuem dicere Roma suum.  
At uos aut nostrum, si fas, auferte Maronem;  
Aut alium uobis quærite Mæoniden.*

## In Tumulum Assanii.

*Tu, qui disiectos artus, inhumataq; furtim  
Assanij occulto membra refers tumulo;  
Macte animi pietate, tamen nihil irrita busti  
Gloria tam claros afferet ad cineres:  
Quandoquidem uoluit potius sic sparsa iacere,  
Quàm cadere ad tristes nobilis umbra rogos.  
Nunc late exigui fines egressa sepulchri,  
Eorum fama uerberat Oceanum.  
Contempsit dulcemq; animam, floremq; iuuentæ;  
Sanguine ut agnato dedecus elueret.  
Cumq; hausit sæui stricto latus ense tyranni;  
Laudem obitu statuit quærere, non tumulum.  
Quodq; magis mirere; hilavis, ridensq; cruentos  
Carnificis cultos cernere sustinuit.  
Disimulet patriam; taceat nomenq; genusq;:  
Qui facit hoc, dicit se Lacedæmonium.*



## In Tumulum Caudolæ.

Heu quæ te rigidi rapuit uis effera fati ;  
 Quis matri miseræ tot perperit lacrymas  
 Flos ueterum Caudola uirum ? tibi mœsta sepulcrum  
 Illa dedit ; tristes Aetius hoc titulos ;  
 Hos titulos ; qui te nigras descendere ad umbras ,  
 Obduci stygia non pariantur aqua .  
 Tempora miretur quini sua : talis Achilles ,  
 Talis , cum caderet , martius Hector erat .  
 I precor , i millos non durature per annos ,  
 Nestoreos qui iam uiuere dignus eras .

## De Ioue, &amp; Amore

Iuppiter infraëtos iactat dum sæpe gigantes :  
 Et sibi seruati dat decus omne poli :  
 Sic est , inquit Amor ; nanque hoc mugire solebas  
 Tunc quoque , cum torua fronte iuuenens eras .

## Hymnus Ad D. Nazarium.

Nazari heu quis me tibi ad hanc supremæ  
 Littoris ripam , quis ad hos putasset  
 Tethyos fluctus , quis ad has daturum  
 Thura paludes ?  
 Post tot emensos pelago labores ,  
 Tot pererratos populos , sub ipso  
 Fine terrarum datur ecce amicum

# EPIGRAMMATON

*Cernere numen.*

**Ergo** in extremis pater alme terris  
*Barbaræ norrunt tua sacra gentes,*  
*Quà laus dextrum Liger æstuosis*  
*Obijcit undis.*

**Iamq;** & Aulercos genus acre, & ipsos  
*Cernis ad te Lexonios citato*  
*Essedo, & picta uolitare flauos*  
*Puppe Britannos.*

**O** mihi semper geniale cæli  
*Sydus, ò famæ decus omne nostræ,*  
*Auctor ò idem mihi gentis, & spi-*  
*Rabilis auræ.*

**Se** tibi debet præcavorum origo, &  
*Sanguinis si sunt decora ulla nostri:*  
*Debet & præsens genus, & futurum,*  
*Debet & hæc lux*

**Sacra;** quæ magnum mihi prima solem  
*Obtulit nascenti, & inane aperti*  
*Aeris, pulchrosq; micantis æthra*  
*Tot simul ignes.*

**Hinc** tuis per me dare gratæ templis  
*Munera, hinc natalicias coronas*  
*Annuis sœnit sociare fertis,*  
*Dum fuit hæc fors.*

**Nunc** in ignotis uagor ecce campis,  
*Regis heu cari exilium securus;*  
*Dum fides, & fas, & amor, Piusq;*  
*Me rapit ardor.*

**I** puer, buxum nemore è propinquo

Collige, & si quas tibi litus offert  
Quercuum frondes; celebrare mastum  
Sic iuuat annum.

O' ubi dulces patriæ recessus  
Abluis sebeihe loca illa myrto  
Consita; ò, qui Pausilypi uirentes  
Dei mihi citros,

Quà tuum lambens maris unda fontem  
Margines parui minuit sacelli,  
Nostrum opus; quo se recreet quotannis  
Leta iuuenius.

Quæ tibi sacris operata arenis,  
Fronibus remos, celeresq; cymbas  
Ornat; & forsàn mea nunc, ut olim,  
Dona requirit.

Heu pater, cur heu mihi ad institutos  
Non licet iam iam properare cursus?  
Cur uetor templis, & adesse ludis  
Rite dicatis?

Sit satis uentos tolerasse, & imbres,  
Ac minas fatorum, hominumq; fraudes:  
Da pater tecto salientem auito  
Cernere fumum.

### De Amore Fugitiuo.

Queritat huc illuc raptum sibi Cypria natum:  
Ille sed ad nostri pectoris ima latee.

Memiserum, quid agam? durus puer, aspera mater;  
Et magnum in me ius altera, & alter habent.

*Si calem ; uideo , quantus Deus ossa peruret :*

*Sin prodam ; merito durior hostis erit.*

*Adde, quod hæc non est, quæ natum ad flagra reposcat.*

*sed quæ de nostro bella cruore uelit.*

*Ergo istic fugitiue late ; sed parcius ure :*

*Haud alio poteris tutior esse loco .*

*De Camilla Scalampa  
Mediolanensi .*

*Fumantem ambustis olim Phaetonta quadrigis*

*Excipit rapidis fluctibus Eridanus .*

*Ecce recens Ticine tibi de sole trophæum*

*Erigit auratis culta Camilla comis.*

*Nam Deus ille tuis ausus concurrere ripis ,*

*Maiores numem sensit adesse Deæ .*

*O' fatum fluuiorum : ergo noua fabula uestris*

*Semper erunt Nymphis aut pater , aut Phaeton .*

*De Violante Grappina*

*Femina Præclariis.*

*Vnde mihi has uiolas affers puer ? accipe mater :*

*Quando aliud calida de niue nil potui .*

*De niue tu calida uiolas ? perstrinxit ocellos*

*Candor ; & ecce , niuem quod puto , pectus erat.*

*Mira refers : sed tela ubi sunt illa aurea ? habebam*

*Cum legerem uiolas ; nunc Violantis habet.*

## De Morinna.

Sit spectanda comis; sit pulchro corpore tota;  
 Sit Venus, & blandas spiret ab ore rosas;  
 Aoniasq; Deas, ipsam quoque Pallada uincat  
 Ingenio; & dulci pectore mella fluant;  
 Dum tamen ire mihi noëter Morinna quietas,  
 Et sinat arbitrijs libera iura mei.  
 Arsimus; & primos miseri defleximus ignes:  
 Hoc satis: extremo turpe in amore mori.

## Ad Animum suum.

Arstisti; & miseras consumpsit flamma medullas;  
 Aridaq; in cineres ossa abiire leues:  
 Flexisti; roremq; oculi fudere perennem;  
 Sebethus lacrymis creuit & ipse tuis:  
 Ardendi, flendiq; igitur quæ tanta cupido est?  
 O' anime, exequias disce timere tuas;  
 Ne ue iterum tua danna, iterum tuâ funera quæras:  
 Sirenum scopulos præterÿsse iuuat.

## De Cassandra Marchesia.

Desine formosæ dotes numerare puellæ;  
 Desine iam extinctas sollicitare faces.  
 Nã dum sæpe comas, frontemq; , humerosq; manusq;  
 Commemoras; proprios extruis ipse rogos.  
 Dumq; oculis Cassandra, animo Cassandra recurset;

# EPIGRAMMATON

Cassandra heu mentis tus habet omne tua.  
 Blandus amor tacitis subresit in ossa uenenis.  
 Sic sibi uel fatum quilibet esse potest.

## Hymnus Diuo Gaudio.

Gaudete cœtus uirginum  
 Plenas habentes lampadas.  
 Sponsus sacras ad nuntias  
 Venit repente: surgite,  
 Venit serenus lucifer,  
 Nocturna pellens sidera:  
 Optata lux solennibus  
 Adest dicata gaudijs,  
 Lux clara, qua fugans nigram  
 Mundi sator caliginem,  
 Vestri latere gloriam  
 Patris diu non passus est;  
 Qua Gaudiose segmina,  
 Tot inreperta seculis  
 suis uidenda ciuibus  
 Diues retexit urnula.  
 O ter beate & amplius  
 Lapis pusille, qui tuo  
 Tantum uerendum præsulis  
 Sinu recondis puluerem.  
 Præsul sed ò beatior,  
 Claræ decus Neapolis,  
 Tuæ benignus patriæ  
 Fer Gaudiose gaudia.

Adsit fides, & ueritas;  
Adsit probata castitas:  
Morbos, famem, pericula  
Tuis repelle mœnibus.

Ergo tibi sit gloria  
Inseperata Trinitas,  
Verbum, Paterq;, & Spiritus,  
Qui condidistis omnia.

De Eodem ad Vesperas.

Audiat surgens pariter, cadensq;  
Sol tuas laudes, meritosq; honores,  
Vrbis ò nostræ columnen, tuæq;  
Gloria gentis.

Audiat cælum, mare, terra, & aer,  
Annuos ritus tibi dum nouamus,  
Dum damus flammis adolenda sacris  
Thura per aras.

Huc ades festa redimite fronde,  
Cælitum plausus, choreasq; linquens;  
Et tuam sedem, tua Gaudiose  
Ossa reuise;

Ossa, quæ longa tumuli sub umbra  
Abdita, ignaras latuere gentes;  
Nocte mox pulsa redeunt apertas  
Lucis in auras.

Hic dies nobis celebrer, precamur,  
Lætior semper redeat, nec ullos

# EPIGRAMMATON

Hostium motus ferat, aut maligni  
Sideris æstus.

Da tuis longam uenerande pacem  
Ciuiibus, da perpetuos honores,  
Da bonam mentem, superiq; plenos  
Luminis haustus.

Iusta poscentes animos benignus  
Adiuua; iniustos moderare sensus.  
Sentiat per te patuisse castis  
Aethera uotis.

Laus tibi cali pater, atque princeps,  
Omnium rector simul & creator;  
Quem fides ueri studiosa trinum  
Credit, & unum.

## Ad Diuum Nazarium.

Diue, cui uasti metuenda ponti  
Vis, & iratæ famulantur undæ;  
Quem per & spumas gradientē, & æstus  
Nauta uocauit,

Ah miser pœnas pelago daturus,  
Cum niger circum streperet procellis  
Auster, & turbata minax feriret  
Sidera fluctus:

Te, mihi sanctum, patriumq; numen,  
Te canam, gentis columen latine,  
Auream prolem patris Africani,  
Perpetuæq;

Matris heu uulnus graue, dum relictus



Tybridis ripis, Italoq; cælo,  
Sponte trans Rhætos iter, & niuosas

Arripis alpes,

Lactē depulsus, uelut ille, primi

Quem rapit cursus generosus ardor,

Pullus, & matrem fugit, & rapaces

Transilit amnes.

Mox & ad Rhenum, horribilesq; tendis

Treuerum gentes animosus hospes,

Morte festinans capere inuidendæ

Præmia palmæ.

Hic, ubi è caræ gremio parentis,

Iam necis magnæ comitem futurum,

Excipis celsum pater, & salubri

Perluis unda.

Perluis totas, mora nulla, & urbes:

Vndique exhaustis properatur agris:

Barbaros gaudent Dryidæ sacrorum

Ponere ritus.

Nazari nomen, meritiq; famam

Audijs, siquem Liger in remotis

Occulit ripis, refugo ne inundat

Sequana cursu.

Te neque iniusti rabies Neronis,

Impios iam iam minitantis ignes,

Non per exertos Anolinus urgens

Terruit enses.

Iam uoluptatum, gelidæq; uictor

Mortis, & lapsi reparator orbis

Diceris, milesq; peræque Iberis

# EPIGRAMMATON

Notus, & Indis.

Ergo speratum genitor triumphum,  
Et parum factis meruisse calum est.  
Aureum uultu iubar, & coruscus  
Fundis honores.

Salve Io magni noua lux olympi,  
Cui per extensas operosa terras  
Templa tot surgunt, calidisq; fumant  
Ignibus aræ.

Nos tibi hac grata scopulorum in umbra  
Rite paruis adiculam columnis  
Ponimus: nos perpetuo sacramus  
Munere fontem.

Accipe æstiuam, noua ferta, citrum, &  
Virgines lauros, gracilesq; myrtos,  
Quosq; Mergillina tulit propinquo  
Littore odores.

O mihi longos liceat per annos  
Hic sacra, & festos renouare ludos,  
Et tuum castis sine fraude uotis  
Poscere numen.

De Ferdinando Haualo  
Piscariæ Principe.

Admoueant iterum cælo si castra gigantes  
Hoc duce, quo Ligurum gloria fracta iacet:  
Cum Marte Enceladus, cum Phæbo signa Typhoeus  
Conferet, ipse Haualus cum Ioue bella geret.

## In Nolam Urbem.

**I**nsum Musis nomen, male grata petenti  
Virgilio optatam Nola negavit aquam.  
**N**oluit hæc eadem Iouiano rustica uati  
Hospitium parua contrubuisse moræ.  
**I**ccirco nimirum hoc dicta es nomine Nola,  
Nolueris magnis quod placuisse uiris.  
**A**t tibi pro scelere hoc cœnoso fusca per agros  
Exhausit populos siyx uiolenta tuos.  
**I**amq; quid ò nullis abolenda infamia sæclis  
Imprecer? & cælum desit, & unda tibi.

## In Lygdamum.

**Q**ueris Lydame, musca cur uoceris?  
Nam musca es, mihi crede, tam molesta,  
Quàm nec sunt culices, grauesq; fuci,  
Quàm nec uermiculiq; , cimicesq; .  
Vnum te tamen arceat necesse est,  
Turde læ auxilium cacantis, ut te  
Non muscaria, miluiq; caudæ,  
Non alæ accipitrum potentiorum  
Auertant, abigantq; sæuiantem.

ACTII SYNCERI SANNAZARII  
NEAPOLITANI, VIRI PATRI  
CII, EPIGRAMMATON  
LIBER III.

MARIAE CARLONIAE  
GRAPPINAE.

ROPAGO *Formosæ arboris*

*Formosa uirgo, quæ uagos*

P *Inter orta Cupidines,*

*Veris lilia uincis,*

*Rosasq; molles, & croci*

*Pulchre rubentis igneum*

*Florem, & unidulas comas*

*Halantis hyacinthi:*

*Redisti auitos ad lares,*

*Felicem ocellulis tuis*

*Redditura Neapolim,*

*Caro adnixa marito:*

*Redisti ad optatos choros*

*Aequalium, & probos sinus*

*Matris, ac bene cognitum*

*Fratris dulcis amorem.*

*Quis ò, quis hunc albo mihi*

*Signet diem lapillos?*

*Quis Sabæa calentibus*

*Addat munera flammis?*

*Vocanda Musarum cohors.*

*Huc huc benigna; & abditam*

Barbiton cape, myrteis  
Frontem uincta coronis  
Thalia : quid dignum tuo  
Promis fauore? quid bonæ  
Voce, uel fidibus student  
Respondere sorores.  
Sed esse quid lætum Deæ  
Hic absque amoribus potest?  
Non mouet Chione suis  
Non me Lyda papillis.  
Procul faceffant hinc malæ,  
Sæcli pudor, libidines.  
Mi sæ est, minuat graues  
Si Garlonia curas.  
Iuuenta cur me tam cito  
Ludendo inepta deseris?  
Hec erat facies nouis  
Non fraudanda libellis.

## Ad Cassandram.

Quarta Charis, decima es mihi Pieris, altera Cypris,  
Cassandra una choris addita diua tribus.

## Se fidem seruaturum

Si post fata nouos animas errare per artus  
Vera docent samij dogmata nota senis;  
Nec pote mens eadem mutari, seu ferus altis  
Erret aper siluis, seu uaga canteat anis:

**I**pse ego (mens quoniam est uni servire puellæ)  
Exurgam mastis turtur ab exequiis.

Ad Federicum.

**L**itibus abstinui semper; mihi testis Apollo est,  
Et Musæ, & studiis ocia grata meis.  
**N**unc me nescio quis per tristia iurgia uersat  
Scotius, & rauci cogit ad arma fori,  
**E**s fateor magnus pulsus Rex inclyte Gallis.  
Pelle etiam Scotos, & mihi maior eris.

Ad Eunum.

**Q**uicquid erat tripodum Comis, Delphisq; petisti;  
Discere fortunam dum cupis Eune tuam.  
**A**t deus, Extabis supra Regesq; Ducesq;  
Veridico tandem rettulit ore tibi.  
**T**u tamen hinc uanos sumpstisti Gracule fastus:  
Iam magni dominus, iam pater, orbis eras.  
**E**cce crucem ascendis. non te deus Eune sefellit:  
Omnia sunt crepidis inferiora tuis.

Ad Porciam Branciam, &  
Isabellam Sororem.

**P**orciam & Isabella, uenustæ pignora matris,  
Dicite, quis uestras non amet illecebras?  
**T**u quoque dic, tali cum sis dignissima partu,  
Quis Leonora tuo nolit ab igne mori?

Natarum illecebris, matris simul ignibus uri

Qui cupit; is mortis flagrat amore suæ.

Vita vale: in lucro est perisſe: ſed hoc reliquum, mors

Quod ſinus, eſt iſſis nix ſatis exequijs.

## F I N I S.

## R E G I S T R V M.

A B C D E F G H I K L M N.

Omnes ſunt Quaterniones.



















